



Comhchomhairliúchán maidir le Dréacht-Straitéis
BAI um Sheirbhísí Craolacháin & Bearta Rialála
Ceadúnúcháin

Ráiteas maidir le Torthaí

Údarás Craolacháin na hÉireann

Deireadh Fómhair 2018

Clár Ábhair

	1
1. Réamhrá	3
2. Bonn Reachtaíochta agus Cúlra	3
3. Taighde	4
3.1 Tuarascáil Taighde Mediatique	4
3.2 Suirbhé do Thomhaltóirí	6
3.3 Gairm ar Aighneachtaí	7
4. An Comhchomhairliúchán	8
4.1 Ócáid do Pháirtithe Leasmhara	8
4.2 Aighneachtaí i Scríbhinn	8
4.3 Achoimre ar Shaincheistanna a d'eascair as an gComhchomhairliúchán	9
5. Torthaí an Chomhchomhairliúcháin	10
5.1 Fís BAI	10
5.2 An Fhís sin a Fhíorú	14
5.2.1 Ceadúnú – Oiriúnacht próiseas ceadúnúcháin	14
5.2.2 Rialáil Seirbhísí	25
5.3 Bearta Rialála maidir le Ceadúnú	28
Aguisín 1	42
Straitéis um Sheirbhísí Craolacháin an BAI (Samhain 2018)	42
Aguisín 2	61
Achoimre ar Léirithe Suime	61
Aguisín 3	64
Ord Reatha na hÓcáide do Gheallsealbhóirí	64
Aguisín 4	65
Liosta de na Freagraí i Scríbhinn ar an gComhairliúchán	65

1. Réamhrá

Tá Údarás Craolacháin na hÉireann (BAI) tar éis athbhreithniú a dhéanamh ar an Straitéis um Sheirbhísí Craolacháin ('SSC') aige tar éis próiseas athbhreithniúcháin inar áiríodh taighde a choimisiúnú ar ghnéithe eacnamaíocha agus comhshaoil earnáil na meán cumarsáide agus comhchomhairliúcháin poiblí ar dhréacht-SSC athbhreithnithe.

Tugtar sa doiciméad seo na torthaí ar an gcomhchomhairliúcháin, agus leagtar amach na hathruithe a rinneadh ar an dréacht-SSC agus na bearta rialála i gcomhair ceadúnú a ghabhann leis, atá bunaithe ar an taighde, ar an aiseolas agus ar na haighneachtaí a fuair BAI i gcaitheamh an chomhchomhairliúcháin.

Leagtar amach in alt 2 thíos an bonn reachtaíochta faoin SSC, agus tugann alt 3 sracléiriú ar an taighde atá déanta chun an t-athbhreithniú agus dréachtú an doiciméid comhchomhairliúcháin SSC a threorú. Tá sracléiriú ar an gcomhchomhairliúcháin poiblí ar an dréacht-SSC leagtha amach in Alt 4. Mar áis tagartha, tá an doiciméadacht a úsáideadh i gcaitheamh an athbhreithnithe, lena n-áirítear an doiciméad comhchomhairliúcháin, ar fáil ó www.bai.ie/ga/comhairliuchain/

Tugtar mionchur síos in Alt 5 den doiciméad seo ar thorthaí an chomhchomhairliúcháin, lena n-áirítear plé agus cinntí an Údaráis i ndáil leis na tograí agus na smaointe as na freagraí scríofa agus ón ionchur ag an ócáid do pháirtithe leasmhara. Tá an t-alt seo roinnte ina fho-ailt a leanann struchtúr an SSC deiridh, atá ar áireamh in Iarscríbhinn 1.

2. Bonn Reachtaíochta agus Cúlra

Ceanglaítear le hAlt 26(2)(1)(a) den Acht Craolacháin, 2009 ("Acht 2009") ar an Údarás straitéis a ullmhú chun seirbhísí craolacháin a sholáthar sa Stát de bhreis ar na seirbhísí a sholáthraíonn RTÉ, TG4 agus Cainéal Thithe an Oireachtais. Mar chomhlíonadh ar an gceanglas sin, ceapadh agus foilsíodh an chéad straitéis den sórt sin, an Straitéis um Sheirbhísí Craolacháin ("an SSC") i mí na Márta 2012.

Is é príomhchuspóir an SSC ná cur chuige an Údaráis a stiúru maidir le seirbhísí craolacháin a cheadúnú agus chun foráil a dhéanamh maidir le pleananna ceadúnúcháin de réir mar a thiocfaidh gá leo. Leagtar amach ann meon an Údaráis i leith thábhacht agus thionchar ionchasach a ghníomhaíochtaí ceadúnúcháin, a chuspóir, aidhmeanna agus fíis an Údaráis agus a chur chuige i leith an fhíis sin a fhíorú.

Nuair a rinne siad cinneadh an SSC a athbhreithniú san am sin, thuig an tÚdarás go bhfuil an-athrú tagtha ar thimpeallacht na meán cumarsáide san aimsir seo agus tá Ráiteas Straitéise nua curtha i bhfeidhm i gcomhair na tréimhse 2017-2019, ina bhfuil ar áireamh an sprioc straitéiseach *éagsúlacht agus iolarthacht a chur chun cinn agus nuálaíocht agus inbhuanaitheacht earnála a threisiú*. Táirge insoláthartha ríthábhachtach de chuid an ráitis nua seo ná *'Straitéis um Sheirbhísí Craolacháin athbhreithnithe a fhorbairt agus a fhorfheidhmiú ina leantar ag éascú beartas agus pleananna ceadúnaithe dinimice agus a chuireann chun cinn cláir ardchaighdeáin as Gaeilge'* agus ceann eile ná, *'creatlach a fhorbairt agus a chur i ngníomh lena gcuirfear chun cinn agus lena dtacófar leis an gcruthaitheacht agus an nuálaíocht in earnáil chlosamhairc na hÉireann agus ar fud ghníomhaíochtaí uile BAI'*.

Sa chomhthéacs sin, chomhaontaigh an tÚdarás gur ghá athbhreithniú cuimsitheach a dhéanamh ar an SSC agus gur cheart díriú in aon SSC athbhreithnithe ar spriocanna, chuspóirí agus bheartas craolacháin ardleibhéil seachas ar chleachtais rialála mhionsonraithe. Ba cheart spriocanna agus cuspóirí an SSC a leabú sa Ráiteas Straitise is deireanaí. Comhaontaíodh ina theannta sin go raibh tionscadal suntasach taighde ag teastáil i gcomhair an athbhreithnithe chun tacú le plé agus cinntí an Údaráis. Tá an cur chuige sin ag teacht le gealltanais sonraithe, agus le cleachtas, an Údaráis a deir gur gá saintuiscint a fáil agus a bheith ar an eolas ar chúrsaí.

3. Taighde

Mar a thagraítear amhlaidh in alt 2, chomhaontaigh an tÚdarás go raibh anailís mhionsonraithe timpeallachta agus eacnamaíoch ar earnáil na craoltóireachta in Éirinn ag teastáil mar bhonn eolais le forbairt agus athbhreithniú an SSC. Maidir leis sin de, comhaontaíodh gur chóir tuiscint chuimsitheach a thabhairt sa tuarascáil taighde ar na tosca is cúis leis an athrú san am i láthair agus na tosca leis an athrú sin ar dóigh dóibh teacht ar barr san am atá le teacht. Ba chóir moltaí a thabhairt inti chun a chinntiú go dtacóidh an SSC athbhreithnithe leis an BAI chun a chuspóirí sonraithe a bhaint amach mar atá siad leagtha amach i Ráiteas Straitéise an Údaráis: *an chraoltóireacht a rialáil, a chothú agus tacú léi; chun iolracht guthanna, tuairimí, asraonta agus foinsí i meáin na hÉireann a chur chun cinn; agus, ábhar cáilíochta éagsúil agus ábhartha go cultúrtha do lucht féachana na hÉireann a chothú, lena n-áirítear sa Ghaeilge.*

De dhroim próiseas tairisceana poiblí, d'fhostaigh BAI seirbhísí Mediatique Limited (“Mediatique”)¹ chun an taighde a dhéanamh agus i dteannta an phróisis tairisceana, rinne an tÚdarás ina cheann sin fógra poiblí a chur inar gaireadh ‘Aighneachtaí Leasa’ (“Gairm”)² ó pháirtithe a bhfuil leas acu i mbunú seirbhísí craolacháin fuaimne tráchtála nua ar bhanda FM.

3.1 Tuarascáil Taighde Mediatique

D'iarr an tÚdarás tuarascáil struchtúrtha a sholáthar ina dtabharfaí measúnacht láidir ar dhinimicí reatha agus sa todhchaí in earnáil chraoltóireachta na hÉireann. Chuir Mediatique tús leis an tionscadal taighde i mí Mheán Fómhair 2017 agus chríochnaigh sé í go luath i mí na Nollag 2017. Bhí mar fhorlíonadh ar an taighde suirbhé do thomhaltóirí i dtaobh na riachtanas agus na roghanna ríthábhachtacha atá ag an lucht éisteachta agus féachana in Éirinn mar aon le gairm ar aighneachtaí ó pháirtithe a bhfuil leas acu i seirbhísí raidió analógacha FM tráchtála nua a sholáthar.

An tuarascáil taighde, dar theideal ‘*Tuarascáil ar struchtúr, dinimic agus forbairtí an mhargaidh i meáin na hÉireann*’, eisíodh í go luath i 2018, agus tugadh anailís inti ar na réimsí ríthábhachtacha seo a leanas: -

- struchtúr agus dinimicí reatha mhargadh na craoltóireachta agus treocheartaí san am atá le teacht;
- riachtanais agus roghanna an lucht féachana agus éisteachta (tá na fionnachtana sin ag eascairt as suirbhé do thomhaltóirí a choimisiúnaigh Kantar Media i measc 1,515 líon tí in Éirinn);

¹ Is gnólacht comhairleach straitéiseach é Mediatique a dhéanann sainfeidhmiú ar thionscail na meán cumarsáide agus na cumarsáide.

² Tá liosta de na haigneachtaí i gceangal in larscríbhinn 2.

- struchtúr agus riachtanais earnáil na craoltóireachta neamhspleáiche san am atá le teacht, lena n-áirítear cineálacha samhlacha stáisiúin, saincheisteanna inbhuanaitheachta, éagsúlachta agus iolarthachta;
- an gá a bheidh le rialáil a dhéanamh ar an gcrualtóireacht raidió agus teilifíse san am atá le teacht;
- na roghanna féideartha chun beartas a bhunú maidir leis an raidió digiteach agus teilifís dhigiteach trastíre a chur chun cinn;
- riachtanais agus moltaí maidir le rialáil san am atá le teacht.

Ar phríomhfhionnachtana an taighde, agus ar na moltaí a d'eascair as, tá siad seo a leanas³:

- Tá dlúthcheagal fós ag tírdhreach na meán in Éirinn leis an teilifís agus an raidió craolta, ach bíonn sé i ngleic le dúshlán struchtúir a bhfuil eolas maith orthu: an nascacht /rochtain ar an ngréasán; iomadúlacht feistí ceangailte; éilimh na dtomhaltóirí (áit ar bith-am ar bith); iontráil nua; agus, samhlacha / conairí nua chun an mhargaidh.
- Is iad saintréithe mhargadh na teilifíse ná breis roghanna agus rialaithe don tomhaltóir – agus dá thoradh sin, tá forlámhas na teilifíse craolta beo faoi bhrú. Is iad na dinimicí atá ag athrú i dtírdhreach na teilifíse ná: margadh in ardáin iomaíocha (saor ó chostas, fara íocaíocht, IPTV); teilifís íoctha de réir 65% - faoi bhrú ag cuacha tanaí; samhlacha nua (seinnteoirí SVOD, OTT, VOD); agus, breis tithe nach bhfuil teilifís iontu (timpeall le 30,000).
- Ar an gcuma chéanna, tá margadh an raidió ina chuid de thírdhreach fuaimne níos leithne – ach tá an raidió beo chun tosaigh fós. Tá margadh an raidió aibí (forleathan & plódaithe – náisiunta, réigiúnach, áitiúil, pobail) ach tá sé ag athrú: tá tús áite ag FM i gcónaí; tá an líon éisteoirí óga ag dul i laghad – dúshlán mór é sin; dúshlán na nascachta – sruthú, ar éilamh, íoslódálacha; is cuid de mhargadh “fuaimne” níos leithne anois é an raidió.
- Is iad an teilifís chraolta agus an raidió craolta na príomhghníomhaíochta meán cumarsáide ag teaghlach in Éirinn – d’ainneoin an réimse méadaitheach d’idirghníomhaíocht eile leis na meáin chumarsáide is indéanta anois.
- Níor léirigh ach mionlach beag de thomhaltóirí in Éirinn go rabhadar míshásta le hearnáil na craoltóireachta – tá a bhformhór sásta leis an réimse agus an cháilíocht stáisiún/cainéal atá ar fáil dóibh.
- Léirigh roinnt líonta tí míshásamh leis an méid lánais a rinneadh in Éirinn atá ar fáil – tá an líon sin níos airde i measc seirbhísí VOD, agus cainéil teilifíse ina dhiaidh sin agus stáisiún raidió ar deireadh.
- Is ag an teilifís chraolta bheo a bheidh an cion is mó ar fad den tomhailt físe faoi 2022, ach ní hamhlaidh sin maidir le haoisghrúpaí óga. Tá cás den sórt céanna fíor maidir leis an raidió, ach fanfaidh an cion a bheidh aige den tomhailt fuaimne fhoriomlán ard i gcaitheamh an ama.
- An dúshlán is mó atá le sárú ag margadh na hÉireann ná airgead – agus cén tionchar a bheadh ag easpa fhéideartha fáis i samhlacha rithábachtacha ioncaim ar an gcumas lánas Éireannach a tháirgeadh. In éagmais samhlacha is inmharthana ó thaobh na tráchtála de (agus/nó breis maoinithe phoiblí), d’fhéadfadh go mbainfí an bonn ó chumas an mhargaidh baile cistiú

³ Cur i Láthair Mediatique – ócáid do Pháirtithe Leasmhara

inbhuanaithe a chur ar fáil do lánas Éireannach de chineálacha éagsúla – an drámaíocht, cláir faisnéise, an nuacht, pé acu ar an teilifís nó ar an raidió.

- Fágann an tírdhreach athraitheach craolacháin go bhfuil roinnt saincheisteanna le breithniú ag BAI lena n-áirítear; rannpháirtíocht ag páirtithe leasmhara; féinchabhair a chur chun cinn i measc craoltóirí; ullmhú a dhéanamh do Brexit; infheistíocht i lánas Éireannach a chothabháil; soláthar / inniúlacht raidió: rogha vs inbhuanaitheacht; agus, luas an athraithe i margaí sna meáin chumarsáide a rianú.

Tá ar áireamh sa tuarascáil taighde roinnt moltaí i bhfianaise chomhthéacs an mhargaidh atá ag athrú. Tá an tuarascáil agus na cuir i láthair ghaolmhara don BAI agus ag an ócáid do na páirtithe leasmhara ar fáil ar line ag www.bai.ie/ga/comhairliuchain/

3.2 Suirbhé do Thomhaltóirí

D'fhonn na riachtanais agus na roghanna is mó atá ag an lucht féachana agus éisteachta seirbhísí craolta in Éirinn a aithint, rinne Mediatique conradh le Media Kantar (“Kantar”) chun suirbhé tomhaltóirí a dhéanamh d’fhonn daoine a cheistiú i dtaobh an iompair agus na ndearcthaí a mhaíonn siad atá acu⁴. Rinneadh an suirbhé a struchtúru ina cheithre phríomhréimse: an úsáid a mhaítear a bhaintear as gníomhaíochtaí meán cumarsáide, lena n-áirítear seirbhísí físe agus fuaimne; roghanna maidir le lánas de réir cineál agus seánra stáisiúin/cainéil; tuairimí mar gheall ar cháilíocht, shainiúlacht agus an scála soláthair de sheirbhísí craolta in Éirinn; agus, tuairimí ar shástacht leis an méid lánais Éireannaigh atá ar fáil ar mheáin chumarsáide éagsúla in Éirinn. Tá an tuarascáil ar thorthaí an tsuirbhé ar fáil ar shuíomh gréasáin BAI www.bai.ie/ga/comhairliuchain/

Ar phríomhfhionnachtana an tsuirbhé tá siad seo a leanas:

- Tugann tomhaltóirí meán cumarsáide faoi raon méadaitheach gníomhaíochtaí, ach is iad an teilifís chraolta agus an raidió craolta fós na meáin chumarsáide is mó i dtéarmaí gníomhaíochta agus an ama a chaitear.
- Tá na haoisghrúpaí óga ag laghdú na tomhailte a dheanann siad de na meán chumarsáide chraolta ar ráta is tapúla ná grúpaí eile; mar sin féin, fiú i measc na n-aosach is óige, tá an teilifís agus an raidió ar dhá cheann de na meáin chumarsáide is mó úsáid.
- Is í an úsáid a bhaintear sa teach as trealamh traidisiúnta craolta (raidió analógach caighdeánach, teilifís trí aeróg, boscaí bairr) an meán is mó fós chun lánas físe agus fuaimne a ghlacadh agus a thomhailt; ach tá an ráta glactha agus úsáide maidir le feistí nasctha ag dul i méad siar.
- Tá cuid mhór roghanna agus tosaíochtaí á maíomh ag an lucht éisteachta agus féachana in Éirinn ó thaobh lánas físe agus fuaimne. Is iad na seánraí raidió is mó a bhfuil tóir orthu ná an nuacht, cláir chainte, ceol pobail agus récheol. Is iad na seánraí teilifíse is mó a bhfuil tóir orthu ná scannáin, an nuacht, cláir faisnéise, drámaíocht agus spórt.
- Deir an lucht féachana agus éisteacha in Éirinn go bhfuil siad sásta tríd is tríd leis an raon agus leis an gcáilíocht lánais a bhíonn ar fáil ar na meáin chumarsáide chraolta. Níl aon chomhdhearcaidh ann maidir le mórbhearnaí sa soláthar – tríd is tríd, creideann an lucht

⁴ Tugtar achoimre ar na torthaí ar Leathanaigh 40 – 50 de thuarascáil taighde Mediatique.

féachana agus éisteachta go bhfuil an méid ceart de sholáthar lánais i bpríomhsheánraí ar a n-áirítear ceol na hÉireann, an Ghaeilge agus an nuacht.

- Tá roinnt scóipe ag craoltóirí in Éirinn feabhas a chur ar an tslí a léiríonn siad cultúr agus éagsúlacht na hÉireann, agus chun méadú a dhéanamh ar an méid lánais infhaighte a dhéantar in Éirinn ach is amhlaidh, ar meán, go bhfuil formhór an lucht féachana agus éisteachta sásta le soláthar agus feidhmíocht craoltóirí teilifíse agus raidió.

Mar achoimre, léiríonn an suirbhé pictiúr atá ag dul chun castachta siar de thomhailt lánais i dtírdheach arb iad na meáin chraolta fós is mó atá i gceannas air. Táthar sásta tríd is tríd le cineál agus raon an tsoláthair lánais a chraoltar, agus le haschur agus feidhmíocht craoltóirí na hÉireann.

3.3 Gairm ar Aighneachtaí

Mar fhorlíonadh ar an taighde, d'iarr BAI aighneachtaí leasa chun seirbhísí craolta fuaimne tráchtála nua a sholáthar, ar bhanda FM, ó Mheitheamh go dtí Lúnasa 2017. Mar chuid den ghairm, glacadh le moltaí maidir le cineál na seirbhíse/seirbhísí a bheidh le soláthar agus na réimsí ar a bhfreastalóidh na seirbhísí breise sin. Iarradh na haighneachtaí chun críocha taighde agus faisnéise, agus chun na gcríoch sin amháin. Breithníodh na haighneachtaí a fuarthas i gcúrsa an tionscadail taighde ó Lúnasa go Nollaig 2017 agus tugadh aird ar cháilíocht, raon agus chineál na gclár a bheidh le soláthar agus go háirithe, ar a mhéad a chuirfeadh aon seirbhís nua le héagsúlacht na seirbhísí in aon áit faoi leith. Maidir leis sin de, cuimsíonn an tuarascáil chríochnaithe ar thaighde ag Mediatique breithniú ar na haighneachtaí a fuarthas.

Fuair BAI 18 bhfreagra ar an ngairm sin ar aighneachtaí leasa i soláthar seirbhísí craolta fuaimne tráchtála nua. Bhain 10 bhfreagra san iomlán le seirbhísí nua raidió a sholáthar, agus bhain 3 fhreagra acu le modhnuithe a dhéanamh ar sheirbhísí reatha. Bhain na 13 aighneacht sin go léir le seirbhísí craolta fuaimne ina leagtar béim ar an gceol agus tá achoimre orthu sa tábla a ghabhann le hlarscríbhinn 2. Leagadh amach sna 5 fhreagra eile tuairimí ar an earnáil chraoltóireachta reatha.

Tograí maidir le Seirbhísí Nua: Na 10 gcinn de sheirbhísí nua ceoldíríthe a moladh, is de chineálacha ilghnéitheacha iad agus baineann siad le limistéir shaincheadúnais éagsúla. Maidir leis sin de, bhain 3 cinn de na tograí le limistéar saincheadúnais náisiúnta, rud nach indéanta faoi láthair ó thaobh dearcadh teicniúil de. Is le sainréimsí a bhaineann na seirbhísí sin agus tá siad ábhar suaithinseach le hais a chéile.

Moladh seirbhís nua amháin i gcomhair Cho. Chill Mhantáin, seirbhís cheoldíríthe don aos óg. Moladh 2 sheirbhís eile i gcomhair réigiúin de chontaetha, a thiomargfadh clúdach ar leath mhargadh náisiúnta na hÉireann. Is i gcomhair ceantair il-chathracha agus/nó il-chathracha/mórcheantair uirbeacha na 3 sheirbhís eile. Is díol suntasach gur moladh lánas dírithe ar cheol tíre/cheol na hÉireann i gceithre cinn de na seirbhísí sin. Tá féidearthacht níos mó go ndéanfaí clúdach teicniúil ar na limistéir shaincheadúnais sin a mholtar.

Modhnuithe ar Sheirbhísí Reatha: Moladh modhnuithe a dhéanamh ar chonarthaí reatha i dtírdheach de na haighneachtaí a fuarthas. Maidir leis sin de, bhíothas ag iarraidh sna trí aighneacht sin go léir méadú a dhéanamh ar a limistéir shaincheadúnais faoi seach agus tríd sin, méadú suntasach a dhéanamh ar an lucht féachana nó éisteachta ionchasach.

Tuairimí: Na 5 aighneacht nár iarradh seirbhísí nua iontu, tugadh moladh iontu a bheith cáiríseach i bhfianaise na ndúshlán agus an tsuaite sa mhargadh agus iarradh iontu ina theannta sin deireadh a chur leis an tobhach craolacháin. Leagadh béim i gceann de na haighneachtaí ar an ról tábhachtach is féidir a bheith ag an raidió pobail chun cuidiú le BAI a chuspóirí sonrath a bhaint amach. Iarradh in aighneacht eile go dtabharfadh BAI isteach cuóta 60% i gcomhair cheol na hÉireann ar sheinnliostaí i leith stáisiúin raidió in Éirinn.

Chuir BAI in iúl do gach freagróir ionchasach go mbeadh gach aighneacht ar oscailt lena ceistiú le linn an athbhreithnithe ar an SSC agus go gcuirfí ar fáil do thaighdeoirí BAI í. Tá na haighneachtaí ar fáil ar iarratas.

4. An Comhchomhairliúchán

Seoladh an comhchomhairliúchán poiblí ar dhréacht-BSS BAI an 24 Aibreán 2018 ar ócáid do pháirtithe leasmhara agus mhair sé ar feadh 8 seachtaine, agus tháinig deireadh leis an 19 Meitheamh 2018. Foilsíodh dréachtdoiciméad comhchomhairliúcháin, ina raibh ceistanna comhchomhairliúcháin leis, chun rannpháirtíocht leis an bpróiseas a urasú agus a spreagadh.

4.1 Ócáid do Pháirtithe Leasmhara

Tionóladh an Ócáid do Pháirtithe Leasmhara i mBaile Átha Cliath an 24 Aibreán agus d'fhreastail réimse leathan ionadaithe de chuid earnáil na craoltóireachta uirthi agus bhíothas an-sásta léi. Tá an t-ord reatha i gcomhair na hócáide i gceangal in larscríbhinn 3 mar eolas. Tá cóip den chur i láthair a rinne Mediatique ar an tuarascáil taighde, tras-scríbhinn den seisiún ceistanna agus freagraí, an t-aiseolas ón bplé comhchéime agus físeán de na seisiúin tosaigh ar fáil ar shuíomh BAI www.bai.ie/ga/comhairliuchain nó is féidir iad a chur ar fáil ach iad a iarraidh.

Cé go raibh an lá dírithe ar an dréacht-SSC, thapaigh rannpháirtithe an deis ar aghaidh a thabhairt ar nithe eile leithéidí na nithe is ábhair bhuartha le craoltóirí i dtaobh nithe rialála lena n-áirítear athruithe ar an reachtaíocht, an tobhach, an Cód Ginearálta maidir le Cumarsáid Tráchtála, Beartas Úinéireachta agus Rialúcháin BAI agus Conradh Craolacháin Fuaimne BAI. Dúradh go rabhthas buartha mar gheall ar na dálaí eacnamaíocha faoi láthair, go háirithe an tionchar atá ag soláthraithe agus forbairtí lánais neamh-Éireannacha laistigh d'earnáil na meán cumarsáide agus go háirithe, an fás ar lánas digiteach gan rialáil ar line. Rinneadh tagairt don €40m a bhaineann craoltóirí RA as margadh na fógraíochta in Éirinn trí scar-rogha a úsáid d'Éirinn gan aon chuid den ioncam sin a athinfheistiú i lánas clár in Éirinn. An t-aiseolas a bhaineann leis na nithe sin nach bhfuil baint acu le hathbhreithniú an SSC scaipeadh é laistigh de BAI agus beidh sé ina bhonn eolais faoi ghníomhaíochtaí iomchuí BAI agus cuideoidh sé leis an gcéanna.

4.2 Aighneachtaí i Scríbhinn

Bhí 19 gcinn d'aighneachtaí i scríbhinn faighte faoi dheireadh an chomhchomhairliúcháin an 19 Meitheamh 2018. Is éard a bhí iontu sin tríd is tríd ná an t-aiseolas a fuarthas ag an ócáid do pháirtithe leasmhara, ach tugadh cuntas níos mionsonraithe ar an gcéanna iontu. Dála an aiseolais ag an ócáid do pháirtithe leasmhara, tarraingíodh anuas nithe nár bhain go díreach le hathbhreithniú an SSC agus scaipeadh iad laistigh de BAI mar bhonn eolais leis na gníomhaíochtaí iomchuí de chuid BAI agus chun cuidiú leo. Bhí na haighneachtaí a fuarthas ilghnéitheach agus tá liosta de na freagróirí i gceangal in larscríbhinn 4 mar eolas. Tá na haighneachtaí ar fáil ar shuíomh gréasáin BAI www.bai.ie/ga/comhairliuchain nó is féidir iad a chur ar fáil ach iad a iarraidh.

4.3 Achoimre ar Shaincheistanna a d'eascair as an gComhchomhairliúchán

Bhí an-rannpháirtíocht ag craoltóirí ar fud na hearnála leis an gcomhchomhairliúchán, ag páirtithe a raibh leas acu i soláthar seirbhísí raidió nua agus ag páirtithe atá tiomanta do thacaíocht a thabhairt don Ghaeilge.

San aiseolas a fuarthas, tacaíodh tríd is tríd le dréacht-SSC an Údaráis. Aithníodh ról an Údaráis i rialáil earnáil na craoltóireachta agus an tábhacht atá lena chuid gníomhaíochtaí ceadúnúcháin. Tacaíodh tríd is tríd leis an dréacht-SSC mar a tíolacadh é ach moladh roinnt leasuithe agus breiseanna sonracha a dhéanamh ar an dréacht-téacs.

Tháinig ceithre phríomh-shaincheist ar barr: 1. An Inbhuanaitheacht; 2. An Ghaeilge; 3. An fhéidearthacht go mbunófaí seirbhís craolacháin fuaimé FM sainréimse nua lasmuigh de limistéar Bhaile Átha Cliath; agus, 4. Craoltóireacht Fuaimé Dhigiteach.

4.3.1 An Inbhuanaitheacht

Dála mar a luadh ag an ócáid do pháirtithe leasmhara agus sna haighneachtaí i scríbhinn bhí na craoltóirí uile buartha mar gheall ar an inbhuanaitheacht. Dar le craoltóirí pobail go bhfuil easpa foinse chomhsheasmhach chistiúcháin ag baint an bhoinn ó fhorbairt na hearnála, idir raidió agus teilifís. Maidir leis an earnáil tráchtála de, is iad na príomhdheacrachtaí atá ann ná an timpeallacht eacnamaíoch dhúshlánach leanúnach, an leibhéal ioncain fógraíochta atá á bhaint amach as an margadh ag craoltóirí atá ceadúnaithe i RA agus an méadú ar an líon soláthraithe lánais dhigitigh neamhrialáilte. Aithníodh na hábhair bhuartha sin go léir i dtuarascáil Mediatique. Táthar ag déileáil leis na deacrachtaí sin trí roinnt sreafaí oibre de chuid BAI agus níl siad iomchuí go sonracha maidir lena bhfuil sa dréacht-SSC reatha.

4.3.2 An Ghaeilge

Tarraingíodh anuas an tsaincheist a bhaineann leis an leibhéal de ghealltanais reatha i leith na Gaeilge atá ag conraitheoirí atá ceadúnaithe ag an BAI agus rinneadh moltaí i gcomhair stáisiún náisiúnta Gaeilge.

4.3.3 Seirbhís Nua FM Ionchasach

Na tuairimí a nochtadh i dtaobh an ionchais go mbunófaí seirbhís craolacháin fuaimé sainréimse nua lasmuigh de limistéar Bhaile Átha Cliath, bhíodar glan i gcoinne a chéile; bhí roinnt daoine go láidir ar son an togra agus bhí roinnt daoine eile a d'áitigh go láidir i gcoinne aon seirbhís nua a thabhairt isteach.

4.3.4 An Chraoltóireacht Fuaimé Dhigiteach

Maidir leis an gcráoltóireacht fuaimé dhigiteach, cé gur nochtadh tuairimí éagsúla ar an ábhar seo, bhíothas sásta tríd is tríd leis an gcur chuige a leagtar amach sa dréacht-SSC; grúpa oibre a bhunú. Rinneadh tograí inar iarradh ilphléacs craolacháin fuaimé a chur ar bun.

4.3.5 Saincheistanna Eile

Ar shaincheistanna eile a tógadh bhí an togra ag seirbhísí craolacháin tráchtála go dtabharfaí dóibh an t-aitheantas cuí sa SSC as an lánas seirbhíse poiblí a sholáthraíonn siad. D'iarr freagróir aitheantas cuí a thabhairt do luach craoltóirí institiúideacha. Rinneadh tograí i leith gealltanais chun laghdú a dhéanamh ar an ualach riarachán a chuirtear ar chonraitheoirí agus chun go n-oiriúnódh an BAI próisis chuí chun a urasú na ceanglais reachtaíochta a bhogadh. Rinneadh iarraidh go gceadúnódh an tÚdarás seirbhísí a raibh tóir orthu, mar nach aon mhaith d'oibleagáidí an BAI iad seirbhísí nach bhfuil tóir orthu

agus gur beag an lucht éisteachta a bhíonn acu, san am céanna a bhfuil iomaitheoirí idirnáisiúnta ag teacht ar an margadh.

Tugtar mionchur síos sna hailt seo a leanas ar na breithnithe agus na cinntí a rinne an tÚdarás agus ar na leasuithe agus/nó na breisithe a rinneadh ar an dréacht-SSC.

5. Torthaí an Chomhchomhairliúcháin

Leagtar amach san alt seo na tuairimí agus na tograí a bailíodh tríd an bpróiseas comhchomhairliúcháin mar aon le breithniú agus cinntí an BAI i ndáil leo. Mar áis tagartha, leantar struchtúr an doiciméid SSC críochnaitheach san alt seo:

5.1 Fís BAI (Alt 4)

5.2 An Fhís sin a Fhíorú (Alt 5)

5.3 Ceadúnú

5.4 Rialáil

5.1 Fís BAI

Tá Fís BAI agus príomhchuspóirí an SCC leagtha amach in Alt 4, leathanaigh 15 & 16, den dréacht-SSC. Cuireadh dhá cheist sa chomhchomhairliúchán;

- 1. Cad é do thuairim ar an bhFís Bheartaithe?**
- 2. An bhfuil aon athruithe nó bhreisithe sonracha ba chóir a bhreithniú? Má tá, mínigh an aigne atá agat ina leith.**

Tacaíodh tríd is tríd san aiseolas le Fís an Údaráis. Mar sin féin, rinneadh roinnt tograí go leasófaí an ráiteas maidir leis an bhFís agus/nó cuspóirí na Físe agus tá achoimre orthu sin thíos faoi seo.

5.1.1 An Inbhuanaitheacht; Rinneadh moladh i sé gcinn de na haighneachtaí i scríbhinn, lena n-áirítear oibritheoirí raidió tráchtála agus Craoltóirí Neamhspleácha Éireann (an comhlacht ionadaitheach thar ceann earnáil an raidió neamhspleách), CRAOL (a dhéanann ionadaíocht ar na stáisiún raidió pobail) agus RTÉ, gur chóir an ‘inbhuanaitheacht’ a bheith ar áireamh sa Ráiteas Físe. Ba chóir don BAI ‘féachaint le seirbhísí a cheadúnú a mhairfidh agus a dtiocfaidh meas ag a lucht féachana agus éisteachta orthu dá réir sin’.

Tógadh ceist na hinbhuanaitheachta leis i rith na hócáide comhchomhairliúcháin agus is ábhar í a measann craoltóirí ar fud an tionscail go bhfuil sí ríthábhachtach. Luadh í i gcuid shuntasach de na haighneachtaí i scríbhinn leis, lena n-áirítear na craoltóirí tráchtála agus pobail agus seirbhíse poiblí, rud a bhí ag teacht leis na hábhair bhuartha a tarraingíodh anuas ar an ócáid do pháirtithe leasmhara.

Breithniú an Údaráis

Le linn don Údarás an tsaincheist seo a bhreithniú, bhí aird ag an Údarás ar cheann de na cuspóirí ba mhó sa SSC: ‘Oibriú le páirtithe leasmhara le tacú le hinbhuanaitheacht níos mó a bhaint amach d’earnáil closamhairc na hÉireann’. Baineadh an cuspóir sin as Ráiteas Straitéise an Údaráis agus tá roinnt grúpaí oibre curtha ar bun idir an BAI agus páirtithe leasmhara tráchtála agus pobail chun tionscnaimh agus cuir chuige maidir leis an obair a chur chun cinn sa réimse sin. Mheas an tÚdarás

gurb é cur chuige an ghrúpa oibre an cur chuige is cuí chun déileáil le ceist na hinbhuanaitheachta go straitéiseach.

Chomhaontaigh an tÚdarás dá réir sin go raibh an dréacht-téacs mar a tíolacadh é cuí agus go bhfágfaí gan athrú é.

5.1.2 Seirbhís Phoiblí: Rinneadh agóid i gcúig cinn de na haighneachtaí i scríbhinn, lena n-áirítear aighneacht ó Chraoltóirí Neamhspleácha Éireann agus TV3, i gcoinne craoltóirí ‘seirbhíse poiblí’ agus ‘tráchtála’ a idirdhealú ó chéile sa Ráiteas Físe. Rinneadh an argóint go soláthraíonn craoltóirí tráchtála seirbhís poiblí agus rinneadh an pointe sin leis i gcúrsa na hócáide comhchomhairliúcháin.

Breithniú an Údaráis

Thug an tÚdarás dá aire go bhfuil an comhthéacs ina ndéantar na tagairtí do na catagóirí craoltóirí, mar a leagtar amach sa dréacht-SSC iad, leabaithe in alt 26(1)(a) den Acht Craolacháin mar aon leis an míniú ar na cineálacha craoltóirí san Acht sin. Cé gur léir go soláthraíonn na craoltóirí tráchtála lánas ar de chineál seirbhíse poiblí é, déantar idirdhealú sa reachtaíocht idir na ceadúnais chraolta a theachtann siadsan agus ceadúnais chaolta ghrúpa stáisiún RTÉ agus TG4. I bhfianaise na sainmhínithe reachtaíochta sin, níor mheas an tÚdarás gur cuí an dréachtfhoclaíocht a leasú.

Rinneadh tagairt don tsaincheist sin i dtuarascáil Mediatique leis i gcomhthéacs na hinbhuanaitheachta agus an ionchais chun ciste a chruthú a thacódh leis an iriseoireacht i gcúrsaí nuachta agus i gcúrsaí reatha. Is é an cineál seo lánais go príomha a dhéanann craoltóirí tráchtála a chatagóiriú mar ‘sheirbhís poiblí’ agus chomhaontaigh an tÚdarás gur chuí breis scrúdaithe a dhéanamh ar an tsaincheist sin i gcomhthéacs na nGrúpaí Oibre Inbhuanaitheachta.

Chomhaontaigh an tÚdarás go raibh an dréacht-téacs mar a tíolacadh é cuí agus go bhfágfaí gan athrú é.

5.1.3 An Ghaeilge: Áitíodh i gceithre cinn de na haighneachtaí i scríbhinn go ndéanfaí gealltanais níos láidre i leith na Gaeilge. Dúradh in aighneacht ó Chonradh na Gaeilge nach leor gealltanais i leith na Gaeilge a bheith ar áireamh i gcuispóir; ba chóir é a fhí isteach ar fud na Físe agus tugadh samplaí lena n-áirítear ‘*ba chóir foinsí nuachta trí mheán na Gaeilge a urasú*’. D’áitigh Raidió RíRá gur chóir don Údarás a chuspóir i leith cláir Ghaeilge a leathnú amach chun go mbeidh ardáin leis ar áireamh ann; ‘*chun cláir agus ardáin Ghaeilge d’ardchaighdeán a chothú agus a chur chun cinn*’. Sonraíodh san aighneacht gur chóir don BAI tacú, ní hamháin, le cláir Ghaeilge, ach chomh maith leis sin, le seirbhísí Gaeilge.

D’áitigh Conradh na Gaeilge leis gur chóir gealltanais a thabhairt do stáisiún raidió Gaeilge náisiúnta don aos óg sna cuspóirí agus d’iarr Raidió RíRá leis go dtabharfaí gealltanais den sórt sin.

Rinneadh tagairt don Ghaeilge san aighneacht ó Chumann na Teilifíse Pobail leis agus áitíodh inti gur chóir go mbeadh ar áireamh sa chuspóir i leith cláir Ghaeilge gealltanais cinnte do chláir Ghaeilge a chistiú.

Breithniú an Údaráis

Ar athbhreithniú a dhéanamh ar an lánas agus na tagairtí don Ghaeilge, chomhaontaigh an tÚdarás go raibh gá le gealltanais breise i ndrúacht-téacs ráiteas na Físe agus sna cuspóirí gaolmhara. Is fearr a

d'fhreagróidh gealltanais breise do ghealltanais reatha Ráiteas Straitéise an Údaráis. Athbhreithníodh dá réir sin téacs Ráiteas na Físe agus na cuspóirí gaolmhara mar a leanas:

Ráiteas na Físe

'I gcoirílár an mheascáin bharrmhaitheasa sin tá réimse seirbhísí náisiúnta, réigiúnacha, áitiúla agus pobail, a mbíonn curtha leo ag meascán breise de sheirbhísí nideoige. Is féidir le samhla ghnó tráchtála nó neamhbhrabúis na seirbhísí sin a sholáthar le réimse ilchineálach roghanna maidir le hábhar agus cláir, **lena n-áirítear sa Ghaeilge**, do lucht éisteachta agus lucht féachana na hÉireann.'

Cuspóirí

- *Cláir Ghaeilge d'ardchaighdeáin a chothú agus a chur chun cinn; **agus chun forbairt tionscnaimh Ghaeilge a spreagadh ar fud earnáil na craoltóireachta;***

Teilifís

Éascóidh agus spreagfaidh an BAI iarratais ó pháirtithe eile gur mian leo seirbhísí teilifíse a bhunú ar léibhinn chábla, satailíte agus léibhinn dhigiteacha trastíre, go háirithe ó ghrúpaí teilifíse pobail **agus ó ghrúpaí Gaeilge**.

Raidió

Tá an BAI sásta cineálacha eile seirbhísí, seirbhísí nideoige raidió **agus seirbhísí Gaeilge** ina measc, agus an bonn reachtúil faoina bhféadfaí ceadúnú, forbairt agus cothabháil a dhéanamh ar sheirbhísí den chineál sin, a iniúchadh.

Ag admháil dó go bhfuil an Ghaeilge ríthábhachtach dá chuid oibre, chomhaontaigh an tÚdarás gur cheart dá chur chuige i leith lánas Gaeilge a bheith níos réamhghníomhaí agus níos tacúla. Mar sin féin, na tograí a cuireadh isteach go méadófaí gealltanais i leith na Gaeilge do chonraitheoirí craolta reatha, ní rabhadar cuí lena n-áireamh sa SSC. Ní mór don Údarás aird a thabhairt ar cheanglais Acht 2009 maidir leis sin de. Níor mhór breis scrúdaithe a dhéanamh ar na tograí maidir le stáisiún raidió náisiúnta Gaeilge a cheadúnú agus tugadh faoi deara nach mbeadh aon cheann de na tograí a fuarthas, lena n-áirítear sna haighneachtaí leasa, indéanta de dheasca ghanntanas na minicíochta tarchurtha agus/nó na struchtúr a moladh.

Tá Plean Gníomhaíochta Gaeilge á fhorbairt ag an Údarás, atá le cur i ngníomh i ndeireadh 2018 agus tabharfar aird sa phlean sin ar na tograí agus an aiseolas a fuarthas i gcúrsa an athbhreithnithe ar an SSC.

5.1.4 Craoltóirí institiúideacha: Tugadh faoi deara in aighneacht amháin nach bhfuil craoltóirí institiúideacha ar áireamh sa mheascán barrmhaithe seirbhísí agus áitítear inti gur chóir dóibh a bheith ar áireamh ann mar go dtugann siad seirbhís luachmhar agus go gcuireann siad leis an éagsúlacht.

Breithniú an Údaráis

Chomhaontaigh an tÚdarás leis an aighneacht, á rá gur léiriú é an meascán barrmhaithe mar a leagtar amach é sa dréacht-téacs de 'craoltóirí seirbhíse poiblí, tráchtála agus pobail', ar na cineálacha craoltóirí is ceannasaí ag a bhfuil tionchar suntasach ar an lucht féachana agus éisteachta agus ionchur suntasach sa phobal acu. Comhaontaíodh le 'institiúideach' a chur isteach agus leasaíodh an téacs mar a leanas:

*‘Déanfaidh earnáil bheoga agus dhinimiciúil chraolacháin ina mbeidh meascán de chraoltóirí seirbhíse poiblí, tráchtála agus pobail agus **craoltóirí institiúideacha**, a sholáthraíonn ábhar agus cláir a fhreastalaíonn ar an bpobal agus a thugann léargas ar an éagsúlacht laistigh de shochoí na Éireann, freastal ar mhuintir na hÉireann’.*

5.1.5 ‘A bhfuil Tóir air/orthu’: Moladh in aon aighneacht amháin, ó Communicorp, gur chóir na focail ‘a bhfuil tóir air/orthu’ a chur isteach sa téacs mar go raibh teipthe ar fhorbairt aschuir nó seirbhísí ab inmholta, ach nach raibh tóir orthu agus nach raibh mórán daoine ag féachaint orthu nó ag éisteacht leo, freastal ar oibleagáidí an BAI, san am céanna a raibh iomaitheoirí idirnáisiúnta ag teacht ar an bhfód.

Breithniú an Údaráis

Tá an tÚdarás ag féachaint le héagsúlacht seirbhísí a sholáthar don lucht féachana agus éisteachta in Éirinn agus maidir leis sin de, ní gá a cheangal go mbeidh tóir ar sheirbhís agus gur féidir léi freastal ar roinnt cuspóirí agus aidhmeanna tábhachtacha eile agus mar sin, comhaontaíodh nár chuí na focail ‘a bhfuil tóir air/orthu’ a chur isteach mar bhreisiú.

5.1.6 An tUalach Riaracháin: Ceithre aighneachtaí, lena n-áirítear Craoltóirí Neamhspleácha Éireann, moladh iontu gur chóir cuspóir nua a chur isteach san Fhís, sid é *‘deireadh a chur le hualaí rialacháin agus timpeallacht oibre éifeachtúil éifeachtach a chruthú a bheidh níos éifeachtaí ó thaobh costais de, níos athchóirithe chun éifeachta, a shábhálfadh costais ama, lucht oibre agus oibríochta’.*

Breithniú an Údaráis

Tá oibleagáid curtha san áireamh ag an Údarás is oibleagáid maidir leis an ualach riaracháin a laghdú ina Ráiteas Straitéise a bhaineann le réimsí uile obair an Údaráis. Chomh maith leis sin, faoin alt a bhaineann le rialáil den SSC, tá gealltanais déanta ag an Údarás athbhreithniú a dhéanamh ar a phróisis cheadúnúcháin d’fhonn athchóiriú chun éifeachta agus laghdú a dhéanamh ar an ualach riaracháin. Maidir leis sin, ceapfar doiciméadacht nua i gcomhair gach próisis cheadúnúcháin i gcomhairle leis na páirtithe leasmhara iomchuí ar fhoilsiú an SSC.

Mheas an tÚdarás go mbeadh sé níos cuí gealltanais iarbhír a chur isteach a bheadh sonracha maidir le gach cineál cheadúnúcháin lena ndéantar athchóiriú chun éifeachta ar phróisis áirithe lena ndéantar próisis níos éifeachtaí agus níos éifeachtúla díobh más féidir sa doiciméadacht seo. Ba é tuairim an Údaráis, dá réir sin, nach gcuirfí an cuspóir mar a moladh leis an téacs.

5.1.7 An Raidió Digiteach: Rinneadh moladh gur cheart don BAI gealltanais a áireamh maidir leis an raidió digiteach ina chuid cuspóirí faoin bhFís; an BAI mar *‘cheannaire’* agus *‘éascaitheoir’*. D’áitigh an freagróir gur gealltanais atá san oibleagáid sa dréacht-SSC *‘na deiseanna ar bhunú craoltóireachta fuaimne digítí a scrúdú’*, arbh oibleagáid í a bhí sa SSC roimhe sin ach nár cuireadh i bhfeidhm.

Breithniú an Údaráis

Ba é tuairim an Údaráis gur freagra leordhóthanach ar an tsaincheist a thóg an freagróir é a ghealltanais chun grúpa oibre a bhunú faoin alt maidir le Craoltóireacht Fuaimne Dhigiteach den SSC. Dá réir sin, comhaontaíodh nach leasófaí an téacs.

5.1.8 An chraoltóireacht phobail: D’áitigh Cumann na Teilifíse Pobail agus CRAOL nach raibh an Fhís agus na hoibleagáidí a leagtar amach sa dréacht-SSC á gcomhlíonadh faoi láthair ag BAI agus go raibh sé ríthábhachtach go réiteodh BAI na ceisteanna cistiúcháin atá le sárú ag an earnáil pobail,

rud a chuideodh leis an BAI chun an Fhís agus na hoibleagáidí a leagtar amach inti a chomhall. Go háirithe, chuideodh sé le héagsúlacht guthanna, tuairimí agus foinsí nuachta agus cúrsaí reatha agus ionadaíocht níos fearr a dhéanamh don éagsúlacht atá sa lucht féachana agus éisteachta in Éirinn.

Breithniú an Údaráis

Mar a luadh roimhe seo, tosóidh an BAI ar dhoiciméadacht cheadúnúcháin nua a dhréachtú níos déanaí i 2018, lena n-áirítear athbhreithniú ar na beartais a bhaineann leis an raidió agus an teilifís phobail. Pléifear leis na saincheistanna a tarraingíodh anuas i gcúrsa dhréachtú na doiciméadachta nua sin. Tá aghaidh á tabhairt ar dheacrachtaí cistiúcháin leis ar leithligh faoin téama Nuálaíocht agus Inbhuanaitheacht Earnála a Threisiú sa Ráiteas Straitéise, ina bhfuil cuspóir straitéiseach ar áireamh ‘Oibriú le geallsealbhóirí le tacú le hinbhuanaitheacht níos mó a bhaint amach d’earnáil closamhairc na hÉireann’.

5.1.9 Nithe Eile: Sna haighneachtaí i scríbhinn, d’iarr Craoltóirí Neamhspleácha Éireann agus dhá oibritheoir raidió tráchtála eile gur chóir an tagairt do ‘srianta’ san alt ‘Réamhrá’ a ghabhann leis an dréacht-SSC a bhaint amach aisti. Maidir leis sin, d’áitigh Craoltóirí Neamhspleácha Éireann go bhféadfaidh BAI próisis chúil a oiriúnú chun an reachtaíocht a chur i ngníomh agus nár cheart dó a bheith ‘srianta’ aici.

Breithniú an Údaráis

Ceanglaítear leis an reachtaíocht ar BAI a chinntiú go gcomhlíonfaidh ceadúnaithe roinnt oibleagáidí agus níl an tsolúbthacht aige a mhaítear sna haighneachtaí. Maidir leis sin, ní mór do bheartais an Údaráis aird a thabhairt ar na ceanglais maidir le lánas nuachta agus cúrsaí reatha, ar nóiméadacht fógraíochta agus ar na critéir i gcomhair lánas clár ar chraoltóirí tráchtála agus pobail agus mar sin de. Tá beartas tugtha isteach ag an Údarás maidir le maolú ar nuacht agus chúrsaí reatha agus ligeann sé do chonraitheoirí gealltanais a cheapadh maidir le clár chun go gcomhlíonfar na critéir maidir le lánas clár de réir na reachtaíochta. Cé go bhfuil follasach gur mian le roinnt ceadúnaithe go ndéanfaí bogadh éigin ar na ceanglais sin, ba mhór athruithe a dhéanamh ar an reachtaíocht chuige sin. Tá an BAI tiomanta do bheith ag obair leis an tionscal tríd an nGrúpa Oibre Inbhuanaitheachta maidir le nithe den sórt sin.

Ba é tuairim an Údaráis nár chóir an fhoclaíocht sin a leasú.

5.2 An Fhís sin a Fhíorú

Aithníodh dhá phríomhréimse cur chuige sa dréacht-SSC chun an Fhís a Fhíorú mar atá: a) Ceadunú; agus Seirbhísí a Rialáil. Leagtar amach thíos faoi seo an t-aiseolas.

5.2.1 Ceadunú – Oiriúnacht próiseas ceadúnúcháin

Sa dréacht-SSC, leagadh amach na cineálacha ceadúnúcháin agus bhí nóta míniúcháin ag gabháil leo i dtaobh chur chuige an Údaráis i leith ceadunú gach cineáil acu. Chuir BAI ceithre cinn de cheistanna comhchomhairliúcháin chun aiseolas a spreagadh i dtaobh an ailt seo:

- 1. Ag féachaint do na forálacha reachtúla iomchuí, cad é do thuairim ar oiriúnacht na gcur chuige ceadúnúcháin a mholtar san Alt seo den Straitéis?**
- 2. An aontaíonn tú gur chóir don BAI iniúchadh a dhéanamh ar an bhféidearthacht go mbunófaí aon seirbhís raidió FM nua amháin ar a laghad lasmuigh de limistéar Bhaile Átha Cliath? Mura n-aontaíonn tú leis sin, tabhair cúiseanna le do thuairim.**

3. ***Cad iad na bearta breise a d'fhéadfadh BAI a dhéanamh chun forbairt seirbhísí nua raidió agus teilifíse a spreagadh?***
4. ***An bhfuil aon bheartais nó chleachtais eile cheadúnúcháin a d'fhéadfadh an tÚdarás a ghlacadh d'fhonn a fhís a fhíorú?***

Tríd is tríd san aiseolas, tugadh tacaíocht den chuid ba mhó do chuir chuige an Údarás i leith a chuid gníomhaíochtaí cheadúnúcháin mar a leagtar amach sa dréacht-SSC iad. Mar sin féin, rinneadh roinnt tograí chun cuid de na próisis a leasú agus bhí leibhéal suntasach aiseolais maidir leis an togra go scrúdófaí an fhéidearthacht go mbunófaí aon seirbhís FM nua amháin ar a laghad lasmuigh de Bhaile Átha Cliath agus ina theannta sin, maidir leis an gcraoltóireacht fuaimhe dhigiteach. Tá achoimre orthu sin le fáil thíos faoi seo.

5.2.1.1 Seirbhísí Craolacháin Fuaimhe Tráchtála & Scrúdú a Dhéanamh ar aon seirbhís FM nua amháin ar a laghad

San aiseolas a fuarthas tríd an ócáid chomhchomhairliúcháin agus sna haighneachtaí i scríbhinn, pléadh den chuid ba mhó leis an ngealltanais maidir le scrúdú a dhéanamh ar aon seirbhís FM nua amháin ar a laghad. I gcúrsa na hócáide, tarraingíodh anuas arís agus arís eile ceist na hinmharthanachta agus na hinbhuanaitheachta agus, i gcomhthéacs aon seirbhís nua fhéideartha, is é an tuairim dhiongbháilte a nocht formhór na gconraitheoirí reatha ná nach bhfuil aon slí in aon chor fágtha sa mhargadh i gcomhair seirbhís eile agus go bhfuil breis iomaíochta ann mar aon le héiginnteacht leanúnach. Is í an argóint a rinneadh ná nach bhfuil an fhéidearthacht ann chun go mbeadh seirbhís nua sainréimse inmharthana agus go mb'fhéidir go mbeadh tionchar diúltach ag a bunú ar sheirbhísí reatha i margadh ina bhfuil ioncam fós ag dul ag laghad, mar ba léir in 2017. Níor aontaíodh leis an éileamh a rinneadh i dtuarascál Mediatique go bhféadfadh seirbhís nua uathuil go bhféadfaí méadú a dhéanamh ar an líon éistoirí raidió sa chomhiomlán. Rinneadh tagairt leis do dhúnadh TX FM agus roinnt stáisiún pobail.

Ag an ócáid do pháirtithe leasmhara, d'admhaigh Príomh-Fheidhmeannach BAI, Michael O'Keefe, go raibh mórán dá raibh ag freastal ar an ócáid ag cur i gcoinne an ghealltanais áirithe sin ach thug sé dá aire nach mór don Údarás aird a bheith aige leis ar a chinntiú go mbeidh roghanna éagsúla ar fáil don lucht éisteachta agus go mbainfear úsáid éifeachtach as an speictream.

Sna haighneachtaí i scríbhinn, tarraingíodh anuas ceist na hinmharthanachta agus na hinbhuanaitheachta i roinnt de na haighneachtaí a rinne conraitheoirí reatha agus Craoltóirí Neamhspleácha Éireann.

D'áitigh Communicorp nach bhfuil aon slí in aon chor fágtha sa mhargadh do sheirbhísí nua agus go bhfuil tacaíocht ag teastáil ón earnáil chun deimhin a dhéanamh dá inbhuanaitheacht i bhfad na haimsire agus gurb in é an áit ar chóir don Údarás a aird a dhíriú air. Ní raibh aon fhianaise ar fáil go gcuireann seirbhísí nua leis an líon éistoirí san iomlán ná le hioncam agus gurb amhlaidh a chreimeann siad ioncaim láithreacha. Ba dheacair d'aon oibritheoirí ceadúnaithe breise a bheith inbhuanaithe agus chuirfí oibritheoirí bunaithe i mbaol. Luadar an tuar a rinneadh i dtuarascáil Mediatique go mbeadh ganntanas ioncaim ann agus shonraíodar nach bhféadfadh an margadh tacú le níos mó stáisiún agus dúradar dá chomhartha sin go raibh 22% de laghdú tagtha ar an margadh iomlán fógraíochta le 10 mbliana anuas. Ní féadfadh stáisiúin, sa mhargadh mar atá, infheistiúocht a dhéanamh i dtallann nua agus lánas a chruthú chun a chinntiú go seachadfadh an earnáil aschur ardchaighdeán a bheadh cóir, cothrom agus cruinn, rud a bhfuil fíorthacht leis anois i bhfianaise an

nuacht bhréagach a bheith tagtha ar an bhfód ar fud na cruinne. Ní mór don earnáil a bheith ábalta infheistíocht agus iomaíocht a dhéanamh de réir an leibhéil aird chéanna le hardáin dhigiteacha choigríche neamhrialáilte. D'iarr Communicorp leis go mbreithneodh an tÚdarás athrú focal a chur sa téacs a bhaineann leis an bhféidearthacht seirbhís nua a bhunú go dtí 'Tá an BAI tiomanta do scrúdú a dhéanamh ar pé acu a dhéanfaidh sé nó nach ndéanfaidh sé ceadúnú ar a laghad seirbhís craolacháin fuaimne amháin ...'

D'áitigh Wireless Group go raibh an tÚdarás ag gníomhú contrártha dá gheallteanas straitéiseach i leith na hinbhuanaitheachta earnála trí bhreithniú a dhéanamh ar sheirbhís nua FM d'ainneoin an tsuaite leanúnaigh sa mhargadh mar a bhfuil an iomaíocht dhigiteach i gcomhair ioncaim agus lucht éiseachta ag dul i méad siar.

Mar sin féin, bhí roinnt conraitheoirí raidió neamhspleácha, mar aon le sealbhóir sealadach conartha agus stáisiún raidió Gaeilge ar line, a thacaigh leis an ngealltanais. Moladh i bhformhór na n-aighneachtaí sin go mbunófaí seirbhísí nua ar cheol sainréimse nó sheirbhísí Gaeilge iad.

Maidir leis na nGaeilge, rinneadh trí cinn d'aighneachtaí i scríbhinn inar tacaíodh le seirbhís raidió Gaeilge náisiúnta d'éisteoirí óga a cheadúnú. Is éard a bhí i gceist sna tograí ná limistéar saincheadúnais reatha Raidió na Life a shíneadh nó an stáisiún Gaeilge ar line Raidió RíRá a cheadúnú ar FM ar bhonn náisiúnta. Áitíodh go bhfuil géarghá le seirbhís den sórt sin agus úsáideadh fionnachtana taighde ó shuirbhé a rinne Kantar chun tacú leis an argóint gur chóir seirbhís den sórt sin a bhunú. Sonraíodh sna haighneachtaí sin leis gur chóir don Údarás a chinntiú go gcoimeádfaí na ceadúnaithe go léir, idir cheadúnaithe pobail agus cheadúnaithe tráchtála, cuntasach as gealltanais i leith cláir Ghaeilge agus cáineadh an leibhéil Gaeilge a sholáthraíonn seirbhísí raidió Béarla láithreacha agus an rialáil a dhéanann an tÚdarás ar ghealltanais i leith cláir Ghaeilge.

Fuarthas dhá aighneacht i scríbhinn ó chraoltóirí tráchtála a léiríonn tacaíocht do sheirbhís nua nideoige. Dar le Radio Nova, chuirfeadh a leithéid de sheirbhís le héagsúlacht na rogha atá ag an lucht éisteachta agus mar shainseirbhís uathúil, ní bheadh tionchar suntasach ar theacht isteach na gconraitheoirí reatha a oibríonn sna limistéir shaincheadúnaithe iomchuí. Aithníodh in aighneacht an IBI go bhfuil cohórt de bhaill IBI ar son seirbhísí nua mar atá molta ag BAI; seirbhís nideoige lasmuigh de limistéar Bhaile Átha Cliath. Mar aon le roinnt aighneachtaí áfach, ba chóir anailís tionchair earnála a dhéanamh roimh ré mar chuid d'aon mholadh den sórt sin chun an tionchar is dóigh a bheadh aici ar oibrítheoirí reatha a mheas agus chuna chinntiú go gcuirfeadh aon seirbhís nua le héagsúlacht sa limistéar saincheadúnaithe iomchuí. Ní mór freisin an próiseas a bhunú ar chomórtas oscailte.

Tagraíodh in aighneacht IBI don ráiteas i dtuarascáil Mhédiatique 'go mbeidh teacht isteach srianta go leor ina chomhartha sóirt ar an raidió thráchtála go ceann roinnt bheag blianta' agus dúradh gur chóir do BAI glacadh leis an ráiteas seo mar threoir shoiléir le linn dó ceadúnais a bhreithniú. Ar an ábhar seo, má tá sé ar intinn ag BAI seirbhís nua a cheadúnú, ba chóir dó breathnú ar chomhlonnaíocht le seirbhís reatha agus ar fheidhmeanna neamh-chláraithe ar nós riarachán agus airgeadas a roinnt chun costais a laghdú.

Léiríodh díomá in aighneacht ó 8radio Licensing Limited mar gheall ar an moladh nach mbeadh ann ach aon seirbhís ionchasach amháin, rud a thaispeánann, dar leis, easpa muiníne BAI i dtionscail an raidió agus an iomarca aird ar oibrítheoirí reatha seachas riachtanais an mhargaidh mar atá.

Breithniú an Údaráis

I dtaca le serbhís craolacháin fuaimhe Gaeilge náisiúnta, dúirt an tÚdarás nach bhféadfadh an gréasán tarchuradóireachta glacadh lena leithéid mar gheall ar nach bhfuil dóthain minicíochta ar fáil go náisiúnta faoi láthair. D'fhéadfadh an deis a bheith ann i dtaca le seirbhís den chineál ar bonn réigiúnda níos teoranta, cé go mbeadh dúshláin maoinithe nach beag ann chun í a bhunú agus a oibriú go buan. Is féidir féachaint ar aon tionscadal den sórt seo faoi Phlean Gníomhaíochta Gaeilge BAI.

Is mar seo a leanas atá moladh an Údaráis chun féachaint ar an bhféidearthacht i ndáil le seirbhís raidió FM amháin ar a laghad lasmuigh de cheantar Bhaile Átha Cliath:

-éagsúlacht níos mó a chur ar fáil don lucht éisteachta sa chuid eile d'Éirinn, seirbhís a chuirfeadh leis an meascán reatha agus nach rachadh in iomaíocht go díreach leis na seirbhísí reatha; éagsúlacht an mhúnla gnó a d'fhéadfaí a úsáid (mar is léir sna múnlaí gnó éagsúla a fuarthas i ngairm an BAI d'aighneachtaí ó pháirtithe gur suim leo seirbhísí craolacháin fuaimhe FM nua a chur ar fáil); éifeachtacht níos mó a chur ar fáil in úsáid an speictrim; agus chun branda raidió a fhorbairt mar mheán fógraíochta den scoth a d'fheadfadh an meánioncam ó fhógraíocht raidió a mhéadú.

Cuireadh an taighde a rinne Mediatique chun cuidí leis an athbhreithniú ar an Straitéis i dtaca le Seirbhísí Craolacháin (SSC) san áireamh sa mholadh. Ar an ábhar seo, d'aithin torthaí iomchuí na Tuarascála ó Mhediatique an gá a bhí ann le nuálaíocht in earnáil an raidió agus comhoibriú chun roghanna digiteacha a chur chun cinn agus chun cás a dhéanamh maidir le héifeachtúlacht na fógraíochta ar raidió. In easnamh aon dul chun cinn sa chraolachán fuaimhe digiteach, moladh sa tuarascáil seirbhís FM nua amháin a cheadúnú. Feictear go bhfuil seirbhís mhaith i margadh Bhaile Átha Cliath, ach tá réimse raidió i bhfad níos teoranta in go leor ceantair eile agus tá áit ann do mholtaí breise ag féachaint don éagsúlacht, don inbhuanaitheacht, don iomadúlacht agus d'úsáid éifeachtach an speictrim. Thug an tÚdarás faoi deara gur dúradh i dtaighde lucht éisteachta Khantar go raibh an lucht éisteachta sásta ar an mórgóir le hinneachar reatha an raidió in Éirinn.

Mar chuid de thaighde Mhediatique bhí glaoch ar "Léirithe Suime" i seirbhísí nua a sholáthar ag páirtithe leasmhara. Fuarthas 13 aighneacht i dtaca le seirbhísí nua, mar a dúradh cheana sa tuarascáil seo.

Agus an taighde agus an t-aiseolas á mheas aige, ba léir don Údarás go raibh conspóid ag baint leis an ngealltanais chun seirbhís nua FM a fhiosrú agus díritear aird ar an tuar go mbeidh srian leis an teacht isteach ón bhfógraíocht. In ainneoin sin, rinneadh an cás i dtaca le seirbhís nua nideoige, cé gur tógadh an cheist maidir le feiliúnacht an ama⁵.

De bhreis ar sin, taispeánadh go bhfuil suim i seirbhís nua nideoige tríd an nglao ar léirithe suime sa bhliain 2017 agus trí na haighneachtaí i scríbhinn a fuarthas. Is rud mór é go bhféadfaí cur le héagsúlacht na rogha don lucht éisteachta lasmuigh de cheantar Bhaile Átha Cliath le seirbhís nua, agus go gcinnteodh sí éifeachtúlacht mhéadaithe in úsáid an speictrim. D'aithin an tÚdarás agus ceadúnú seirbhíse nua á mheas aige gur féidir leis an Údarás struchtúir nua a cheadaítear do chonraitheoirí reatha a bhreithniú, .i. comhlonnú agus feidhmeanna nach clárú iad a roinnt, rud a ligfeadh d'iarratasóirí ionchasacha costas reatha na seirbhíse nideoige nua a laghdú. Is féidir leis an Údarás ceadúnú na réimse saincheadúnais a bhreithniú, rud a chinnteodh go mbeadh lucht éisteachta sách mór aici chun inmharthanacht na seirbhíse nua a áirithiú. Sa mhullach ar sin, agus tiomantas an

⁵ Ailt 7.32 – 7.36 de Thuarascáil Mediatique.

Údaráis maidir le cinnteoireacht bunaithe ar fhianaise, d'fhéadfaí staidéar tionchar earnála a sheoladh chun tionchar ionchasach, mar aon le riachtanais an lucht éisteachta, aon seirbhís molta nua a fhionnadh.

B'éigean don Údarás, áfach, súil a choinneáil ar na dálaí eacnamaíochta agus ar an neamhchinnteacht sa mhargadh. Ar an ábhar seo, bhreithnigh an tÚdarás ar a thráthúil a bheadh próiseas ceadúnaithe i ndáil le seirbhís úr; bhreithnigh an tÚdarás an mbeadh sé cuí tabhairt faoi ag an tráth seo.

Cé gur cinnte go bhfuil suim i seirbhís nua agus cé go gcuideodh sí le spriocanna tábhachtacha BAI - mar atá an éagsúlacht mhéadaithe agus éifeactúlacht an speictrim - a bhaint amach, níor mhór measúnú a dhéanamh ar an tuar eacnamaíochta go bhfanfaidh an teacht isteach ó fhógraíocht mar atá, sa chás is fearr, sa chúig bliana romhainn, tar éis dó titim sna blianta 2017 agus 2018. Ar an ábhar seo, tá tiomantas an Údaráis ann i dtaca le hinmharthanacht na hearnála a fheabhsú agus chun múnlaí maoinithe inbhuanaitheacha a fhorbairt mar thosaíocht agus tá obair tosaithe ar seo taobh istigh den earnáil.

D'fhéach an tÚdarás ar an moladh i dtuarascáil Mhédiateque go mb'fhéidir gur mhaith leis an Údarás moill a chur le próiseas nua ceadúnaithe a thosú chun deis a thabhairt d'oibrítheoirí raidió tráchtála cur lena mbrabúsacht agus lena ndeiseanna fáis. Leis an moladh seo aithnítear na coinníollacha deacra atá ann faoi láthair agus tugtar aitheantas don ghá atá ann chun am a thabhairt do chraoltóirí aonaracha agus don earnáil ina iomláine tabhairt faoina bhfeidhmíocht a fheabhsú. Thabharfadh an cur chuige seo deis don Údarás measúnú agus athbhreithniú a dhéanamh ar fhionnachtana an Ghrúpa Oibre ar Inbhuanaitheacht agus d'fhéadfadh an grúpa straitéisí a chur i bhfeidhm agus aon tionchar a bheadh acu a mheas.

D'aithin an tÚdarás staid na heacnamaíochta, agus go bhfuil siad mar atá le breis agus 10 mbliana anois; agus cé gur cuidiú í seirbhís nua FM chun roinnt spriocanna a bhaint amach sa ghearrthréimhse mar a luaitear thuas, dá mbeadh drochthionchar aici ar sheirbhís nó ar sheirbhísí reatha chun go dtiocfadh a n-inbhuanaitheacht i gceist, go mb'fhéidir nach gcuirfeadh seirbhís nua FM leis an éagsúlacht sa mheántearma. D'aontaigh an tÚdarás gur chóir dó tiomantas a thabhairt go bhféachfaidh sé ar sheirbhís nua FM, ach ní ar sheoladh an SSC athbhreithnithe mar a gealladh.

D'aontaigh an tÚdarás go bhféachfadh sé ar sheirbhís craoltóireachta fuaim nua a cheadúnú ach ar an gcoinníoll go mbeidh fianaise ann go bhfuil treoacht feabhasaithe ar theacht isteach sa tionscal agus tá gach foinse mhaoinithe i gceist anseo, agus ní teacht isteach ón bhfógraíocht amháin. Aontaíodh go leasófaí téacs an SSC mar a leanas:

Nuair a thiocthaí feabhas soiléir ar theacht isteach agus brabúsacht, tá BAI tiomanta do sheirbhís craolacháin fuaim amháin ar a laghad ar an mbanda FM a cheadúnú. Déanfaidh an tÚdarás faireachán gníomhach ar threocht an tionscail agus ar thionchar réimse tionscadal le linn 2019, agus Grúpa Oibre ar Inbhuanaitheacht an Údaráis san áireamh.

5.2.1.2 Seirbhísí Craolacháin Fuaim Pobail

Bhí tacaíocht leathan ann maidir leis an gcur chuige i ndáil le seirbhísí craolacháin fuaim pobail. Aithníodh ról na stáisiún raidió pobail agus tugadh moladh dóibh. Aithníodh freisin téama coiteann na hinbhuanaitheachta agus an gá atá ann chun múnlaí maoinithe seasmhacha a bhunú.

Dar leis an aighneacht ó ChRAOL, a dhéanann ionadaíocht ar na stáisiúin raidió pobail, tá inmharthanacht na hearnála faoi bhagairt agus go gcaithfeadh BAI tacú leis an earnáil chun foinsé leanúnach maoinithe a aithint.

Maidir le HBI agus Communicorp, a thacaíonn ar aon le réimse an raidió pobail, mhol siad gur chóir don Údarás gabháil do staidéar tionchair eanála sa limistéar iomchuí mar a cheadaítear faoi Acht 2009 sula gceadúnóidh siad seirbhísí den chineál. Bhí IBI agus Radio Nova den tuairim go gcaithfeadh éagsúlach na rogha ag lucht éisteachta sa limistéar iomchuí a bheith mar chritéir mheasúnaithe bhunúsach agus aon cheadúnas pobail á dheonú.

Sna haighneachtaí i dtaca leis an nGaeilge, iarradh go neartódh an tÚdarás na hoibleagáidí i dtaca leis an nGaeilge a mhéid a bhain le craoltóirí raidió pobail. Bhí iarratais ar leith ann maidir le breithniú a dhéanamh ar sheirbhís Gaeilge náisiúnta a cheadúnú, trí struchtúr an raidió pobail san áireamh, agus chun cur le raon na stáisiúin Gaeilge reatha, is é sin le rá, Raidió na Life nó Raidió Rí Rá.

In aighneacht amháin iarradh athrú sa téacs chun breis soiléireachta a sholáthar maidir le téarma ceadúnais i gcomhair seirbhísí raidió pobail iomlána mar gheall ar nach léir an difríocht idir cheadúnais shealadacha agus cheadúnais pobail iomlána sa téacs mar atá.

Breithniú an Údaráis

Is iad ceist na hinmharthanachta agus ceist na bhfoinsí maoinithe leanúnach na príomhfhadhbanna a eascraíonn as an gcomhairliúchán i dtaca le seirbhísí raidió pobail. Aithníodh na dúshláin seo le linn don údarás seirbhísí pobail a cheadúnú le blianta beaga anuas, agus deimhníodh iad nuair a dúnadh roinnt seirbhísí pobail le tamall anuas.

Chas Grúpa Oibríthe ó thaobh na hInbhuanaítheachta an Údaráis leis an earnáil agus tá sé ag tabhairt aghaidh ar na ceistanna seo faoi láthair. Nuair a fhoilseofar an SSC athbhreithnithe, déanfar athbhreithniú ar na treoirlínte i dtaca le ceadúnú an raidió pobail agus ba phróiseas cuí é seo chun féachaint ar mhúnlaí maoinithe a d'fhéadfadh a bheith ann. Beidh ardluach chuige seo ar an eolas a bhailítear trín nGrúpa Oibre ó thaobh na hInbhuanaítheachta de.

Is ar éigean go mbaineann an t-iarraidh go seolfadh BAI staidéar tionchair eanála roimh seirbhís raidió phobail a cheadúnú le cás nuair a smaoinítear ar chur chuige an Údaráis i dtaca le seirbhísí den chineál sin a cheadúnú. I dtosach caithfidh grúpaí pobail leasmhara tabhairt go ráthúil faoi roinnt seirbhísí raidió sealadacha agus thiocfadh aon tionchar ar sheirbhísí tráchtála chun cinn le linn tréimhsí na gceadúnas sin. Déanann BAI faireachán ar an dul chun cinn na ngrúpaí seo chun a chinntiú gur le haghaidh an phobail a fhreastalaíonn sí, agus déanta ag an bpobal féin, agus bíonn stádas neamhbhrabúsach san áireamh. Rud tábhachtach, bíonn limistéar saincheadúnaithe teoranta ag seirbhísí den sórt seo i gcoitinn, nach dtéann thar achar cúig mhíle agus chuige seo níl aon fhianaise ann go mbíonn tionchar ag ceann ar bith de na stáisiúin raidió hobail reatha ar chumas saothraithe airgid na n-oibrítheoirí raidió tráchtála.

Mar a tharlaíonn le gach próiseas ceadúnaithe, bheadh breithniú breise ag baint le tiomantais ar leith maidir le hinneachar sonrath Gaeilge a fhorchur mar ní beartas de chuid an Údaráis é aon oibleagáid ar leith a fhorchur ar chonraitheoir craolacháin i leith oibleagáidí cláraithe seachas na míreanna a cheanglaítear faoin reachtaíocht. Féachfaidh Plean Gníomhaíochta i leith na Gaeilge de chuid an Údaráis ar na moltaí seo agus soláthrófar aiseolas maidir leo.

D'aontaigh an tÚdarás an téacs i ndáil leis an difríocht sa téarma conartha le haghaidh ceadúnais raidió pobail sealadacha agus lánaimseartha a leasú chun an tagairt do théarma 10 mbliana i dtaca le seirbhís raidió phobail iomlán a chur isteach. Thairis sin, ní athrófar an téacs.

5.2.1.3 Conarthaí Craolacháin Fuaimne Sealadacha agus Forais

Tacaítear go ginearálta le cur chuige sonrithne an Údaráis i ndáil le conarthaí den sort seo agus aithnítear an fiúntas a bhaineann leo.

Dúirt Communicorp nach cóir ceadúnais den sort seo a dheonú ach amháin chun críocha nideoige nó ar mhaithe le hócáidí sonracha agus nár chóir ceadúnas a thabhairt gach bliain a chuireann isteach ar an margadh. Thacaigh Red FM leis an dearcadh seo a d'aighnigh i dtaca le seirbhísí sealadacha, cé nach gceadaítear fógraíocht orthu, go bhféadfadh cuma thar a bheith tráchtáil a bheith orthu. Tháinig an cheist seo chun cinn le linn na hócáide comhairliúcháin.

Mhol 8Radio Vision Limited gur luachmhar an rud iad na ceadúnais seo ach dúirt gur beag deis a bhíonn ag seirbhísí neamhphobail i dtéarmaí ceadúnaithe nuair a thagann deireadh lena gceadúnas sealadach agus a gcoincheap léirithe acu.

Iarradh sna haighneachtaí i dtaca leis an teanga Gaeilge go neartódh an tÚdarás na hoibleagáidí ar chraoltóirí raidió sealadacha agus forais ó thaobh na Gaeilge de.

Chuir CRAOL aighneacht isteach chuig BAI gur athrú deacair é an t-athrú ó sheirbhís pobail shealadach go seirbhís pobail thrialach 100 lá go dtí seirbhís pobail lánaimseartha agus gur chóir do BAI treoirlínte a scríobh i dtaca leis na céimeanna idirthréimhseacha, agus nósanna imeachta daingne agus amlínthe daingne agus gur chóir aiseolas níos rialta agus níos struchtúrtha a sholáthar do sheirbhísí sealadacha chun cuidiú leo a gcuid seirbhís a fhorbairt agus a chothú.

In aighneacht amháin iarradh leasú ar an téacs chun an tréimhse ceadúnaithe a bhaineann le ceadúnais fhorais a shoiléiriú mar nach ann di faoi láthair, rud nach fíor faoi na tréimhsí ama a bhaineann le seirbhísí sealadacha.

Breithniú an Údaráis

Is í an phríomhcheist a eascraíonn as an gcomhairliúcháin ná an gá atá le cur chuige níos struchtúrtha a chur ar an athrú ó cheadúnas pobail trialach go cheadúnas pobail iomlán. Mar a dúradh cheana, scríobhfaidh an tÚdarás treoirlínte maidir leis na seirbhísí sin a cheadúnú ar an SSC athbhreithnithe a fhoilsiú, agus ba chóir dóibh freagra a thabhairt ar gceist seo.

I dtaca leis an dearcadh nár chóir ceadúnas sealadach a dheonú ach amháin i ndáil le críocha nideoige nó ócáidíúla, is mar seo a dheonaítear na ceadúnais seo i gcoiteann seachas i gcás na scéime trialaí i gcomhair grúpaí pobail. Is athiarrthóirí iad bunús na n-iarrthóirí ar cheadúnais shealadacha, agus bíonn scoileanna, coláistí agus eagraitheoirí ócáide ina measc. Bhí an tÚdarás den tuairim go bhféadfaí tabhairt faoi na ceistanna seo mar chuid den obair athdhréachtaithe ar na treoirlínte do na seirbhísí seo ar an SSC athbhreithnithe a fhoilsiú.

Mar a tharlaíonn le gach próiseas ceadúnaithe, níor mhór breithniú breise a dhéanamh i dtaca le tiomantais ar leith maidir le hinneachar Gaeilge mar gheall ar nach beartas de chuid an Údaráis aon oibleagáid a fhorchur ar chonraitheoir craolacháin i leith aon oibleagáidí cláraithe seachas na míreanna cláraithe a cheanglaítear le reachtaíocht. Pléifear an cheist seo go mion trí Phlean Gníomhaíochta i

leith na Gaeilge de chuid an Údaráis.

D'aontaigh an tÚdarás gur leasú is ceart a dhéanamh ar théacs SSC atá i soiléiriú an amlíne do chonarthaí forais. Thairis sin, ní athrófaí an téacs san alt seo.

5.2.1.4 Conradh Seirbhíse Clár Teilifíse

Léiríodh tacaíocht ginearálta maidir leis an gcur chuige. Níor aithníodh ach leasú amháin, trí na haighneachtaí i dtaca leis an nGaeilge inar iarradh ar BAI na hoibleagáidí atá ar chraoltóirí teilifíse i ndáil leis an nGaeilge a neartú.

Breithniú an Údaráis

Is ceadúnas reatha atá ann agus chaithfí déileáil le beartas ar bith i dtaca leis na hoibleagáidí maidir leis an nGaeilge ar leithligh trí chaibidlíocht leis an gconraitheoir reatha. Déanfar tuilleadh plé ar an gceist seo trí Phlean Gníomhaíochta i leith na Gaeilge de chuid an Údaráis. Aontaíodh nach n-athrófaí an téacs san alt seo.

5.2.1.5 Conarthaí maidir le hinneachar a Sholáthar

Is í an phríomhcheist a tháinig chun cinn tríd an gcomhairliúchán ná gur gá do BAI féachaint ar na táillí a bhaineann leis na conarthaí seo chun a cinntiú go méadódh sé an t-airgead a bheadh ar fáil. Dúradh go bhféadfadh tuilleadh iarrataisí a theacht ar sheirbhísí den sórt seo ó oibreitheoirí atá bunaithe sa Ríocht Aontaithe tar éis na Breatimeachta. San aiseolas iarradh go gcuirfí an tobhach i bhfeidhm ar na conarthaí seo agus d'aighnigh TV3 nach mbeadh tobhach cúlghabhálach i gceist.

Mhol 8Radio Vision Limited go bhfuil costas ró-ard ar iarratas ar chonradh maidir le hinneachar a sholáthar a dhéanamh, 400% níos airde ná a chomhionann sa Ríocht Aontaithe, agus gur próiseas casta é a ghlacann go leor ama.

I dtaca leis haighneachtaí i ndáil leis an nGaeilge, iarradh ar an Údarás na hoibleagáidí maidir leis an nGaeilge a neartú sna conarthaí maidir le hinneachar a sholáthar.

Breithniú an Údaráis

Tá athbhreithniú ar bun ag BAI i dtaca leis na ceisteanna a tógadh san aiseolas agus mar thosaíocht aige tá an gá le hullmhúchán a dhéanamh i gcomhair aon tionchar a bheadh ag an mBreatimeacht ar cheadúnúchán BAI. I dtaca leis an tobhach a leathnú go dtí na conarthaí sin, bheadh reachtaíocht i gceist, agus tá athbhreithniú á dhéanamh ar an reachtaíocht ar an ábhar seo ag an Roinn Cumarsáide, Gníomhaithe ar son na hAeráide agus Comhshaoil.

Tá an costas agus an próiseas a bhaineann leis na seirbhísí seo faoi athbhreithniú faoi láthair agus cuirfear seo san áireamh le linn treoirínte ceadúnaithe i dtaca le conarthaí maidir le hinneachar a sholáthar a dhréachtú.

Mar a tharlaíonn le gach próiseas ceadúnaithe, bheadh breithniú breise ag baint le tiomantais ar leith maidir le hinneachar sonrath Gaeilge a fhorchur mar ní beartas de chuid an Údaráis é aon oibleagáid ar leith a fhorchur ar chonraitheoir craolacháin i leith oibleagáidí cláraithe seachas na míreanna a cheanglaítear faoin reachtaíocht. Déanfar iniúchadh ar an gceist seo trí Phlean Gníomhaíochta i leith na Gaeilge de chuid an Údaráis.

Aontaíodh nach n-athrófaí an t-alt seo den SSC.

5.2.1.6 Conarthaí maidir le hInneachar Pobail a Sholáthar

Bhí tacaíocht ghinearálta ann don chur chuige oscailte atá ann i dtaca le conarthaí chun inneachar pobail a sholáthar. Mar sin féin, tugadh aird ar na haighneachtaí ó Community Television, CRAOL agus DCTV go dtéann sé crua ar na hoibrítheoirí reatha leanúint ar aghaidh. Rinneadh glao ar BAI tacú go gníomhach le múnla maoinithe inmharthana a fhorbairt agus chun brú na rialála ar na seirbhísí seo a laghdú. Leagadh amach na deacrachtaí atá an teilifís phobail i dtuarascáil Mhédiateique agus bhíothas den tuairim go dteastódh maoiniú poiblí de chineál éigin má tá sí chun maireachtáil agus chun forbairt.

Dúradh in aighneacht amháin gur chóir go smaoiníodh BAI breis eolais a thabhairt maidir leis na conarthaí seo, ina leagfaí amach na ceanglais agus ina míneofaí sonraí na gconarthaí iomchuí agus féachaint cén chaoi suim a chruthú i gconarthaí den sórt seo.

Bhí Communicorp Media den tuairim nár chóir an limistéar seo a fhorbairt mar gheall ar na dúshláin sa mhargadh agus ar a laghad atá margadh na hÉireann. Thuairiscigh Ofcom, rialaitheoir an Ríochta Aontaithe, maidir leis na dúshláin atá ag teilifís pobail sa Ríocht Aontaithe, áit is mó i bhfad na margaí.

Sna haighneachtaí i dtaca leis an nGaeilge, iarradh go neartódh an tÚdarás na hoibleagáidí i dtaca leis an nGaeilge a mhéid a bhain le conarthaí maidir le hinneachar pobail a sholáthar.

Breithniú an Údaráis

Is ceisteanna bailí iad na ceisteanna i dtaca le hinbhuanaitheacht a thóg conraitheoirí reatha agus páirtithe a bhfuil baint acu le teilifís phobail agus tabharfar futhu tríd an nGrúpa Oibre i dtaca le hinbhuanaitheacht a chasfaidh leis na conraitheoirí. D'aontaigh an tÚdarás nach ceist ar chóir a bheith sa SSC í ceist an mhaoinithe poiblí.

Mar a tharlaíonn le gach próiseas ceadúnaithe, bheadh breithniú breise ag baint le tiomantais ar leith maidir le hinneachar sonrach Gaeilge a fhorchur mar ní beartas de chuid an Údaráis é aon oibleagáid ar leith a fhorchur ar chonraitheoir craolacháin i leith oibleagáidí cláraithe seachas na míreanna a cheanglaítear faoin reachtaíocht. Déanfar iniúchadh ar an gceist seo trí Phlean Gníomhaíochta i leith na Gaeilge de chuid an Údaráis.

Os rud é go raibh tacaíocht ghinearálta don chur chuige oscailte, mheas an tÚdarás gur téacs cuí é an téacs reatha agus ní dhéanfar aon athrú air.

5.2.1.7 Treoracha Cláir Leictreonacha (TCL)

Thagair na haighneachtaí do chur chuige BAI agus ní raibh ach aon aighneacht amháin a chreid nár chur chuige cuí é. Ar an ábhar seo, ag féachaint d'fhorbairtí scioptha ar chomhéadain úsáideoirí ar ardáin teilifíse agus tairsí inneachair, dúirt RTÉ gur chóir do BAI dul i mbun comhráití le páirtithe leasmhara i margadh na hÉireann, ón tír seo agus ó thar lear, chur a chinntiú go bhfuil próiseas feiliúnach ann a chinnteodh go bhfuil sé éasca teacht ar inneachar seirbhíse poiblí agus é a bheith feiceálach agus luaitear feachtas an BhBC agus Channel 4 sa Ríocht Aontaithe maidir le feiceálacht an Chraolacháin Seirbhíse Poiblí.

Pléadh an cheist freisin ag ócáid na ngeallsealbhóirí, áit ar thóg TG4 ceist an iompair ar sheastáin dhigiteacha agus ceist thábhachtach na feiceálachta agus an chuardaigh.

Breithniú an Údaráis

D'aithin BAI gur ceist fhíorthábhachtach í CSP suntasacht agus aontaíonn sé leis an bhfionnachtain i dtuarascáil Mhédiateque maidir le BAI súil a choinneáil ar impleachtaí na nuálaíochta i dtaca le cleachtais chuardaithe agus póirseála. Mar sin féin, beidh ar BAI fanacht ar thrasuíomh an Treoir maidir le Seirbhísí Meán Closamhairc sula ndéanfaidh sé aon bheart sa limistéar seo agus idir an dá linn coinneoidh sé cothrom le dáta ar an ábhar. Aontaíodh nach n-athrófaí an t-alt seo den dréacht den SSC.

5.2.1.8 Conarthaí Ilphléacs DTT

Bhí tacaíocht ghinearálta ann don chur chuige a shonraítear. Dá réir sin, aontaíodh nach n-athrófaí an t-alt seo den dréacht de SSC.

5.2.1.9 Conarthaí Ilphléacs - Craoladh Fuaim Digiteach (CFD)

Bhí tuairimí éagsúla ann a d'eascair as an gcomhairliúchán i dtaca le CFD , agus léiríodh tacaíocht láidir maidir lena fhorbairt i roinnt aighneachtaí, agus iarradh ar BAI ról gníomhach a ghlacadh a luaithe agus is féidir. Ar an mórgóir, tacaíodh leis an gcur chuige a leag BAI amach.

In aighneachtaí ó na hoibritheoirí tráchtála léiríodh tacaíocht ghinearálta i dtaca le féachaint ar CFD faoi réir an tÚdarás do mheas tionchar aon stáisiúin nua ar cheadúnais reatha, ar chostas breise suntasacha na tarchuradóireachta agus an baol dáitiúlacht, d'éagsúlacht agus d'inbhuanaitheacht a mheas.

Feiceann na hoibritheoirí a thacaíonn leis an CFD gur meán é chun earnáil an raidió a fhorbairt, chun cur le héagsúlacht na rogha atá ag lucht éisteachta na hÉireann agus gur deis é chun tairbhe a bhaint as úinéireacht ilphléacs agus chun cur lena dteacht isteach. Dúirt siad go bhfuil Éire ag titim ar gcúl sa chomhtheacs idirnáisiúnta i ndáil leis an bhforbairt seo.

Thacaigh Easy Media Broadcasting leis an bhforbairt seo ach gur chóir aon seirbhís raidió FM a bheith bunaithe ar FM i dtosach chun a inmharthanacht a chinntiú, agus chun leibhéal réasúnta inbhuanaitheacht a áirithiú. Mar gheall ar staid na heacnamaíochta a bhaineann le tionscal an raidió faoi láthair, d'fhéadfadh sé a bheith deacair an leibhéal ard infheistíochta a theastódh chun an raidió dhigiteach a fhorbairt a sheasamh ag an tráth seo. Theastódh seirbhísí nua sainiúla a d'fhéadfadh a bheith mí-chuí sna dálaí eacnamaíochta reatha mar gheall ar go ndeighleodh sé an lucht éisteachta agus go gcuirfeadh sé leis an iomaíocht.

Dúirt Digital Broadcasting gur chóir do BAI ról gníomhach a ghlacadh anois agus tús a chur leis an gcomhairliúchán i ndáil le craoladh digiteach gan mhoill. Ag an am céanna, ba chóir do BAI triail rialaitheach ar CFD a cheadúnú mar chuid den chomhairliúchán trasearnála. Ba chóir tosaíocht a thabhairt do sheirbhísí nua agus go gcomhlánódh CFD an tseirbhís FM seachas a bheith ina mhacasamhail den ghréasán sin. D'iarr 8Radio Vision Limited freisin go rachadh BAI ar aghaidh chun léirithe suime a iarraidh ó sholáthróirí ilphléacs CFD .

Dar le Red FM go rachadh sé chun tairbhe don earnáil ina iomláine dul chin cinn digiteach a bheith ann agus go raibh modhanna chun tabhairt faoi é a fhorbairt ar nós CFD , CFD + nó malairtí eile. Thacaigh Wireless Group le cur chuige grúpa oibre an tionscail agus roinnfeadh sé a chuid taithí i margadh an Ríochta Aontaithe agus a dtuiscint ar é a úsáid ar shlíte a thacaíonn le hoibritheoirí reatha agus a rachadh chun tairbhe don lucht éisteachta.

Dúirt RTÉ go soiléiríonn taighde idirnáisiúnta maidir le CFD nach bhféadfadh margadh ar bith CFD nó CFD + a sheoladh go sásúil gan comhoibriú agus comthoil na bpríomhgheallsealbhóirí san earnáil. Chaithfí féachaint ar an lucht éisteachta ina iomláine i ndáil le haon fhorbairt eile i limistéar CFD chomh maith le múnlaí tomhalte dóchúla agus inbhuanaitheacht tráchála. Ag an ócáid chomhairliúcháin, dúradh freisin go gcaithfí cur chuige don tionscal ar fad a ghlacadh chun aon réiteach digiteach a fhorbairt agus rinneadh plé ar an bpointe.

Maidir leis na hoibritheoirí nár thacaigh lena fhorbairt, luaigh siad nach raibh an t-éileamh ann ón lucht éisteachta don raidió dhigiteach agus ná do sheirbhísí breise mar a léirítear i dtaighde Khantar a dúirt go bhfuil an lucht éisteachta na hÉireann sásta leis an rogha reatha de stáisiúin agus de chlár raidió. Sa mhullach ar sin, níl dóthain maoinithe ann do chraoltóirí raidió chun an infheistíocht is gá a dhéanamh a theastódh chun craoladh raidió digití a fhorbairt. Luaitear freisin costas CFD agus a laghad rátha a bhí air sa Ríocht Aontaithe. Dar le Communicorp Media go gcuirfeadh ardán nua isteach ar an margadh, rud a chuirfeadh oibritheoirí reatha i mbaol, agus gur réiteach é CFD ar fhadhb nach bhfuil ann.

Breithniú an Údaráis

Bhí tacaíocht ghinearálta thar an earnáil ann maidir leis an gcur chuige a mhol BAI don chraoladh fuaim digiteach, an moladh ón ngrúpa oibre trasearnála san áireamh. Comhairlódh i dtuarascáil Mhédiatech go mbeidh ar an earnáil dul i ngleic leis an bhforbairt dhigiteach má theastaíonn uaithe inbhuanaitheacht a áirithiú san fhadtearma agus go háirithe, má tá sí chun lucht éisteachta níos óige a tharraingt chuici, dream a bhaineann feidhm as ardáin digiteacha. Cé gur cuireadh moladh maidir le CFD sa tuarascáil, ní raibh sé i gceist gur fionnachtana críochnaitheacha a bheadh i gceist agus tá gach seans ann go mbeidh réitigh éagsúla ann ó thaobh na craolta fuaim digití de, agus an t-idirlíon mar cheann acu.

Cé gur iarradh ar BAI i roinnt aighneachtaí feidhmiú chun ilphléacs a bhunú, is cosúil go rachfadh sé seo i gcoinne an ghealltanais chun go bhféachfadh grúpa oibre ar an bhféidearthacht, an cur chuige ar thacaigh móramh na bhfreagraí leis. Ar an abhar seo, d'aontaigh an tÚdarás gur cur chuig cuí é cur chuige an Údaráis, agus nach leasófaí téacs an ailt seo.

5.2.1.10 Céimeanna chun tacú le forbairt seirbhísí nua agus cleachtais agus beartais ceadúnaithe nua eile a d'fhéadfaí glacadh leo

I roinnt aighneachtaí bhí moltaí faoi mar a d'fhéadfaí seirbhísí nua a fhorbairt mar aon le cleachtais ceadúnaithe a chuideodh leis an Údarás a fhís a bhaint amach. Ar an ábhar seo, moladh do BAI féachaint go gníomhach ar chineálacha eile seirbhíse, mar atá seirbhísí AM ar chumhacht níos ísle, an speictream a oscailt i gcomhair stáisiúin nideoige nó ceantair agus trí ardranganna a chur ar fáil in inneachar a sholáthar don raidió phobail. Go sonrach, moladh don Údarás tiomantas a thabhairt go bhféachfadh sé ar mhúnla seirbhíse craolacháin neamhbhrabúsach ar chumhacht íseal mar atá sna Stáit Aontaithe, sa Nua-Shéalainn agus san Ísiltír. Thacódh seirbhísí mar seo leis an gcruthaitheacht agus an nuálaíocht agus d'fhéadfaid siad áiseanna ar ísealchumhacht a sholáthar d'ealaíontóirí, do leabharlanna, do scoileanna náisiúnta agus do mheánscoileanna, cur i gcás. Thacódh soláthar ilphléacs raidió digití le seirbhísí nua a fhorbairt timpeall na tíre.

Mhol roinnt rannpháirtithe san ócáid gur chóir do BAI níos lú próiseas rialála ceadúnaithe a bheith acu le haghaidh cineálacha áirithe seirbhísí chun dhreamanna nua a spreagadh agus chun a inbhuanaitheacht a éascú. Ní mór smaoinemh ar mhúnlaí nua gnó agus cineálacha nua seirbhísí.

I dtaca le seirbhísí pobail, bhí rannpháirtithe den tuairim go gcaithfidh BAI tacaíocht bhreise a thabhairt tráth an bhunaithe agus eolas soiléir, mionsonraithe a sholáthar maidir leis an struchtúr agus na spriocanna nach mór do ghrúpaí pobail ionchasacha a bhaint amach chun Conradh Pobail a fháil agus a choinneáil.

Mar sin féin, bhí cuid de na rannpháirtithe buartha faoin bhféidearthacht a bhí ann i ndáil le seirbhísí nua agus d'iarr siad ar BAI a bheith cúramach ina leith seo.

Breithniú an Údaráis

Bainfear feidhm as an aiseolas a fuarthas ón gcomhairliúchán i dtaca leis an alt seo chun doiciméadacht maidir le treoirlínte a scríobh i ndáil le gníomhaíochtaí ceadúnaithe, conraitheoireachta agus comhlíonta BAI atá bainteach le seirbhísí raidió agus teilifíse neamhspleácha.

5.2.2 Rialáil Seirbhísí

San alt seo den dhréacht de SSC leagtar amach an chaoi ina seolann an tÚdarás a fheidhmeanna rialála. Ag féachaint dá luachanna, .i. cothromas, neamhspleáchas, saineolas agus cuntasacht, liostaítear seacht bprionsabal ar a mbunaítear an cur chuige i dtaca le gníomhaíochta ceadúnaithe: -

- Cinnteoidh sé go gcloíonn conraitheoirí craolacháin lena dtiomantais chonartha agus, go háirithe, le héagsúlacht agus iolracht;
- Coinneoidh sé costais riaracháin maidir le dualgais cheadúnaithe chomh híseal agus is féidir;
- Laghdóidh sé ualach rialála nach gá;
- Ceapfaidh sé nósanna imeachta ceadúnaithe a íoslaghdaíonn an costas a bhaineann le hiarratas ceadúnais a dhéanamh;
- Cinnteoidh sé gur éifeachtach, éifeachtúil agus freagrach iad a chleachtas rialála;
- Déanfaidh sé comhairliúchán ar ghníomhaíochtaí rialála le conraitheoirí faoi cheadúnas; agus,
- Foilseoidh sé cáipéisíocht mhionsonraithe maidir le gach catagóir cheadúnaithe, ina leagfar amach a chur chuige ceadúnaithe agus rialála don chatagóir áirithe sin.

Fiafraíodh trí cheist chun críocha an chomhairlithe:

- 1. Agus aird chuí ar phrionsabail rialála an BAI, cén dearcadh atá agat ar chomh cuí is atá na prionsabail liostaithe? An bhfuil aon phrionsabail bhreise ba cheart a chur san áireamh? Má tá, mínigh do réasúnaíocht.**
- 2. An bhfuil cuir chuige ann maidir le bearta rialála a d'fhéadfadh ualach riaracháin na gconraitheoirí a laghdú gan tionchar bunúsach a bheith acu ar dhualgais chonarthacha? Leag amach an réasúnaíocht d'aon chuir chuige mholta.**
- 3. An bhfuil cuir chuige maidir le próisis ar iarratas ceadúnaithe a laghdódh an costas a bhaineann le hiarratais a dhéanamh d'iarrthóirí féideartha? Leag amach an réasúnaíocht d'aon chuir chuige mholta.**

5.2.2.1 Caoithiúlacht na bPrionsabal

Thug na hoibritheoirí tráchtála tacaíocht ghinearálta do na prionsabail sna haighneachtaí i scríbhinn, IBI san áireamh. Rinneadh dhá mholadh.

Dar le Communicorp gur chóir raon na bprionsabal a athrú agus leag siad amach na prionsabail atá ábhartha faoi Acht 2009 dar leo, agus mhol dhá phrionsabal nua mar atá: '*a chinnteoireacht a bhunú ar anailís cháilíochtúil agus chainníochtúil neamhspleách ar na meáin ar fad*' agus '*eacnamaíocht agus iompar an tsaoil athraithe a chur san áireamh agus féachaint ar na cinntí i dtaca le gach meán ar leith mar chuid de chomhthéacs na meán uile*'.

Dúirt RTÉ gur chóir prionsabal níos straitéisí a chur leis, agus mhol siad gur chóir téacs faoi bhunphrionsabail a bheadh sa téacs sa chéad alt sa chuid a dhéileálann leis na prionsabail rialála; '*ní mór inbhuanaitheacht na hearnála a chur i gcomhthéacs riachtanais agus roghanna an lucht éisteachta agus na riachtanais reachtúla maidir le hiolrachas agus le héagsúlacht*'.

In aighneacht RTÉ feictear an t-aiseolas ón bplé comhchéime a rinneadh ag ócáid na ngeallsealbhóirí. Prionsabail bunaithe ar chur chuige níos straitéisí an moladh a tháinig ón ngrúpa agus ar an ábhar seo tuiscint níos fearr ar na teorannacha agus an chosaint ar ar féidir a bhaint amach, ba chóir dóibh bheith níos soiléire agus aiseolas ón gcomhrá le fíorghéallsealbhóirí chun barúil a fháil ar an gcaoi atá na prionsabail á gcur i bhfeidhm. Ba chóir dóibh níos mó aird a thabhairt ar an iomaíocht idirnáisiúnta mar atá agus ar an ról creimitheach a imríonn sí ar an margadh agus í gan rialáil an tráth a chaithfidh craoltóirí na hÉireann ar fad an rialáil a mhaoiniú. Ní mór don inbhuanaitheacht a bheith ina cuid lárnach de na prionsabail agus freisin, d'fhéadfadh cuma dírialach a bheith ar chuid de na prionsabail, bunaithe ar tráth áirithe ama. Moladh luach na tuarascála taighde neamhspleáí a sheol Mediatheque, agus b'fhiú í a dheanamh gach bliain.

Cé go mbaineann na moltaí breise a luaitear i dtaca leis na prionsabail le hábhar, is nithe iad ar a mbunófar obair rialála an Údaráis i ndáil leis an gceadúnú. Tá an t-Udarás tiomanta don chothromas agus don saineolas agus freisin nuair a mheasann sé nithe conraitheoireachta agus nuair a fhorbraíonn sé cóid agus rialacha agus beartais den sórt sin, beidh aird aige ar thosca eacnamaíocha agus timpeallachta. Níor chuí an moladh go bhféachfadh an tÚdarás ar sholáthróirí inneachair neamh-rialáilte i liosta a phrionsabail. Níor tugadh samplaí nuair a dúradh gur chóir do na prionsabail a bheith níos cróga agus níos soiléire. Thug an tÚdarás faoi deara, agus treoirilínite á scríobh do gach cineál ceadúnaithe, go dtabharfaidh sin éifeacht bhreise do na prionsabail a liostaigh sé agus go dtabharfadh sé aghaidh ar chuid de na ceistanna a tógadh le linn an chomhairliúcháin.

Bhí an tÚdarás ar aon intinn leis an moladh gur chóir an prionsabal go mbeadh comhairliúchán leis an tionscal a bheith ar áireamh sa dréacht prionsabal chun dul i gcomhairle mar a leanas:

'comhairliúchán ar na prionsabail rialála agus ar ghníomhaíochtaí rialála le conraitheoirí faoi cheadúnas'

Thairis sin ní athrófar an téacs.

5.2.2.3 Cuir chuige maidir leis an Ualach Riaracháin a Laghdú

Níor luaigh an chuid is mó de na freagróirí an ní seo, ach tháinig moltaí ó chúig cinn acu. Dúirt IBI gur chóir do BAI glacadh leis an modheolaíocht a úsáideann Parlaimint na hEorpa lena chlár REFIT agus ligean d'ionadaithe ón earnáil craolacháin a chás maidir le riarachán laghdaithe a chur os comhair BAI ar bhonn rialta.

Dar le Communicorp Media go n-eascródh feabhsaithe suntasacha luais agus éascaíocht úsáide do BAI agus do gheallsealbhóirí as úsáid e-doiciméid, tairsí ar-líne agus feabhsaithe eile sa

teicneolaíocht

Glaodh i dtrí aigheacht ón earnáil phobail ar laghdú san ualach comhlíonta i dtaca le craoltóirí pobail raidió agus teilifíse.

Breithniú an Údaráis

Cuimsítear na moltaí a cuireadh isteach sna prionsabail atá san SSC agus nuair a scríobhfaidh BAI a threoirlínte do gach earnáil ceadúnaithe, rachaidh sé i gcomhairle leis na conraitheoirí iomchuí ar cheist an ualaigh riaracháin. Tá tiomantas tugtha ag BAI féachaint ar mhodhanna níos cliste agus níos éifeachtúla chun gnó a dhéanamh, agus roghanna leictreonacha agus tairsí do chonraitheoirí ina measc.

5.2.2.4 Cuir chuige i ndáil leis an bpróiseas ceadúnúcháin

Is ón earnáil tráchtála is mó a fuarthas aighneachtaí maidir leis an gceist seo. Mhol IBI go gcaithfeadh BAI Staidéir Tionchair Earnála a sheoladh roimh aon seirbhís nua a cheadúnú agus thacaigh Radio Nova leis an dearcadh seo.

Bhí Communicorp Media den tuairim gur próiseas tromáí neamhriachtanach é an próiseas ceadúnaithe reatha i ndáil le seirbhís tráchtála agus gur chóir do BAI díriú ar aschur seachas ar ionchur. Ar an ábhar seo, ba chóir go ndéanfaí cúis le ráiteas beartais cláir agus achoimre ar an struchtúr agus ar airgeadú an ghnó. Ní príomhcheisteanna iad sceideal beartaithe na gclár, ceisteanna foirne agus saoráidí stiúideo maidir le ceadúnú agus d'fhéadfaí fáil réidh leis na gnéithe seo le linn athchóiriú ar an bpróiseas. Ar an gcaoi seo d'fhéadfaí céim an chonartha ina dhiaidh sin a éascú, agus ualach na rialála a laghdú. Ní mór do BAI an chaoi a thomhaiseann sé feidhmíocht conraitheora a choigeartú agus ba chóir í a bhunú ar an aschur, mar shampla, is é inneachar an chláir nuachta ba chóir a thomhais seachas líon na foirne nuachta - ní gá gurb é an seomra nuachta is mó an seomra nuachta is fearr, sa chaoi nár chóir cead a bheith ag teastáil i dtaca le hathruithe i dtairgíocht na nuachta. Ar an gcaoi chéanna, níor chóir na míreanna cainte ar stáisiúin a shonrú. Mhol Wireless Group freisin gur chóir cur chuige rialála BAI díriú ar aschur seachas ar ionchur.

Breithniú an Údaráis

Bainfear feidhm as an aiseolas a fuarthas ón gcomhairliúchán i dtaca leis an alt seo chun doiciméadacht maidir le treoirlínte a scríobh i ndáil le gníomhaíochtaí ceadúnaithe agus conraitheoireachta bainteach le seirbhísí raidió agus teilifíse neamhspleácha.

5.2.2.5 Doiciméadacht maidir le Ceadúnú

Tháinig roinnt aighneachtaí isteach maidir leis an alt seo. D'fháiltigh IBI roimh an bhforbairt seo agus mhol go rachadh BAI i gcomhairle leis an tionscal agus doiciméadacht den sórt seo á dhréachtadh chun tarraingt as a dtairgíocht iomadúil le linn iarratas ar cheadúnas a dhéanamh.

Bhí TV3 den tuairim go mbreithneodh BAI i gcónaí an dócha go mbeadh tionchar tromáí nó diúltach ag na hoibleagáidí a shonrófaí i gconradh ar ráthúlacht thráchtála an tsealbhóra ceadúnais.

Mhol na freagróirí maidir leis an nGaeilge go mbéarfadh an tÚdarás ar an deis chun a chinntiú go dtuigfeadh craoltóirí a n-oibleagáidí maidir leis an nGaeilge agus go raibh eolas ar fáil go héasca agus treoir shoiléir maidir le comhlíonadh na n-oibleagáidí seo.

Dúirt CRAOL go gcaithfidh BAI treoirlínte a scríobh, ina mbeadh spriocanna agus garspriocanna a

chaitheadh seirbhísí pobail ceadúnaithe sealadacha a bhaint amach roimh léirithe suime a iarraidh ar cheadúnas iomlán. Ba chóir Cód Rialachais a scríobh freisin.

Bainfear feidhm as an aiseolas a fuarthas ón gcomhairliúchán i dtaca leis an alt seo chun doiciméadacht maidir le treoirínite a scríobh i ndáil le gníomhaíochtaí ceadúnaithe agus conraitheoireachta bainteach le seirbhísí raidió agus teilifíse neamhspleácha.

5.3 Bearta Rialála maidir le Ceadúnú

Le linn an athbhreithnithe ar an Straitéis i dtaca le Seirbhísí Craolacháin (an SSC), d'aontaigh an tÚdarás gur chóir cur chuige ardleibhéal a ghlacadh i dtaca le hinneachar an SCC athbhreithnithe, mar atá i gceist i gcur chuige an Údaráis i ndáil lena doiciméadacht straitéise eile.

Ar an ábhar seo, aithníodh go bhfuil sonraí ar leith san alt ar rialáil sa SSC reatha maidir leis na bearta rialála seo a leanas:

- Nuachta agus Cúrsaí Reatha - Ceanglais maidir le 120 nóiméad agus 20%
- Clár Scar-rogha (Raidió amháin)
- Fógraíocht Scar-rogha (Raidió amháin)
- Uath-oibriú agus Líonrú Clár (Raidió amháin)
- Comhroinnt Feidhmeanna Neamhchlár (Raidió amháin)
- Suíomh stiúideo

Tugadh aghaidh ar na nithe seo i ndoiciméad comhairliúcháin SSC ar leathanach 24 den doiciméad mar a leanas:

'Ceapfaidh agus foilseoidh an BAI cáipéisíocht tacaíochta do na catagóirí ceadúnaithe ar fad ina leagfar amach go mion cur chuige an BAI maidir leis an gcatagóir cheadúnaithe sin. Tá doiciméad beartais ann faoi láthair don raidió pobail, a ndéanfar athbhreithniú agus uasdátú air.

Ceadóidh forbairt na cáipéisíochta seo don BAI measúnú agus athbhreithniú a dhéanamh ar bhearta rialála do gach catagóir cheadúnaithe go rialta agus dá bhrí sin freagairt agus athbhreithnithe tráthúla a cheadú do na bearta rialála de réir mar is gá. Cuirfidh sé faisnéis níos soiléire agus níos mionsonraithe ar fáil do pháirtithe leasmhara chomh maith. Dréachtófar an cháipéisíocht seo i gcomhairliúchán leis an earnáil agus foilseofar í laistigh de bhliain ó chuirfear an Straitéis nua seo i bhfeidhm.'

Ar chúiseanna éagsúla, d'aontaigh an tÚdarás na bearta rialála seo a chur isteach i gcéim an chomhairliúcháin agus go háirithe, go bhféadfadh cuid acu, cur i gcás na rialacha maidir le hinneachar fosta i dtaca le nuacht agus cúrsaí reatha, a bheith rithábhachtach i gcomhthéacs na hinbhuanaitheachta agus d'aon cheadúnais nua mar a luaitear sa tuarascáil taighde ó Mhédiateque⁶. Ag an am céanna, b'ábhar plé laistigh den earnáil í an fhéidirtheacht i dtaca le fógraíocht scar-rogha, agus luadh í i dtuarascáil taighde Mhédiateque freisin.

Ghlac go leor craoltóirí páirt sa chomhairliúchán, go mór mór na craoltóirí raidió tráchtála agus na comhpháirtithe a thacaíonn le teanga na Gaeilge, i dtaca le bearta rialála mar a leagadh amach sa

⁶Alt 5 de thuarascáil taighde Mhédiateque.

dréachtdoiciméad comhairliúcháin.

Ar na príomhchúiseanna chun comhairliúcháin a dhéanamh ar na dréachtbhearta rialála bhí an fonn teacht ar thuairimí na ngeallsealbhóirí, go mór mór geallsealbhóirí ón earnáil, maidir le cleachtais ceadúnaithe reatha agus cén tionchar a bhíonn ag na cleachtais seo ar na seirbhísí a sholáthraíonn siad, agus cé chomh cuí is atá na bearta rialála mar atá siad faoi láthair.

Anseo tugtar an t-aiseolas a fuarthas ag an gcéim seo den chomhairliúchán san ord inar leagadh amach na nithe sa doiciméad comhairliúcháin.

5.3.1 Nuacht agus Cúrsaí Reatha:

Sa dréachtdoiciméad comhairliúcháin leagadh amach cur chuige reatha an Údaráis i ndáil le maolú ó cheanglais Achta 2009 maidir le Nuacht agus Cúrsaí Reatha, agus lorg an tÚdarás aiseolas maidir leis an gcur chuige agus cibé an bhfuil sé cuí nach féidir ach le seirbhísí nideoige leas a bhaint as an maolú, nó ar chóir é a chur ar fáil do chineálacha eile seirbhísí craolta.

Fiafraíodh dhá cheist le linn an chomhairliúcháin:

1. Cén tuairim atá agat ar na trí thoisce tionchair ar a mbeidh aird ag an BAI agus iarratas maolaithe á bhreithniú? An bhfuil aon tosca tionchair ba cheart don BAI a chur san áireamh?

2. Ar cheart don BAI breith a dhéanamh ar aon laghdú eile ar an mbeart rialála maidir le maolú nuachta agus cúrsaí reatha? Más ceart, tabhair do réasúnaíocht.

Ar an mórgóir, thacaigh an t-aiseolas i scríbhinn le cur chuige reatha an Údaráis. Den chuid is mó, b'ón earnáil craolacháin fuaimne neamhspleách agus a heagraíocht ionadaíoch IBI a tháinig na haighneachtaí a fuarthas; tá trí réimse i gceist: iad siúd a iarrann na rialacha a mhaolú, na cinn a bhí sásta leo mar atá, agus cinn ar theastaigh critéir breise uathu.

Tacaíocht chun an ceanglas a mhaolú níos mó

Mhol Communicorp Media gur chóir do BAI a bheith níos solúbtha ina chur chuige maidir le maoluithe agus gur chóir rogha an mhaolaithe a bheith ann do gach conraitheoir craolacháin. Cé go n-aithníonn siadan tábhacht a bhaineann le hinneachar nuachta agus cúrsaí reatha, tugtar aitheantas le cur chuige mar seo don mhargadh mar atá sé faoi láthair ina bhfuil an t-iliomad foinsí nuachta agus cúrsaí reatha tagtha chun cinn agus leas na n-éisteoirí. Chuir an freagróir trí chritéir maidir le hiarratais ar mhaolú a bhreithniú isteach: 1. nádúr na seirbhíse craolacháin ina iomláine agus ionchas a lucht éisteachta; 2. caighdeán an aschuir nuachta agus cúrsaí reatha ó na craoltóirí uile sa limistéar saincheadúaithe iomchuí; agus 3. cumas múnlaith meoin na seirbhíse i gcomhthéacs na meán uile atá ar fáil. Chomh maith leis sin, ba chóir tacaíocht a bheith ann do chinntí maidir le maolú i gcruth taighde cháilitheach lucht éisteachta a d'fholódh cumas múnlaith meoin na stáisiún raidió i gcomhthéacs na meán eile.

Mhol Conradh na Gaeilge, i gcás ina mbíonn grúpa ag craoladh ar bhonn sealadach, ba chóir don Údarás féachaint scaoileadh breise a dhéanamh ar na rialacha maidir le maolú

Tacaíocht do chúrsaí mar atá siad

Thacaigh eagraíocht ionadaíoch an raidió tráchtála neamhspleáigh IBI agus an stáisiún ceoil ilchathrach 4FM le cur chuige reatha an Údaráis, agus mhol siad gur féidir leis an maolú tionchar

dearfach a bheith aige ar aschur craolta de chuid stáisiúin raidió. Leantar do nuacht agus cúrsaí reatha a sholáthar don lucht éisteachtra, ach oiriúnaítear é ar shlí a theastaíonn ón éisteoir agus a mbíonn súil aige leis.

Dúirt Wireless Group go dtacaíonn sé go láidir le cumas BAI maoluithe a chur ar fáil do stáisiúin nideoige agus ceoil. Éascaíonn cur chuige an Údaráis dreasachtaí láidre do chraoltóirí clárú tarraingteach a tháirgeadh, cothaíonn sé an nuálaíocht agus an inbhuantheacht agus cumasaíonn sé d'fhoirne cláraithe pleananna eagarthóireachta a fhorbairt a fhreagaíonn do riachtanais a lucht éisteachta. Leis an gcur chuige seo aithnítear rannchuidiú na nuachta d'ardchaighdeán a dhéanann RTÉ agus rannchuidiú na seirbhísí d'fhormáid leathan chomh maith le Newstalk.

D'aontaigh an stáisiún áitiúil ceolbhunaithe Radio Nova le cur chuige reatha an Údaráis agus dúirt nach gá go scaoilfí na rialacha a thuilleadh.

Tacaíocht do chritéir bhreise

Dúirt an stáisiún áitiúil Midlands 103 ina aighneacht go dtugann sé tábhacht mhór don nuacht agus do chúrsaí reatha agus go dtacaíonn sé leis an gcur chuige reatha maidir leis an maolú agus mhol critéir bhreise; ba chóir a chinntiú go gcaithfí aon choigilt airgid a eascraíonn as maolú a fháil ar infheistíocht i gclárú a chuirfidh le héagsúlacht an aschuir agus nár chóir iad a dheonú ach ar feadh tréimhse seasta (trí bliana ar a mhéid) agus go ndéanfaí athbhreithniú air ina dhiaidh sin. Ní gá na rialacha a scaoileadh níos mó.

Mhol Raidió RíRá gur chóir do BAI breis cláraithe nuachta agus cúrsaí reatha as Gaeilge a spreagadh agus go gcaithfidh sé a chinntiú nach gcaolfar cláracha Gaeilge ach amháin deireanach san oíche agus ag an deireadh seachtaine.

Aiseolas ón bplé comhchéime

I dtéarmaí ginearálta thacaigh an t-aiseolas ón bplé comhchéime ag an ócáid geallsealbhóirí leis an gcur chuige reatha atá ag an Údarás maidir le maolú i gcomhair seirbhísí ceolbhunaithe amháin. Ó thaobh na gcostas de, le maolú tugtar deis inmharthanachta do sheirbhísí nideoige den chineál seo. Chomh maith leis seo éascaíonn sé éagsúlacht níos mó sa rogha atá ag an lucht éisteachta i gcomhthéacs an inneachair nuachta agus cúrsaí reatha a sholáthraítear trí chatagóirí eile ceadúnais mar atá seirbhísí áitiúla agus náisiúnta. Mar sin féin, caithfidh BAI tacaíocht bhreise a thabhairt do na soláthróirí inneachair seo agus caithfidh sé féachaint do na deacrachtaí a bhaineann le hiriseoirí agus baill foirne chun obair san réimse seo mar gheall ar an iomaíocht mhéadaithe ó sholáthróirí digiteacha. Ba chóir don Údarás féachaint ar dholúbthacht an cheanglais 7-go-7 a scaoileadh; i gcomhthéacs na seirbhísí suime pobail ar nós seirbhísí do mhic léinn d'fhéadfadh an ceanglas seo a bheith frithorthúil mar nach bhfreagraíonn an ceanglas 7-go-7 do nósanna a gcuid éisteoirí rialta. I gcomhthéacs na soláthróirí tráchtála ba chóir féachaint do thionscadail infheistíochta eile a ghabhann siad de láimh ar nós inneachair nuachta agus cúrsaí reatha a sholáthraíonn siad ar líne.

Breithniú an Údaráis

Tugtar tacaíocht an-láidir do chur chuige reatha an Údaráis - níl ach aon dearcadh láidir amháin ina choinne. Breathnaítear ar shlí dhearfach ar theorannú an mhaolaithe do sheirbhísí nideoige agus ceolbhunaithe i gcomhthéacs inmharthanachta na seirbhísí sin agus éagsúlacht na rogha a thugann sé don lucht éisteachta. Tógadh an maolú isteach trí Acht 2009 agus chuir formhór na seirbhísí nideoige agus ceolbhunaithe isteach ar mhaolú ar chéatadáin éagsúla, agus fuair siad a leithéid.

Tugann an tÚdarás faoi deara gur ar thaighde a bunaíodh a chur chuige i ndáil lena phróisis cheadúnaithe sa limistéar seo; taighde ar an lucht éisteachta agus freisin, taighde ar an margadh i dtaca le héagsúlacht agus iolrachas an inneachair nuachta agus cúrsaí reatha. Taispeánann an taighde gur mór leis an lucht éisteachta an t-inneachair nuachta agus cúrsaí reatha agus tá éileamh láidir ar an inneachair sin⁷.

Moltar i dtuarascáil taighde Mhediatique do BAI dul i mbun plé le tairgeoirí agus le sealbhóirí ceadúnais reatha maidir le húsáid breise a dhéanamh as an bhfáil atá ar mhaoluithe i dtaca le nuacht agus cúrsaí reatha ach dúradh ann freisin go bhféadfadh tionchar mór a bheith ag aon athruithe agus moltar athbhreithniú a dhéanamh roimh aon athruithe den sórt sin a chur i bhfeidhm go forleathan⁸.

Thug an tÚdarás faoi deara go léirítear sa taighde an tábhacht a thugann an lucht éisteachta don nuacht agus do chúrsaí reatha. De bhreis ar sin, le linn an chomhairliúcháin, ba léir gur luachmhar an ní an t-inneachair sin do na craoltóirí. Is mian leis an Údarás a rá, agus na dúshláin atá roimh na meáin chlóite agus an t-iliomad meán neamhrialáilte atá ar fáil ar líne, gur acmhainn luachmhar do lucht éisteachta na hÉireann an t-aschur nuachta agus cúrsaí reatha ó sheirbhísí ceadúnaithe BAI. Ar an ábhar seo, d'aontaigh an tÚdarás nach bhfuil sé cuí an tráth seo ligean do gach sealbhóir ceadúnais cur isteach ar mhaolú os rud go rachadh sé i gcoinne cuid de na príomhspríocanna ar a bhfuil spríocanna agus cuspóirí straitéiseacha an Údaráis bunaithe. Dá réir sin, d'aontaigh an tÚdarás gan ceanglas an mhaolaithe ar nuacht agus ar chúrsaí reatha a scaoileadh faoi láthair, agus go leanfaidh sé i bhfeidhm maidir le seirbhísí nideoige agus ceol na hóige amháin.

5.3.2 Clár Scar-rogha

I ndrúachtoidiciméad comhairliúcháin SSC bhí an moladh go mb'fhéidir go scaoilfeadh an tÚdarás an ceanglas maidir le clár scar-rogha agus clár scar-rogha a cheadú gan an ceanglas go bhforbródh siad stiúideonna breise i bhfianaise na bhforbairtí sa teicneolaíocht. Is mar a leanas atá an trí chritéir bhunúsacha a mheasfadh an tÚdarás i dtaca leis an clár scar-rogha: 1. An gcuirfí fócas an inneachair don lucht éisteachta i mbaol dá dtabharfaí an cead sin; 2. An dtacódh na comhshocruithe molta le príonsabail na héagsúlachta agus an iolrachais, go mór mór le linn freastal ar riachtanais an lucht éisteachta; agus, 3. An mbeadh na moltaí i gcomhréir le nádúr na seirbhíse ceadúnaithe, i. náisiúnta, réigiúnach, áitiúil.

Fiafraíodh dhá cheist le linn an chomhairliúcháin:

- 1. Cad é do thuairim faoi na critéir a bhfuil aird ag an BAI orthu agus breith á dhéanamh ar iarratas ar chlársceidealú scar-rogha?***
- 2. Ar cheart don BAI aon athrú/athruithe ar a chur chuige rialála maidir le chlársceidealú scar-rogha a chur san áireamh? Más ceart, tabhair do réasúnaíocht***

Tugadh tacaíocht an-láidir do chur chuige molta an Údaráis maidir leis an gceanglas i dtaca le stiúideonna breise chun clár scar-rogha a chraoladh agus go sonrath, aithníodh seasamh an Údaráis maidir le forbairtí sa teicneolaíocht agus rud mór, go mbeadh éagsúlacht na rogha ag an lucht éisteachta i gceist le linn aon bhreithniú ar chlár scar-rogha.

Mar sin féin, le linn an phrionsabal a mheas ar chóir clár scar-rogha a dheonú, fuarthas aiseolas measctha, agus bhí ceithre aighneacht ann a d'iarr critéir bhreise le linn moltaí den sórt seo a

⁷ Ar nós taighde ó Khantar Research a rinneadh chun iomlánú a dhéanamh ar thuarascáil taighde Mhediatique.

⁸ Lth 93 de thuarascáil taighde Mhediatique.

mheasúnú, bhí ceithre cinn eile ag iarraidh an ceanglas a scaoileadh níos mó agus ceann amháin a bhí sásta le cursaí mar atá siad.

Tacaíocht do Chritéir Bhreise

Cé gur thacaigh Midlands 103, Wireless, Red FM agus Communicorp leis na critéir reatha ar an liosta, mhol siad uile go gcaithfidh an tÚdarás a bheith ar an airdeall maidir leis an tionchar a d'fhéadfadh a bheith ag aon chlár scar-rogha ar an lucht éisteachta agus ar theacht isteach na seirbhísí raidió eile sa limistéar saincheadúnaithe iomchuí.

Ba chóir staidéar tionchair ar inbhuanaitheacht na seirbhísí raidió sa limistéar saincheadúnaithe iomchuí a bheith mar chuid d'aon bhreithniú ar mholadh maidir le clár scar-rogha. Luaitear tionchar na háitiúlachta i dtéarmaí an inneachair áitiúil agus an chaidrimh áitiúil. Ba chóir go mbeadh a leithéid de chlár ag teacht le ráiteas beartais cláraithe an tsealbhóra ceadunais agus go bhfreastalódh sé ar a spriocluachtéisteachta sainráite.

Tacaíocht do Chúrsaí mar atá siad

D'aighnigh Broadcasting Media Limited gur chuir sé fáilte roimh dhearcadh an Údaráis agus nár chóir aon mholtaí craolacháin scar-rogha a cheadú ach amháin i gcás ina mbíonn an tÚdarás den tuairim go gcuireann an t-ábhar molta go suntasach leis an éagsúlacht sa limistéar saincheadúnais

Tacaíocht chun an ceanglas a scaoileadh níos mó

D'aighnigh IBI ar son an rialachán a scaoileadh, agus dúirt gur éirigh go seoigh le stáisiúin raidió an clár scar-rogha a úsáid a bhuíochas le forbairt na n-aipeanna raidio agus an RadioPlayer Éireannach. Áirítear anseo na stáisiúin raidió a bhfuil limistéar saincheadúnaithe acu ina bhfuil breis agus aon chontae amháin, agus a chraol cluichí ó na contaetha éagsúla ag an am céanna, nó díospóireachtaí Olltoghcháin a craoladh ó dhá thoghlach éagsúla ag an am céanna chuig na contaetha iomchuí. Aontaíonn 4FM le tuairimí IBI.

Dúirt Radio Nova gur de nádúr an chláir scar-rogha éagsúlacht níos mó agus clár níos dírithe ar an lucht éisteachta a sholáthar rud a fhreastalaíonn níos fearr ar an éisteoir. San am atá thart ba rogha daor é an clár scar-rogha do stáisiúin raidió mar gheall ar an ngá le stiúideo ar leith. Mhol Radio Nova freisin gur chóir do BAI a bheith níos solúbtha ar an ábhar seo má tá freastal á dhéanamh ar an éagsúlacht.

Tá Conradh na Gaeilge den tuairim go bhfuil féidearthachtaí chun an clár scar-rogha a úsáid chun cur leis na cláir Gaeilge a chraoltar.

Is léir ón aiseolas go bhfuil tacaíocht an-láidir ann chun an riachtanas le stiúideonna a bhaint. Baineann an fhorbairt sa teicneolaíocht, chun cláir a dhéanamh agus chun iad a chraoladh, den ghá atá le stiúideo ar leith trí aipeanna agus an Radio Player Éireannach mar a luaitear i gcuid de na freagraí. I gcomhthéacs an dúshlán airgeadais atá ag an tionscal, éascaíonn sé laghdú sna costais a eascraíonn as aon chlár scar-rogha.

Breithniú an Údaráis

I dtaca leis an gcleachtas maidir le clár scar-rogha, is léir go bhfuil an bhuaireann ann a léirigh na seirbhísí áitiúla go mbeadh iomaíocht mhéadaithe ann don lucht éisteachta agus don teacht isteach bainteach

leo má cheadaítear clár scar-rogha. Bhí an tÚdarás den bharúil gur tacaíodh go láidir leis an mbuairt sna haighneachtaí agus gur aontaigh torthaí taighde na tuarascála ó Mhédiateique leis. Ar an ábhar seo, d'aontaigh an tÚdarás go scaoilfear an rialachán seo agus go nglacfaidh sé le hiarratais ar chlár scar-rogha, ach go mbainfidh critéir bhreise leo mar a leanas:

* An tionchar ar inmharthanacht na seirbhísí eile sa limistéar saincheadúnais.

Ó thaobh an cheanglais maidir le stiúideonna ar leith, mar gheall ar fhorbairtí sa teicneolaíocht agus an t-aiseolas ón gcomhairliúchán, ní cheanglóidh an tÚdarás stiúideonna ar leith chun clár scar-rogha a chraoladh níos mó.

Beidh éifeacht ag na hathruithe seo ón 1 Samhain 2018 ar aghaidh.

5.3.3 Fógraíocht Scar-rogha:

I ndrÉachtdoiciméad comhairliúcháin SSC bhí an moladh go mb'fhéidir go scaoilfeadh an tÚdarás an ceanglas maidir le fógraíocht scar-rogha agus fógraíocht scar-rogha a cheadú gan an ceanglas maidir le clár scar-rogha agus/nó go bhforbródh siad stiúideonna breise i bhfianaise na bhforbairtí sa teicneolaíocht. Is mar a leanas atá an dá chritéir a mheasfadh an tÚdarás i dtaca leis an bhfógraíocht scar-rogha: an tionchar is dócha a bheadh aige ar inmharthanacht na seirbhíse agus an tionchar ginearálta a bheadh aige ar inmharthanacht na seirbhísí eile sa limistéar saincheadúnais agus ar an earnáil craolta i gcoiteann.

Fiafraíodh dhá cheist le linn an chomhairliúcháin:

- 1. Cad é do thuairim faoi na critéir a bhfuil aird ag an BAI orthu agus breith á dhéanamh ar iarratas ar fhógraíocht scar-rogha?**
- 2. Ar cheart don BAI aon athrú/athruithe ar a chur chuige rialála maidir le fógraíocht scar-rogha a chur san áireamh? Más ceart, tabhair do réasúnaíocht.**

Mar aon leis an aiseolas i dtaca le clár scar-rogha, bhí tacaíocht láidir ann chun an ceanglas maidir le stiúideonna breise a bhaint i dtaca le fógraíocht scar-rogha a chraoladh.

Mar sin féin, is aiseolas measctha a fuarthas maidir le cleachtas na fógraíochta scar-rogha, ó ócáid na ngeallsealbhóirí agus sna haighneachtaí comhairliúcháin scríofa araon, ag brath ar chineál an chonartha craolacháin fuaimne a shealbhaigh na freagróirí. Ar an ábhar seo, rinne IBI achoimre an-mhaith ar an dá dhearcadh éagsúla i measc a chuid ball ar an ábhar seo mar a leanas: *Na stáisiúin raidió nach dtacaíonn le fógraíocht scar-rogha, breathnaíonn siad air mar iomaíocht dhíreach le seirbhísí raidió áitiúla, rud a bhaineann ó thairiscint thráchtála an stáisiúin raidió áitiúil agus dá bharr, rud a bhagraíonn inmharthanacht an stáisiúin áitiúil. Bheadh tionchar aige seo ansin ar leibhéal na seirbhíse a d'fhéadfadh an stáisiún a chur ar fáil dá lucht éisteachta agus laghdódh sé an infheistíocht airgeadais a d'fhéadfadh an stáisiún a dhéanamh ina chláir nuachta, cúrsaí reatha agus cainte. Féachann na stáisiúin a thacaíonn le fógraíocht scar-rogha ar na srianta reatha mar bhaic a choisceann iad ó dul in iomaíocht le cineálacha eile meán, a thairgíonn fógraíocht struchtúrtha, spriocdhírthe dá gcliant. Tá sé deacair go leor an fhógraíocht a dhíol faoi mar atá cúrsaí agus is bac breise é an cosc iomlán ar fhógraíocht scar-rogha ar chumas an raidió a chuid ama chraolta a dhíol. Cé nach bhfuil aon chruthúnas cinnte ann go mbeadh éileamh ar an bhfógraíocht scar-rogha, ba mhaith le cuid de na stáisiúin raidió gurbh é an margadh a dhéanadh an cinneadh seachas é a chur i bhfeidhm le rialachán.*

Cur i gcoinne aon athrú ar an gceanglas

Sna haighneachtaí a chuir i gcoinne aon athrú ar an rialachán maidir le fógraíocht scar-rogha, luadh ceisteanna mar atá an inmharthanacht, agus tábhacht na háitiúlachta. Tá an-iomaíocht cheana sa mhargadh agus tá cúrsaí deacair. D'fhéadfadh aon iomaíocht breise i margadh na fógraíochta an bonn a bhaint d'inmharthanacht seirbhísí áitiúla tiomanta agus cláir áitiúla nuachta, cúrsaí reatha agus cláir áitiúla an-luachmhar eile a chur i mbaol.

Mhol Wireless nach raibh an margadh díreach áitiúil in ann seirbhísí raidió breise a sheasamh agus thacaigh sé leis an mbéim a chuireann BAI ar an tionchar is dócha a bheadh ag moltaí scar-rogha ar inmharthanacht na seirbhísí reatha.

D'aighnigh Midlands 103 nach raibh cúis ann chun an fhógraíocht scar-rogha a cheadú ar chláir a chraoltar ag an am céanna ar dhá sheirbhís. Is cleachtas é atá tugtha don mhi-úsáid, a cheadódh an dara sruth ioncaim sa chaoi go bhféadfadh na hoibritheoirí seo gearradh faoi stáisiúin láimh leo. Is cleachtas frith-iomaíoch é agus ní mór athbhreithniú a dhéanamh air go luath.

Tacaíocht do chúrsaí mar atá siad

Thacaigh Easy Media Broadcasting le cur chuige an Údaráis agus go sonrath, le linn dó aon mholtaí den sórt a bhreithniú go bhféachfaidh BAI don tionchar is dócha a bheidh aige ar inmharthanacht na seirbhíse chomh maith leis an tionchar ginearálta ar sheirbhísí eile sa limistéar saincheadúnais agus san earnáil chraolta trí chéile.

Tacaíocht chun an ceanglas a scaoileadh níos mó

D'aighnigh Communicorp go n-aithneodh BAI na srianta agus na teorannacha a bhaineann le fógraíocht scar-rogha a chuireann cosc ar stáisiúin ó bheith ag dul in iomaíocht le meáin de chineálacha eile atá in ann fógraíocht struchtúrtha, spriocdhírthe a thairiscint do chliant. Dá mbeadh an deis ag stáisiúin réigiúnda agus náisiúnta fógraíocht scar-rogha a thairiscint, chuirfeadh sé leis an tairiscint thráchtála do chliant fógraíochta agus le hinmharthanacht na hearnála. Ba chóir úsáid teoranta na fógraíochta scar-rogha a cheadú ar choinníoll nach dóigh go mbeadh tionchar suntasach aige ar theacht isteach na seirbhísí eile san limistéar iomchuí.

Dúirt Classic Hits 4FM go bhfuil ceadúnas nideoige ilchathrach aige le limistéar uathúil craolta neamhchomhthadhlach. Mar gheall ar nádúr neamhthadhlach an limistéir seirbhíse agus mar gheall ar go bhfuil an ceadúnas ceaptha sraith de chathracha a chlúdach seachas limistéar sonrath (tadhach) (mar a bhíonn i gcás na stáisiúin náisiúnta agus réigiúnacha) ba chóir go gceadófaí roinnt fógraíochta scar-rogha. Ba chóir don Údarás an teorainn 'in imthosca teoranta' ar fhógraíocht raidió scar-rogha a bhaint agus brath ar na critéir eile mar a leagtrar amach i SSC mar nach bhfuil an teorainn riachtanach. Tacaíonn Radio Nova leis a gcur chuige mar atá leagtha amach ag 4FM.

Mhol RTÉ gur aithin sé nach mbaineann comhairliúchán an Údaráis ach leis an raidió amháin, ach go gcuirfeadh sé fáilte roimh leathnú raon molta an rialacháin seo chun an teilifís a chlúdach.

Aiseolas ar an bplé comhchéime

Tháinig an t-easaontas idir deartháí san earnáil chun solais ag an bplé idir geallsealbhóirí. Níor tháinig comhdhearcaidh chun cinn agus ba léir cén fáth: bhraith sé ar chineál na seirbhíse a sholáthraíonn an geallsealbhóir. Ar an ábhar seo, má ba stáisiún náisiúnta an geallsealbhóir d'fhéach sé ar fhógraíocht scar-rogha mar dheis, agus mar a chéile má bhíodhas ag déanamh ionadaíocht ar roinnt stáisiúin áitiúla ar ghréasán náisiúnta. Ar an taobh eile de, má bhí seirbhís áitiúil á oibriú aige, d'fhéach sé ar aon scar-

rogha sa limistéar mar iomaitheoir díreach nua. Bhí aontas ann ar aon cheist amháin áfach, nár thacaigh éinne leis an riachtanas do stiúideonna ar leith dá mba mhian le stáisiún sruth fógraíochta ar leith a chraoladh agus mar sin gur chóir an riachtanas sin a bhaint.

Breithniú an Údaráis

Fuair an cur chuige a leag an tÚdarás amach maidir le fograíocht scar-rogha tacaíocht ghinearálta sna haighneachtaí scríofa agus san aiseolas ón ócáid geallsealbhóirí. Bhí tacaíocht shoiléir ann chun na ceanglais maidir le stiúideonna ar leith agus don chlár scar-rogha a bhaint. Ach ba léir gur nocht na seirbhísí áitiúla buairt dháiríre maidir leis an dóchúlacht go mbeadh iomaíocht mhéadaithe ann i margadh na fógraíochta dá gceadófaí fógraíocht scar-rogha. Bunaítear inní na stáisiúin áitiúla ar cheisteanna maidir leis an inmharthanacht agus an inbhuanaitheacht. Ar an ábhar seo, leis na critéir reatha chun aon fhógraíocht scar-rogha a cheadú, folaítear an tionchar ionchasach ar sheirbhísí eile sa limistéar saincheadúnaithe iomchuí agus ar an earnáil chraolta trí chéile. De bhreis, ní bhreithneofar moltaí den sórt seo ach amháin in imthosca teoranta.

Moltar sa tuarascáil Mediatique do BAI dul i dteagmháil le tairgeoirí agus le sealbhóirí ceadúnais reatha ar an gcaoi a d'fhéadfadh siad úsáid níos mó a bhaint as an gcumas atá acu am craolta a dhíol i limistéir ceadúnais éagsúla ach aithnítear inti freisin go mb'fhéidir go mbeadh tionchar suntasach ag aon athruithe agus moltar inti athbhreithniú a sheoladh sula ndéanfar aon athrú den sórt seo a chur i bhfeidhm go forleathan⁹.

Luaigh an tÚdarás na coinníollacha deacra airgeadais atá ann agus an neamhchinnteacht sa margadh. Ar an mórgóir thacaigh an t-aiseolas le cur chuige reatha an Údaráis agus thug torthaí na taighde ó Mheidiatique bailíochtú don chur chuige reatha. Dá réir sin, d'aontaigh an tÚdarás nach mbeadh sé cuí na ceanglais a scaoileadh maidir le cleachtas na fógraíochta scar-rogha faoi láthair. Mar sin féin, i bhfianaise na bhforbairtí sa teicneolaíocht agus an t-aiseolas ón gcomhairliúchán, ní cheanglófar stiúideonna ar leith chun fógraíocht scar-rogha a chraoladh.

Tiocfaidh an t-athrú seo i bhfeidhm ón 1 Samhain 2018 ar aghaidh.

5.3.4 Uath-oibriú agus Líonrú Clár

Moladh sa doiciméad comhairliúcháin SSC go bhféadfadh an tÚdarás leibhéal níos airde ó thaobh uath-oibríthe agus líonraithe clár in imthosca áirithe agus leag síos na ceithre chritéir bhunúsacha a bhreithneodh an tÚdarás i dtaca le huath-oibriú agus líonrú clár: 1. Tionchar an lucht éisteachta maidir leis an seirbhís; 2. An cumas atá ann chun inmharthanacht na seirbhíse a mhéadú, go háirithe i gcás seirbhísí nideoige; 3. I gcás seirbhísí pobail, tionchar na moltaí ar éiteos na seirbhíse; agus, 4. I gcás moltaí chun míreanna den seirbhís a uathoibriú, an t-am den lá - i gcoitinne, bheadh súil leis go gcuirfí an t-inneachar uath-oibríthe ar fáil taobh amuigh de bhuaicuaireanta.

Fiafraíodh dhá cheist le linn an chomhairliúcháin:

1. Cén dearcadh atá agat ar chur chuige an BAI mar a leagtar amach sa cháipéis comhairliúcháin straitéise i ndáil leis na bearta rialála seo a leanas:

Uathoibriú agus Líonrú Clár

2. Ar cheart don BAI aon athrú/athruithe ar a chur chuige rialála maidir le ceann ar bith de na bearta rialála seo a chur san áireamh? Más ceart, tabhair do réasúnaíocht.

⁹ Moladh ó thuarascáil taighde Mhediatique, lth 94.

I dtéarmaí ginearálta iarrtar san aiseolas ar uath-oibriú agus líonrú clár na rialacháin a scaoileadh sna réimsí seo agus go háirithe i dtaca leis an gclárú taobh amuigh de bhuaicuaireanta. Ligfí le hathrú den sórt seo do chraoltóirí breith ar na buntáistí a eascraíonn as an teicneolaíocht nua, agus in am an ghátair eacnamaíochta, d'éascóch sé coigiltis costas do na craoltóirí. De bhreis ar seo, ní bheadh aon tionchar aige ar an aschur craolta agus dá réir, ní bheadh tionchar aige ar an lucht éisteachta. Bhí tacaíocht áirithe ann chun an staid reatha a choinneáil, agus in aighneacht amháin cuireadh glan i gcoinne ina gceanglas a scaoileadh.

Tacaíocht don staid reatha

Bhí inní ar Red FM mar gheall ar bhreis líonraithe mar ní tairbhe é ach amháin do na hoibritheoirí móra, dream ar féidir leo costas a laghdú agus a gclárú a choinneáil mar gheall ar a méid, ach fulaingíonn oibritheoirí níos lú. I gcásanna áirithe d'fhéadfadh sé an éifeacht a bheith aige chun an t-inneachar áitiúil agus gníomhaíocht an lucht éisteachta sa margadh a laghdú ar mhaithe le costas a íslíú, ach do na grúpaí móra, le pócaí doimhne, ní bhaineann ciall leis an argóint go dteastaíonn a leithéid ar mhaithe le hinmharthanacht. Bheadh sé go hiomlán míchothrom d'oibritheoirí áitiúla aonaracha na ceanglais maidir le hinneachar áitiúil a laghdú, nó ligean do ghrúpaí móra a gcuid costas a íslíú, ar ábhar a méide amháin, rud a bhrúfadh an comhdhlúthú éigeantach ar an tionscal ar mhaithe le costas a íslíú. Ba chóir do BAI aon iarratais chun cláir a líonrú a thomhais i dtéarmaí an tionchair ar gach ceann de na margaí áitiúla ina thiocfadh cláir líonraithe in ionad cláir áitiúla.

Dúirt Midlands 103 go dtacaíonn sé le húsáid chúramach na huath-oibrithe ar an gcoinníoll go gcomhlíonfaidh an tseirbhís áirithe a ghealltanais maidir le clárú; agus nach mbeadh sé in úsáid ach lasmuigh de bhuaicuaireanta. Ba chóir líonrú a cheadú seachas le haghaidh seirbhísí nuachta. Ní thagann sé le bunspríocanna BAI, is é sin le rá an t-iolrachas, an éagsúlacht agus an inrochtaineacht.

Tacaíocht chun na ceanglais a scaoileadh níos mó

Mhol Easy Media Broadcasting go dtacaíonn sé go láidir le cur chuige an Údaráis maidir leis an ngá atá ann chun leibhéal níos airde uath-oibrithe agus líonraithe a bhreithniú in imthosca áirithe go háirithe i leith an chumais atá ann chun inmharthanacht seirbhísí nideoige a mhéadú agus ar mhaithe leis an lucht éisteachta a fhreastalaíonn siad air.

Dúirt IBI gur cuid d'oibriú gach stáisiún raidió sa tír an t-uathoibriú clár agus go bhfuil sé ar eolas go maith ag bainistíocht na stáisiún gurb é pearsantacht láithreoir an chláir ceann de na príomhchúiseanna go gcasann an lucht éisteachta an raidió ar siúl, nó go n-imíonn siad ó stáisiún áirithe in am ar leith. Dá bhrí sin, cé go mbaineann stáisiúin raidió feidhm as an uathoibriú clár, ní bheidh sé ina ghnáthnós riamh.

Mhol IBI freisin gur chóir líonrú clár a éascú, agus maidir le féin-rialáil ag na stáisiúin raidió, go laghdaíonn sé an gá le rialáil láidir thromaí. D'fhéadfaí an brú airgid a laghdú dá gceadófaí líonrú clár rud a chuideodh le hinmharthanacht agus ba chóir breithniú ceart a thabhairt ar an seasamh seo. Mar sin, ba choir do BAI iarratais ar líonrú clár agus fiosruithe maidir leis a éascú. Mhol 4FM go dtacaíonn sé le réasúnaíocht IBI.

Mhol Communicorp gur cosúil go bhfuil idirdhealú rialála á dhéanamh faoi láthair idir cláir uathoibrithe agus cláir bheo nach bhfuil in intinn an lucht éisteachta. Cé go gcaithfeadh cuid den inneachar raidió bheith beo, d'fhéadfaí cur le clárú eile trí uathoibriú a dhéanamh ar mhíreanna áirithe. Úsáidtear bogearra sofaisticiúil gutha ar stáisiúin timpeall an domhain, rud a ligeann do láithreoir inneachar ar bith

a thairdeadh agus an comhthéacs a athbhreithniú go paiteanta sula gcuirfear ar an sceideal é chun é a chraoladh. Ba chóir don úan bealach is fearr a roghnú chun aschur ar an gcaighdeán is airde a sholáthar don lucht éisteachta. Ba chóir do BAI breathnú ar a dtáirgtear seachas ar an modh seachadta. Ann féin, ní ábhar den dara grád é ábhar réamhthairfeadta.

Mhol Communicorp chomh maith leis an líonrú gur féidir cláir a roinnt thar breis agus stáisiún amháin agus tugann sé an deis d'éisteoirí thar limistéir níos leithne an táirge cláir ar an gcaighdeán is airde a chloisteáil. Leis an líonrú cliste is féidir ciantraschuradóirí a logánu, sa chaoi gur féidir leis an lucht éisteachta a n-inneachar áitiúil a chloisteáil agus é fite fuaite gan uaim isteach san inneachar líonraithe. Le cur chuige mar seo, tagann na héifeachtúlachtaí atá chomh tábhachtach an tráth seo i saolré an mheáin.

Mhol Conradh na Gaeilge go bhfuil sé go láidir ar son an ábhar Gaeilge a chruthú agus a chraoladh leis na modhanna céanna atá in úsáid leis an ábhar eile a chraolann an stáisiún, agus go mbeadh sé seo ag teacht le spriocanna an stáisiúin. Ina dhiaidh sin, i gcás nach féidir teacht ar láithreoirí a bhfuil ar a gcumas acu ábhar a chruthú agus a chraoladh trí mheán na Gaeilge, moltar modhanna eile chun na hoibleagáidí i dtaca leis an teanga a chur i gcrích de réir na rialacha cuí. Trí ábhar Gaeilge a fháil isteach ó stáisiúin eile, féadfaidh stáisiúin áitiúla nach bhfuil ar a gcumas ábhar Gaeilge a chraoladh ar shlí eile a áirithiú nach dteipfidh orthu ina n-oibleagáidí.

Dúirt Radio Nova nach gcreideann sé go bhfuil aon ghá ann le beartais nó srianta a fhorchur i dtaca le huathoibriú clár agus gur chóir do BAI líonrú clár a éascú.

Dúirt Wireless Group go dtacaíonn sé le réimeas rialála so-fhreagrach so-lúbtha a ligeann do chraoltóirí feidhm a bhaint as buntáistí na teicneolaíochta nua craolacháin agus creideann gur chóir do BAI díriú ar aschur an chláraithe seachas ar mhodhanna táirgeochta; ar chaighdeán an chláraithe seachas ar an gcaoi a tháirgítear é. Beidh cásanna ann ina gcuideoidh an líonrú agus an t-uathoibriú leis an inmharthanacht, agus ba chóir go gceadódh BAI iad i gcás nach mbeidh éifeacht aige ar nádúr na seirbhíse. I gcás na moltaí go n-uathoibreofaí míreanna den seirbhís cláir, ba chóir cur chuige scaoilte a bheith i bhfeidhm taobh amuigh de bhuaicuaireanta nuair a bhíonn lucht éisteachta laghdaithe ann.

Breithniú an Údaráis

Léirítear san aiseolas go bhfuil tacaíocht ghinearálta ann do shaoirse mhéadaithe chun go gcinnteodh craoltóirí leibhéal an uathoibríthe clár agus líonraithe a bheadh ina sceidil acu. Is ar a leas féin freastal ar a lucht éisteachta agus dá réir, tá a fhios acu féin cé mar is fearr clárú d'ardchaighdeán a chur ar fáil dá lucht éisteachta, bíodh sin ina chlár uathoibríthe nó líonraithe. De bhreis ar an méid sin, tacaíonn na forbairtí sa teicneolaíocht le clár d'ardchaighdeán, bíodh sin ina chlár beo, uathoibríthe nó líonraithe

I dtaca le huathoibriú clár, faoi láthair ceadaíonn an tÚdarás clárú uathoibríthe ar iarratas le linn sceidil na hoíche, go hiondúil idir 1 am agus 7 am, agus baineann an chuid is mó de na stáisiúin feidhm as. Thairis sin, ceadaítear uathoibriú taobh amuigh de bhuaicamanna, ar bhonn cásanna aonair.

Maidir le líonrú clár, tá roinnt stáisiúin ann a roinneann clárú agus go sonrach, seirbhísí nideoige ceoil mar iRadio, Radio Nova, Sunshine agus 4FM. Soláthraíonn Newstalk fotha nuachta do líon mór stáisiún neamhspleách. Thairis sin, ní rud coitianta é an líonrú san earnáil raidió neamhspleách.

Is fiú a thabhairt faoi deara, cé go n-iarrtar ceanglais níos scaoilte i móramh na n-aighneachtaí, go leagtar amach iontu critéir ar chóir don Údarás breithniú a dhéanamh orthu le linn na moltaí a mheas.

Tá ceist an tionchair ar an ábhar áitiúil agus an raidió áitiúil fite fuaite trí na critéir atá molta. Ar an ábhar seo, d'aontaigh an tÚdarás go bhféadfadh scaoileadh ar an gceangal seo tionchar diúltach a bheith aige ar an ábhar áitiúil agus ar an lucht éisteachta. De bhreis, d'fhéadfadh inmharthanacht na seirbhísí áitiúla a bheith i gceist. Dá réir sin, d'aongtaigh an t-Údarás nach n-athródh sé an cur chuige ag an tráth seo. Ní dhéanfar athrú ar an bpróiseas rialála maidir le huathoibriú agus líonrú clár.

5.3.5 Comhroinnt Feidhmeanna Neamhchlár:

Leagadh amach cur chuige beartaithe an Údaráis maidir le comhroinnt feidhmeanna neamhchlár i ndrúachtdoiciméad comhairliúcháin SSC, agus an méid seo san áireamh ann:

I gcás seirbhísí raidió tráchtála, leanfaidh BAI ar aghaidh ag breithniú moltaí a bhaineann le feidhmeanna nach feidhmeanna cláir iad ar nós airgeadas, innealtóireacht agus riarachán, a chomhroinnt. D'fhéadfadh sé a bheith sásta freisin moltaí a mheas maidir le síneadh breise ar sheirbhísí comhroinnnte, a fhad is nach mbíonn tionchar aige sin ar sheachadadh na croí-seirbhíse cláir. Beidh aird faoi leith ag an BAI ar an gcineál seirbhíse atá á moladh nuair a bheidh cúrsaí den saghas sin á mbreithniú aige.

Fiafraíodh dhá cheist le linn an chomhairliúcháin:

1. Cén dearcadh atá agat ar chur chuige BAI mar a leagtar amach sa cháipéis comhairliúcháin straitéise i ndáil leis na bearta rialála seo a leanas:

Comhroinnt feidhmeanna neamhchlár

2. Ar cheart do BAI aon athrú/athruithe ar a chur chuige rialála maidir le ceann ar bith de na bearta rialála seo a chur san áireamh? Más ceart, tabhair do réasúnaíocht.

Léiríodh an dearcadh coiteann sna freagraí ag an gcomhairliúchan nár chóir do BAI a bheith páirteach sa ghné seo d'oibríochtaí stáisiún raidió.

Mhol IBI go gcaithfear comhroinnt feidhmeanna neamhchlár a cheadú. Eascraíonn coigilt costas do stáisiún raidió as, rud a cheadaíonn infheistíocht breise i réimsí eile den stáisiún raidió, a théann chun tairbhe an lucht éisteachta. Má bhíonn BAI páirteach i bhfeidhmeanna neamhchlár de chuid stáisiún raidió a rialáil tá sé ag dul ró-fhada agus níor cheart do BAI a bheith páirteach ann.

Dúirt Communicorp gurb iad na ceadúnaithe is fearr is eol dóibh conas a bhfeidhmeanna neamhchlár a sheachadadh; tá sé nádúrtha go bhféachfaidh siad a ngnó a eagrú ar an mbealach is éifeachtaí atá ann. Ní cheanglaítear leis an Acht ar BAI suíomh na bhfeidhmeanna neamhchlár a bhreithniú agus ní cóir dó an cúram seo a ghlacadh chuige féin.

Dúirt Conradh na Gaeilge gur chóir comhroinnt feidhmeanna neamhchlár a mholadh, go mór mór i gcás craoltóirí nua nó atá ag teacht chun cinn. Bhainfeadh sé ualach na hoibre den stáisiún féin agus spreagfadh sé an fhoghlaim agus an tacaíocht trí fhaisnéis a roinnt idir grúpaí mar gheall ar an teagmháil leanúnach a d'eascródh dá bharr.

Mhol Radio Nova gur chóir comhroinnt feidhmeanna neamhchlár a cheadú.

Dúirt Wireless gur chóir do BAI a acmhainní rialála a dhíriú ar an aschur craolta seachas ar fheidhmeanna cúloifige agus feidhmeanna neamhchlár mar atá an t-airgeadas, an innealtóireacht agus an riarachán. Féadfaidh seirbhísí comhroinnnte ról tábhachtach a imirt chun tacú le hinmharthanacht na

hinfheistíochta cláraithe. Dá bhrí sin, níor chóir do BAI a bheith ró-bhuartha maidir leis an struchtúr a bhíonn ag cúloifig stáisiúin ar an gcoinníoll go seasann siad lena n-oibleagáidí ó thaobh an chláráithe de.

Breithniú an Údaráis

Is léir ón aiseolas go gcreideann an hoibríteoirí raidió tráchtála gur cur chuige iomarcach gan gá é cur chuige BAI maidir leis an réimse comhroinnte feidhmeanna neamhchlár.

Cé go bhfuil na freagóirí den tuairim nach gá an rialáil seo, tá an tÚdarás freagrach as rialáil agus forbairt na hearnála raidió neamhspleáigh agus san áireamh anseo tá an chaoi ina soláthraítear seirbhísí craolta fuaimne i gceist. Dá réir sin, d'aontaigh an tÚdarás nach cuí an rialáil seo a bhaint ag an tráth seo. Mar sin féin, ag féachaint don aiseolas, d'aontaigh an tÚdarás go n-athrófaí an rialáil ó cheanglas 'ceadú a fháil' go ceanglas 'fógra a thabhairt'.

Beidh éifeacht ag an athrú seo ón 1 Samhain 2018 ar aghaidh.

5.3.6 Suíomh an Stiúideo

Leagadh amach cur chuige beartaithe an Údaráis maidir le suíomh an phríomhstiúideo ag stáisiún raidió i ndrúchtdoiciméad comhairliúcháin SSC, mar a leanas:

Éileoidh BAI go suífidh seirbhísí raidió agus teilifíse leathan-bhunaithe áitiúil agus pobail a bpríomhstiúideonna sna limistéir ábhartha saincheadúnais. I gcás seirbhísí tráchtála eile, lena n-áirítear seirbhísí nideoige agus oibríteoirí conarthaí soláthair lánais, is féidir le BAI comhshuíomh le seirbhís nó seirbhís eile nó suíomh na seirbhíse lasmuigh den limistéar saincheadúnais a cheadú, a fhad is nach gcuirfidh na socruithe atá á moladh isteach go míchuí ar lucht éisteachta nó lucht féachana mar thoradh ar an suíomh sin.

Fiafraíodh dhá cheist le linn an chomhairliúcháin:

- 1. Cén dearcadh atá agat ar chur chuige BAI mar a leagtar amach sa cháipéis comhairliúcháin straitéise i ndáil leis na bearta rialála seo a leanas:
* Suíomh Stiúideo**
- 2. Ar cheart do BAI aon athrú/athruithe ar a chur chuige rialála maidir le ceann ar bith de na bearta rialála seo a chur san áireamh? Más ceart, tabhair do réasúnaíocht.**

Tugtar tacaíocht láidir don chur chuige molt san aiseolas, agus gan ach dearcadh amháin ina choinne sna haighneachtaí.

Tacaíocht don chur chuige

Dúirt Easy Media Broadcasting go dtacaíonn sé go hiomlán le cinneadh BAI a aithint, i gcásanna na seirbhísí nideoige go háirithe, go bhféadfadh an tÚdarás comhlónaíocht le seirbhís eile, nó an tseirbhís a lonnú taobh amuigh den limistéar saincheadúnais a cheadú, ar choinníoll nach gcuirfidh na socruithe atá á moladh isteach go míchuí ar lucht éisteachta nó lucht féachana mar thoradh ar an suíomh sin.

Dar le Midlands 103 gur chóir do stáisiún raidió áitiúil a bheith lonnaithe ina cheantar. Is lárphointe iad dá gceantar, agus is cuid ríthábhachtach de charachtar an cheantair íad a bheith ann.

Mhol IBI go dtacaíonn sé leis an méid atá leagtha síos maidir le lonnaíocht stiúideo agus cuireann sé fáilte roimh an solúbthacht chun comhshuíomh dá n-éileofaí na himthoscaí é. D'aontaigh 4FM agus Radio Nova leis an gcur chuige seo freisin.

Mhol Wireless Group go dtacaíonn sé leis an mbeartas solúbtha maidir le suíomh stiúideo mar atá leagtha amach sa chomhairliúchán, rud a thagann lena mholadh gur chóir an rialáil a dhíriú ar an aschur craolta seachas ar ionchuir táirgíochta agus struchtúir oibrithe inmheánaigh na stáisiún.

Tacaíocht chun an ceanglas a scaoileadh níos mó

D'aighnigh Communicorp go ligeann an teicneolaíocht nua-aimseartha do stáisiúin raidió craoladh gan deacracht ó áit ar bith, ar an gcaoi chéanna go ligeann sé do ghnothaí eachtrannacha feidhmiú gan deacracht as Éirinn. Níor chóir an raidió a bheith éagsúil, agus níor chóir do BAI seasamh sa bhealach ar an raidió agus an lánas á sheachadadh aige ón áit is feiliúnaí in Éirinn. Tá tábhacht ag baint lena gcloiseann an lucht éisteachta agus leis an ngaol a chruthaíonn siad leis na láithreoirí agus is beag is cuma leo faoi shuíomh na stiúideonna. Cé go raibh stáisiúin raidió áitiúla suite go traidisiúnta ina gceantar, ag an tús ar chúiseanna teicniúla, is beag tábhacht a thugann an t-éisteoir leis. Sa Ríocht Aontaithe agus sna Stáit Aontaithe tá cur chuige i bhfad níos scaoilte ann maidir le suíomh an stiúideo, agus níor chuir sé seo isteach ar an lucht éisteachta.

Authority Consideration Breithniú an Údaráis

Ar an mórgóir, tacaítear san aiseolas leis an gcur chuige ar shuíomh stiúideonna mar a leagtar amach é sa doiciméad comhairliúchán, lena n-áirítear an fócas ar sheirbhísí tráchtála seachas seirbhísí áitiúla. Tá aighneacht amháin ann ina n-iarrtar an rialachán seo a bhaint go hiomlán mar gheall ar go n-éiríonn an rialachán seo seanda agus gan feidhm de bharr forbairtí sa teicneolaíocht agus athruithe i nósanna éisteacha an lucht féisteachta.

Mar gheall ar struchtúr reatha na hearnála craolta, agus suíomhanna fad-bhunaithe na stáisiún raidió áitiúla agus an leibhéal ard tacaíochta a eascraíonn as an gcomhairliúchán maidir le cur chuige an Údaráis ar lonnaíocht stiúideonna, d'aontaigh an tÚdarás gur cur chuige cuí a chur chuige reatha.

5.3.7 Aon ábhair rialála eile:

Bhi ceist sa doiciméad comhairliúcháin SSC d'fhreagróirí ionchasacha chun a dtuairimí a chur isteach faoi 'aon bheartais agus cleachtais rialála eile ba cheart don BAI a ghlacadh chun a fhís a chur i gcrích'.

Chuir deich bhfreagróirí tuairimí isteach i dtaca le beartais agus cleachtais rialála éagsúla a d'fhéadfadh an tÚdarás a ghlacadh chun a fhís a chur i gcrích, agus bhí roinnt réimsí i gceist mar atá:

- An Cód Ginearálta maidir le Cumarsáid Tráchtála a leasú: Is gá na rialacháin a bhaineann leis an raidió má tá an raidió chun dul in ionaíocht ar pháirc chothrom leis na hoibritheoirí meán eile agus go háirithe le hoibritheoirí digiteacha. Ní theastaíonn ach coincheap na trédhearcachta mar phríomhfhócas na rialachán.
- Tacaíocht réamhghníomhach don earnáil chraolta. Caithfidh BAI obair leis an tionscal chun cur leis an inbhuanaitheacht, agus díriú ar thionscadail chun an fheidhmíocht tráchtála a fheabhsú. Tagraítear don fhionnadh idtuarscáil Mhédiateque maidir leis an ngá atá ann do chomhoibriú comhaontaithe i dtionscal an raidió chun an raidió a athshuíomh mar tháirge fógraíochta den scoth.
- Cur chuige rialála níos solúbtha.

- Comhoibriú leis na páirtithe leasmhara chun plean ceadúnaithe agus múnlaí nua gnó a fhorbairt chun go mbreithneoidh an tÚdarás iad.
- Tacaíocht níos láidre don chlárú Gaeilge: Ba chóir rialacha a bhunú maidir le cén uair ba chóir clárú Gaeilge a chraoladh agus cé mhéid, agus teastaíonn feasacht níos mó i dtaca le riachtanais lucht éisteachta na Gaeilge.

Breithniú an Údaráis

Is athrá ar nithe a thóg na freagróirí in ailt eile den chomhairliúchán é cuid shuntasach den aiseolas a fuarthas faoin alt seo, agus dá réir sin, breithníodh é le linn an SSC athbhreithnithe a dhréachtadh i gcás inar bhain sé le hábhar. Bhain cuid den aiseolas le beartais eile do BAI agus cuireadh ar fáil é chun é a chur san áireamh san obair lena mbaineann sé, cur i gcás na tuairimí maidir le hathbhreithnithe ar an gCód Ginearálta maidir le Cumarsáid Tráchtála.

Aguisín 1

Straitéis um Sheirbhísí Craolacháin an BAI (Samhain 2018)

Clár Ábhar

1. Brollach
2. Réamhrá leis an Straitéis um Sheirbhísí Craolacháin
3. Comhthéacs na Straitéise um Sheirbhísí Craolacháin
4. Fís an BAI
5. An Fhís sin a Fhíorú

1. Brollach

Uaireanta, de bharr na ndúshlán atá ar fud an domhain le cúpla bliain anuas, feictear earnáil an chraolacháin in Éirinn mar bhád beag atá ar snámh ar aigéan míshocair. Áfach, tá a fhios ag an mairnéalach saoihiúil go bhfuil gá le pointe suite le seoladh i stoirm. Sin é an cuspóir atá ag an Straitéis um Sheirbhísí Craolacháin i ndeireadh na dála.

Chuir Ráiteas Straitéise BAI de cheangal ar an Údarás 'Straitéis um Sheirbhísí Craolacháin athbhreithnithe a fhorbairt agus a fhorfheidhmiú ina leantar ag éascú beartas agus pleananna ceadúnaithe dinimice agus a thacaíonn le clársceidealú de togha trí mheán na Gaeilge'. Déanann an Straitéis seo an dualgas sin a chomhlíonadh.

Bhíothas ag súil sa chéad Straitéis, a foilsíodh i Márta 2012, le hathrú agus le héabhlóid i dtírdhreach na meán. Ach, tá méid an athraithe ó shin suntasach agus, go háirithe, tá luas an athraithe méadaithe agus fós ag méadú go tréan. Tá suaitheadh agus dúshlán mhóra sa timpeallacht chraolacháin faoi láthair. Agus iad ag ullmhú na straitéise athbhreithnithe, d'áirigh an BAI an timpeallacht seo, na riachtanais reachtaíochta agus na toscaí eacnamaíochta, rialála agus teicneolaíochta.

Bhí tionchar ag comhairliúchán poiblí fairsing, lena n-áirítear imeacht le geallsealbhóirí dírithe ar an Straitéis. Táimid buíoch as gach duine a ghlac páirt nó a rinne aighneachtaí. Chuir measúnú neamhspleách ar an tírdhreach craolacháin a rinne Mediatique ar ár son agus suirbhé ar dhearcadh féachana agus éisteachta a rinne Kantar Media bonn eolais faoin Straitéis freisin. Léirigh an suirbhé go bhfuiltear sásta le raon agus cáilíocht an ábhair atá ar fáil faoi láthair ar na meáin chraolta go ginearálta. Chomh maith le sin, d'aithin sé an scóip le haghaidh ábhar níos éagsúla agus níos ábhartha go cultúrtha.

Tá sé i gceist ag BAI go mbeidh tírdhreach na meáin Ghaeilge ann a léiríonn agus a mhúnláíonn sinn féin. Creidimid gur chóir go mbeadh earnáil chraolacháin beoga agus dinimiciúil ag freastal ar mhuintir na hÉireann. Chuige sin, tá sé mar aidhm ag an Straitéis seo a chinntiú go bhfreastalaíonn raon éagsúil de sheirbhísí craolacháin atá oscailte agus iolraíoch ar lucht féachana na hÉireann.

Tá gá le meascán idéalach de sheirbhísí craolacháin náisiúnta, réigiúnacha, áitiúla, pobail agus nideoige chun an sprioc seo a bhaint amach. Tá roinnt cuspóirí níos sainiúla ag an straitéis, lena n-áirítear meascán guthanna, tuairimí agus foinsí nuachta agus cúrsaí reatha a éascú; cláir cháilíochta a chur chun cinn i nGaeilge; cruthaitheacht agus nuálaíocht a chur chun cinn ar fud earnáil closamhairc na hÉireann; agus ag obair le geallsealbhóirí chun níos mó inbhuanaitheachta a bhaint amach

Is creat leathan é sin. Tá sé bunaithe ar fhís agus spriocanna soiléire. Creidimid go n-éascóidh sé fás agus forbairt tírdhreach na meáin i rith na tréimhse atá romhainn.

Paucic Travers

2. Réamhrá leis an Straitéis um Sheirbhísí Craolacháin

Údarás Craolacháin na hÉireann

Is é Údarás Craolacháin na hÉireann (an BAI) an comhlacht atá freagrach as cúrsaí craolacháin in Éirinn a rialú. Leagtar amach a chuid feidhmeanna agus a chuid freagrachtaí san Acht Craolacháin 2009 (“Acht na bliana 2009”). Leagann Alt 26 (1) (a) den Acht 2009 ceanglas ar an BAI “*straitéis a ullmhú i dtaca le seirbhísí craolacháin a sholáthar sa Stát, de bhreis ar na seirbhísí sin a sholáthraíonn RTÉ, TG4, Títhe an Oireachtais agus Bealach Scannán na hÉireann (níl sé bunaithe go fóill)*”.

Straitéis um Sheirbhísí Craolacháin

Bhíothas ag súil sa chéad SSC, a foilsíodh i Márta 2012, le hathrú agus le héabhlóid i dtírdhreach na meán. Ach, tá méid an athraithe ó shin suntasach agus, go háirithe, tá luas an athraithe méadaithe agus fós ag méadú go tréan. Tá suaitheadh agus dúshláin mhóra sa timpeallacht chraolacháin faoi láthair.

Thuig an BAI an t-athrú leanúnach seo agus na dúshláin struchtúracha agus airgeadais leanúnacha a bhí roimh earnáil an chraolacháin agus a Ráiteas Straitéise 2017-2019 á cheapadh. Príomhrud is féidir a bhaint amach anuas ar an ráiteas seo is ea “*Straitéis um Sheirbhísí Craolacháin athbhreithnithe a fhorbairt agus a fhorfheidhmiú ina leantar ag éascú beartas agus pleananna ceadúnaithe dinimice agus a chuireann chun cinn cláir as Gaeilge*”. Léiríonn an Straitéis misean, fíis, luachanna agus spriocanna straitéiseacha an BAI mar atá leagtha amach sa Ráiteas Straitéise seo, agus tá sé i gcomhréir leo freisin.

Soláthraíonn an Straitéis an creat dos na pleananna ceadúnaithe agus gníomhaíochtaí ceadúnaithe gaolmhara a cheapfaidh an BAI. Tá sé ar cheann de na príomh-mhodhanna trína gcomhlíonann an tÚdarás go leor dá chuspóirí reachtúla agus, go háirithe, an phríomhchuspóir reachtúil atá aige chun iarracht a dhéanamh a chinntiú go bhfreastalóidh líon agus catagóirí seirbhísí craolacháin sa Stát ar riachtanais daoine ar oileán na hÉireann, ag cur san áireamh a dteangacha agus a dtraidisiúin agus a n-éagsúlacht reiligiúnach, eitice agus cultúrtha. Tacaíonn sé freisin le soláthar seirbhísí craolacháin oscailte agus ilnáisiúnta in Éirinn.

Timpeallacht Craolacháin

Le tacú le Straitéis athbhreithnithe eolach agus freagrach, choimisiúnaigh an BAI measúnú saineolach neamhspleách ar an tírdhreach craolacháin. Áiríodh anseo machnamh ar na treochoirí reatha agus ar na rudaí is dóigh a thiomáineann an t-athrú go náisiúnta agus go hidirnáisiúnta; an cumas atá ann do sheirbhísí agus múnlaí nua; inbhuanaitheacht ioncaim; riachtanais agus sainroghanna an lucht féachana/éisteachta; iompar tomhaltóirí; forbairtí léibheann agus dáilte; agus, an creat rialála. Tá an tuarascáil taighde seo, *‘Tuarascáil ar struchtúr, dinimic agus forbairtí an mhargaidh i meáin na hÉireann’* a rinne an chuideachta taighde Mediatique Limited, ar fáil go poiblí. Tacaíonn taighde lucht féachana/éisteachta a rinne Kantar Media leis an tuarascáil taighde seo chun na príomhriachtanais agus sainroghanna atá ag lucht féachana agus éisteachta in Éirinn a shainaithint. Tá treoir ag an taighde freisin ó ghairm an BAI ar aighneachtaí ó pháirtithe leasmhara ar spéis leo seirbhísí nua craolacháin fuaimne analógacha FM a sholáthar chun léargas tábhachtach a thabhairt ar an bhféidearthacht le haghaidh seirbhísí nua, a fiosraíodh a thuilleadh i rith an tionscadail taighde.

D'éascaigh na gníomhaíochtaí seo an BAI chun Straitéis athbhreithnithe a chur ar fáil a éascaíonn creat do cheadúnú agus rialáil na hearnála craolacháin neamhspleách atá feasach ar na dúshláin reatha agus amach anseo atá roimh an earnáil i dtírdhreach meán atá ag éabhlóidiú go tapa, ceann a chinnteoidh soláthar leanúnach ábhar atá ábhartha go cultúrtha agus éagsúil do lucht féachana agus éisteachta na hÉireann.

Bhí tionchar mór ag an taighde, na haighneachtaí spéise agus na haighneachtaí a fuarthas mar fhreagra ar an gcomhairliúchán poiblí, chomh maith leis an aiseolas a fuarthas ag ócáid do pháirtithe leasmhara, ar chinntí an Údaráis maidir le leagan deiridh na Straitéise, agus chuir siad bonn eolais mór faoi na cinntí seo. Tá an t-eolas seo, seachas faisnéis phearsanta agus/nó faisnéis atá íogair i dtaobh cúrsaí tráchtála, ar fáil ar www.bai.ie mar aon le foilseacháin agus eolas eile de chuid an BAI.

Sierbhísí Craolacháin

Is é an rún atá ag an BAI don Straitéis seo ná inbhuanaitheacht fhadtéarmach na hearnála craolacháin a éascú, chun iolracht agus éagsúlacht ábhair a thacú agus a chothú do lucht féachana/éisteachta na hÉireann, trí mheán na Gaeilge freisin, agus tacú le nuálaíocht agus forbairt, anois agus sa todhchaí.

Leagtar amach sa Straitéis fíis an BAI don mheascán optamach seirbhísí craolacháin, atá bainteach go lárnach leis an ábhar atá ar fáil do lucht féachana/éisteachta na hÉireann. Cuireann sé i láthair na beartais a threorídh ceadúnú agus gníomhaíochtaí rialála gaolmhara an BAI chun tacú le baint amach a chuspóirí luaite agus tiomantas an BAI a bheith freagrach don tírdhreach meán atá ag athrú de shíor. Leagtar amach sa Straitéis na prionsabail a chuirfidh an BAI i bhfeidhm chun a chuid feidhmeanna reachtúla agus a chuid cleachtais rialála a chur in éifeacht le linn thréimhse na Straitéise, ionas go n-éascófar baint amach na fíise sin.

3. Comhthéacs na Straitéise um Sheirbhísí Craolacháin

Tá roinnt tosca bunúsacha a bhfuil tionchar acu ar réiteach na Straitéise um Sheirbhísí Craolacháin. Tá an timpeallacht craolacháin reatha ann, lena n-áirítear an meascán reatha de sheirbhísí atá bunaithe cheana féin agus ar fáil don lucht féachana agus éisteachta in Éirinn, an reachtaíocht a thugann bonn taca do bhunú agus do cheadúnú seirbhísí craolacháin sa Stát, agus réimse tosca eacnamaíochta, rialála agus teicneolaíochta a mbíonn tionchar acu ar sholáthar seirbhísí. Pléitear gach ceann díobh sin ar bhealach níos mionsonraithe thíos, agus torthaí taighde an BAI mar bhonn agus taca leis.

Reachtaíocht

Tá sé beartaithe den chuid is mó ag Acht Craolacháin 2009 go dtabharfaidh trí príomhshnáithe craolacháin – poiblí, tráchtála agus pobail cruth do thimpeallacht craolacháin na hÉireann. Ó thaobh lucht féachana agus éisteachta de, d'fhéadfadh sé go bhfuil cosúlachtaí i gcuid den ábhar atá ar fáil ó na craoltóirí éagsúla laistigh de na snáitheanna sin, ach tá saintréithe nó gnéithe faoi leith a bhaineann le gach snáithe ar nós: an chaoi a ndéantar úinéireacht agus rialú orthu; na modhanna trína gcuirtear freagracht orthu agus na daoine a bhfuil siad freagrach dóibh; na meicníochtaí trína ndéantar maoiniú orthu; agus, ar ndóigh, an cineál lánais nó ábhair a sholáthraíonn siad. Leagann Acht na bliana 2009 cuspóirí sonracha síos le haghaidh gach duine de na craoltóirí¹⁰ seirbhíse poiblí agus leagann sé amach na tréithe sainiúla do chraoltóirí pobail¹¹.

Is é ról an BAI tacaíocht a thabhairt do sholáthar leanúnach réimse seirbhísí teilifíse agus raidió agus é sin a éascú laistigh de na trí príomhshnáitheanna craolacháin le fíis an reachta a bhaint amach agus le beogacht sa mheascán agus réimse seirbhísí atá ar fáil don lucht féachana agus éisteachta in Éirinn a chinntiú. Baintear é sin amach ar fud réimse iomlán feidhmeanna reachtúla an BAI ina measc, go háirithe, trí sheirbhísí teilifíse agus raidió a cheadúnú.

Tá Acht na bliana 2009 rúrach maidir leis an gceanglas atá ar an BAI plean ceadúnúcháin a fhorbairt agus a chur i bhfeidhm agus i dtaca leis na cineálacha ceadúnas craolacháin a bhfuil sé de chead ag an Údarás iad a eisiúint agus na meicníochtaí i dtaobh ceadúnais den chineál sin a dheonú. Múnlaíonn an reacht an timpeallacht craolacháin agus bíonn tionchar aige ar an timpeallacht sin trí réimse forálacha ar nós ceanglais maidir le haird na meán, an soláthar a dhéanann seirbhísí craolacháin ar chúrsaí nuachta agus cúrsaí reatha etc. Leagann forálacha eile d'Acht na bliana 2009 síos réimse rialachán maidir le fógraíocht agus cláir, i dteannta réimse coinníollacha conartha ar chraoltóirí.

An Tírdhreach Reatha

Tá margadh mheán craoltóireachta na hÉireann aibí agus iomaíoch. Is éard atá ann samhlacha éagsúla gnó agus go leor oibreoirí a chuireann raon ábhar fuaimne agus físe intíre agus idirnáisiúnta ar fáil. Léiríonn iompar tomhaltóirí atá ag athrú é timpeall ar úsáid ábhar, pé áit agus pé am ar mian leo, nascacht líne sheasta agus shoghluaisteacht níos mó, agus glacadh gaireas atá ag fás, lena n-áirítear gutháin chliste, táibléid agus teilifíseáin cheangailte.

Tá athruithe suntasacha struchtúrtha agus iompair feicthe aige le deich mbliana anuas mar aon le treochtaí idirnáisiúnta, rud a fhágann castacht agus iomaíocht níos mó do na hearnálacha raidió agus teilifíse. Is féidir tiománaithe an athraithe seo a chatagóiriú faoi cheithre cheanteideal leathana;

10 Alt 114 agus Alt 118

11 Alt 64

teicneolaíocht agus nascacht; úinéireacht ar ghairis nasctha; athruithe ar iompar tomhaltóirí; agus athruithe ar straitéis chorparáideach.

Teicneolaíocht agus Nascacht

Tá an sciar mhór den mhargadh atá clúdaithe ag leathanbhanda agus luasanna íoslódála atá ag feabhsú ó bhliain go bliain ag ceadú do dhaoine rochtain a fháil ar sheirbhísí a sheachadtar tríd an idirlíon a chuireann leis na meáin chraolta traidisiúnta nó a thagann ina n-áit.

Úinéireacht ar Ghairis Nasctha

Tá úinéireacht raidiúnna agus teilifíseáin thraidisiúnta mar aon le húinéireacht gaireas atá nasctha leis an idirlíon cosúil le gutháin chliste, táibléid agus teilifíseáin chliste, ag cur ar chumas an tomhaltóra smacht níos mó a bheith acu ar a rannpháirtíocht leis na meáin chraolta (e.g. tá taifeadán físe phearsanta i 59% de thithe na hÉireann anois, rud a cheadaíonn do dhaoine ábhar a thaifeadadh agus a stóráil, agus tá seirbhísí ar éileamh ar fáil anois do dhuine ar bith a bhfuil ceangal idirlín acu).

Athruithe ar Iompar Tomhaltóirí

Tá úsáid níos mó á baint ag tomhaltóirí as seirbhísí ar éileamh agus iad ag breathnú/éisteacht taobh amuigh den fhuinneog chraolta thraidisiúnta, ar níos mó ná gaireas amháin, sa bhaile agus taobh amuigh den bhaile.

Athruithe ar Straitéis Chorparáideach

Tá ábhar anois i roinnt pacáistí lena n-áirítear trí roinnt asraonta thar seirbhísí saor in aisce agus íoctha, suibscríbhinn agus íocaíochtaí discréideacha (e.g. cuireann seirbhísí ar éileamh Virgin Media agus RTÉ, Netflix agus Amazon anois rochtain ar éileamh iomarcach ar fáil do leabharlanna doimhne d'ábhar ardchaighdeán).

Léirítear i bhfeidhmíocht lucht éisteachta agus féachana reatha go bhfuil Éire fós an-nasctha le raidió agus teilifís chraolta: Éistean 82% de dhaoine fásta 15+ d'aois in Éirinn le stáisiúin raidió gach lá (Tuairisc JNLR, Aibreán 2017), agus féachann 67.5% de dhaoine ar chainéil bheo teilifíse gach lá (figiúirí TAM Ireland do 2016). Léiríodh i suirbhé lucht féachana/éisteachta Kantar pictiúr atá ag éirí níos casta d'úsáid lánais laistigh de thírdhreach atá treoraithe go príomha fós ag na meáin chraolta. Táthar sásta tríd is tríd le cineál agus réimse an tsoláthair lánais craolta agus le haschur agus feidhmíocht chraoltóirí na hÉireann.

Craoladh Teilifíse

Struchtúr Reatha

Áirítear le seirbhísí teilifíse in Éirinn stáisiúin seirbhíse poiblí, stáisiúin tráchtála agus stáisiúin pobail a chuirtear ar fáil go príomha ar leibhéal náisiúnta thar réimse léibheann, ina measc léibhinn trastíre, satailíte, cábla agus IPTV. Soláthraíonn RTÉ agus TG4 cainéil craolacháin teilifíse poiblí. Is iad RTÉ 1 agus RTÉ 2 na seirbhísí is mó éilimh de chuid RTÉ. Soláthraíonn TG4 seirbhís luachmhar Gaeilge d'oileán na hÉireann. Is é Virgin Media an t-aon mhalairt seirbhíse in úinéireacht phríobháideach ar na craoltóirí teilifíse seirbhíse poiblí agus oibríonn sé ceithre sheirbhís – Virgin Media One, Virgin Media One +1, Virgin Media Two agus Virgin Media Three. Aimsíonn RTÉ 1, RTÉ 2 agus Virgin Media lucht faire suntasach i measc an lucht féachana in Éirinn.

Tá teaghlaigh na hÉireann in ann Teilifís Thithe an Oireachtais a fháil chomh maith, agus meascán de chainéil RA agus idirnáisiúnta (lena n-áirítear BBC, Channel 4 agus Sky One) ag brath ar an léibheann/seirbhís teilifíse a úsáideann siad.

Ó dheireadh na nóchaidí go dtí seo, tugadh isteach líon beag cainéal breise tráchtála agus pobail ar chórais cábla agus satailíte, rud a chuireann rogha bhreise ar fáil don lucht féachana in Éirinn a bhfuil rochtain acu ar na córais sin, e.g. Eir Sport. Tá dhá sheirbhís teilifíse pobail, i mBaile Átha Cliath agus i gCorcaigh.

Dinimic Thírdhreach na Teilifíse Reatha

Tá athruithe móra tagtha ar an earnáil teilifíse le cúig bliana anuas, agus tairbhe á baint ag lucht féachana as rogha níos mó ábhair, praghsanna agus soláthróirí, mar aon le rogha níos mó maidir le cén uair agus cén áit ar féidir leo breathnú ar ábhar físe. Cuireann an meascán cainéal agus seirbhísí rogha leathan ar fáil do lucht féachana na hÉireann (craoladh, beir suas, ar éileamh) ar go leor gaireas (sa bhaile agus go soghluaiste). Dúshlán atá anseo d'inhuanaitheacht mhaoiniú lánais na hÉireann, mar gur féidir le cainéil idirnáisiúnta ioncam a ghiniúint ón margadh Éireannach ach ní infheistíonn siad ach fíorbheagán i lánas Éireannach. Cuireann an méadú rogha dúshlán chomh maith ó thaobh na leibhéil reatha lucht féachana ar chainéil na hÉireann a choimeád.

Tá na dreamanna nua i margadh teilifíse na hÉireann a bhfuil cineálacha nua dáileadh ar líne á gcur ar fáil acu ag cur iomaíocht ar fáil do sholáthróirí traidisiúnta teilifíse íoctha agus do léibhinn shaorchraolta, arb é an cineál is coitianta ná seirbhísí subscríbhinn físeán ar éileamh (SVOD). Is iad Netflix an soláthraí is mó den chineál sin agus tá sé ar fáil anois i mbeagnach aon tríú de thithe na hÉireann. Áirítear le hiontrálaithe nua sa mhargadh Amazon Instant Video agus Now TV. Tá a mbonn úsáideoirí méadaithe ag craoltóirí do sheirbhísí teilifíse ar éileamh cosúil le 3player agus RTÉ Player.

Treocht shuntasach in amharc lánais teilifíse is ea an bogadh i measc éisteoirí níos óige i dtreo gairis agus formáidí malartacha. Ach, is é an teilifís chraolta an teilifíseán is mó a mbreathnaítear air fós. Tá treocht laghdaitheach in amharc beo, agus treochtaí ag méadú in amharc ábhar taifeadta agus ar éileamh.

Dinimic Thírdhreach na Teilifíse amach anseo

Tá sé tuartha sna blianta atá ag teacht go méadóidh na leibhéil nascachta agus nasctha, agus go dtiomáinfidh sé sin a thuilleadh úsáide as ábhar físe ar bhonn neamhlíneach. Tá teilifís bheo fós ag meath ach ag ráta níos moille, mar gheall ar thithe nach bhfuil ag glacadh chomh tapa agus an tábhacht

a bhaineann le spórt, nuacht agus siamsaíocht bheo. Ach, beidh an teilifís bheo fós ina chomhpháirt mhór den amharc teilifíse in 2022. Bainfidh lucht féachana úsáid níos mó as gairis nach teilifís iad chun breathnú ar lánas teilifíse. Beidh cobhsaíocht réasúnta i margadh an léibhinn. Is é an príomhrud idir seo agus 2022 leanúint leis an athrú chuig bearta teilifís íoctha níos saoire. Méadóidh líon na dtithe nach bhfuil teilifís acu go mall agus beidh suibscríbhinn físeán ar éileamh ar 41% de thithe.

Beidh inbhuanaitheacht earnáil teilifíse na hÉireann agus cothú lucht féachana, ag cothromú riachtanais an lucht féachana agus ag cinntiú go bhfuil an t-ábhar ábhartha go cultúrtha, ina bpríomhthosaíochtaí.

Craoladh Raidió

Struchtúr Reatha

Ar leibhéal náisiúnta is é atá i gceist go príomha leis an earnáil raidió in Éirinn ná seacht seirbhís raidió trastíre, ceithre cinn acu á soláthar ag RTÉ, agus trí cinn ceadúnaithe ag an BAI. Soláthraíonn siad sin meascán de sheirbhísí cainte agus ceoil, chomh maith le seirbhísí Gaeilge agus seirbhísí ceoil chlasaiceach. Ina theannta sin, soláthraíonn RTÉ réimse sainseirbhísí ar léibhinn dhigiteacha.

Tá seirbhísí réigiúnacha raidió dírithe, den chuid is mó, ar lucht éisteachta de dhaoine óga agus ar leibhéal áitiúil is é atá i gceist ná meascán leathan de sheirbhísí ceoil agus cainte. Tá seirbhísí raidió pobail ar fud na tíre i gceist freisin atá dírithe den chuid is mó ar phobail bheaga geografacha agus ar phobail sainspéise.

Tá seirbhísí raidió RTÉ bunaithe le fada agus freastalaíonn siad ar lucht éisteachta ar leibhéal náisiúnta le réimse nuachta agus cúrsaí reatha, ceol, agus seirbhísí Gaeilge, go príomha ar lucht éisteachta atá 25 bliain d'aois agus níos sine.

Forbraíodh stáisiúin réigiúnacha san Oirdheisceart, san Iarthuaisceart agus i Lár Tíre/san Oirthuaisceart agus soláthraíonn siad sin seirbhísí do lucht féachana óg a fhaigheann freastal freisin ó sheirbhísí áitiúla i gceantair uirbeacha i mBaile Átha Cliath agus i gCorcaigh. Ó lár go deireadh na 2000idí, tá líon áirithe seirbhísí ceoil nideoige tosaithe ag craoladh, bunaithe den chuid is mó i mBaile Átha Cliath ach go bhfuil ceann amháin acu ag craoladh ar bhonn ilchathrach. Tá seirbhís raidió a soláthraítear ar bhonn garnáisiúnta a fhreastalaíonn ar leasanna Críostaithe.

Tá seasamh tábhachtach ag raidió pobail in Éirinn agus forbraíodh líonra láidir stáisiún ón uair a ceadúnaíodh na chéad seirbhísí ar bhonn phíolóta sa bhliain 1995. Meastar go dtugann beartas rialála agus forbairtí reachtúla eile le déanaí anuas sa réimse sin bonn taca láidir do raidió pobail i gcomparáid le dlínsí Eorpacha eile. Is é rannpháirtíocht na bpobal áitiúil i ngach gné den tseirbhís an ghné is tábhachtaí de sheirbhísí raidió pobail.

Deonaíonn an BAI suas le tríocha conradh sealadach nó conarthaí craolacháin fuaime do mhórocáidí gach bliain a fhreastalaíonn, mar shampla, ar fhéilte coláiste, oiliúint do mhic léinn, ócáidí bliantúla agus ar sheirbhísí píolóta pobail.

Mar chríoch, tá seirbhísí craolacháin fuaime institiúideacha i gcónaí ina gcuid den mheascán seirbhísí a thugann seirbhís luachmhar do lucht éisteachta, go háirithe iad sin atá san ospidéal.

Dinimic Thírdhreach an Raidió Reatha

Tá an margadh raidió aibí, agus seirbhísí raidió analógach FM chun cinn. Tá dúshlán roimhe anois atá cosúil leo siúd atá roimh earnáil na teilifíse; meath ar an lucht éisteachta níos óige agus nascacht – sruthú, ar éileamh agus íoslódálacha. Feidhmíonn sé anois mar chuid de mhargadh fuaimne níos leithne. Tá laige chomh maith sa luach a chuireann fógróirí ar bhranda an raidió.

Tá éisteacht raidió in Éirinn fós an-láidir (clúdach 83% do Dhaoine Fásta 15+ in 2017, JNLR) agus tá sé réasúnta láidir i gcomhthéacs na hEorpa. Anuas ar an bpunann stáisiún seirbhíse poiblí atá ag feidhmiú go maith, tá oibreoirí tráchtála neamhspleách ag déanamh go maith ar leibhéal náisiúnta, réigiúnach agus áitiúil. Cé go bhfuil éisteacht agus clúdach foriomlán réasúnta cobhsaí ó 2010, ceileann staitisticí don daonra ar fad titim shuntasach san úsáid a bhaineann daoine óga as raidió. Is iad gairis raidió thraidisiúnta (astu féin nó sa charr) na gairis is coitianta go fóill trína n-éistear leis an raidió i measc lucht éisteachta na hÉireann lena n-áirítear an lucht éisteachta níos óige agus léiríonn sé seo ardleibhéal úinéireachta ar na gairis seo, na hamanna den lá ina mbíonn an éisteacht is mó agus gnásanna éisteachta.

Dinimic Thírdhreach an Raidió Amach Anseo

Sna cúig bliana amach romhainn, treoróidh nascacht mhéadaithe margadh an raidió le bheith níos comhtháite agus níos plódaithe de réir mar a fhaigheann níos mó lucht éisteachta rochtain ar chineálacha nua siamsaíochta fuaimne. D’ainneoin sin, tá sé tuartha go mbeidh raidió beo fós i lár an aonaigh, go dtiocfaidh laghdú beag ar éisteacht raidió ach go mbeidh sé cobhsaí faoi 2022. Tiomáinfeadh nascacht agus úsáid gaireas níos mó fás sna formáidí fuaimne malartacha cosúil le ceol faoi úinéireacht, podchraoltaí/breith suas ar raidió agus sruthú, agus an ceann deiridh ar an bhfoinse is mó fáis tuartha. Ba cheart go mbeadh fás podchraoltaí láidir in Éirinn, go háirithe mar gheall ar an tóir atá ar raidió cainte. Tá ardmheas ag lucht éisteachta na hÉireann ar raidió, mar a chonacthas i suirbhé lucht éisteachta Kantar. Braithfeadh an fhorbairt i bpodchraoltaí ar na craoltóirí móra a bhfuil sé de chumas acu ábhar podchraolta a léiriú agus a mhargú ag tógáil brandaí tras-formáide.

Beartas agus Cleachtas Rialála

Folaítear in Acht 2009 go mór ról rialála an BAI, lena n-áirítear roinnt beart rialála ábhartha leis an SSC. I measc na mbeartas agus na gcleachtas sin tá, mar shampla: teorainneacha a cuireadh ar úinéireacht agus rialú seirbhísí craolacháin; feidhmiú an mhaolaithe maidir leis an gceanglas reachtúil i dtaobh 20% d’ábhar nuachta agus cúrsaí reatha ar sheirbhísí pobail agus tráchtála; an méid ama fógraíochta atá ar fáil do chraoltóirí áirithe; na srianta atá i bhfeidhm de réir na gcód i dtaca le cláir agus fógraíocht; na ceanglais a chuirtear i bhfeidhm ar iarratasóirí ar cheadúnais, sa phróiseas iarratais agus le linn idirbheartaíochtaí conartha agus an chaoi ina ndéantar rialáil ar sheirbhísí ina dhiaidh sin ó thaobh na comhlíontachta de.

Tá an BAI tiomanta do bheartais agus do chleachtas rialála atá cothrom agus comhréireach a chothromaíonn riachtanais na hearnála le riachtanais lucht féachana/éisteachta na hÉireann. Fiosróidh agus tacóidh an BAI le forbairtí rialála a d’fhéadfadh inbhuanaitheacht, forbairt agus cruthaitheacht na hearnála a bhreisiú. Tá an BAI tiomanta d’athbhreithniú agus feabhas leanúnach ar a chumais riaracháin agus chun éifeachtúlacht agus éifeachtaí níos fearr a lorg ina chleachtas rialála. Áireofar anseo amanna freagartha níos tapúla maidir le rannpháirtíocht rialála agus cumarsáidí níos rialta le geallsealbhóirí.

Tá an BAI tiomanta d’athbhreithniú a dhéanamh ar an timpeallacht rialála a rialaíonn raidió tráchtála agus pobail nuair a fhoilsítear an Straitéis seo.

An Timpeallacht Airgeadais

Foinsí Maoinithe

Faigheann craoltóirí in Éirinn maoiniú ar bhealaí éagsúla. Faigheann craoltóirí seirbhíse poiblí méid áirithe maoiniúcháin phoiblí agus bíonn siad gníomhach freisin ó thaobh na tráchtála de, go príomha trí ghníomhaíochtaí fógraíochta ar an aer. Tá ceanglas ar RTÉ de réir Acht na bliana 2009 feidhm a bhaint as deiseanna tráchtála agus é ag saothrú a chuid spriocanna reachtúla, cé go gcuimsíonn maoiniú poiblí idir 45% agus 55% dá mhaoiniú iomlán.

Is meascán de mhaoiniú poiblí (lena n-áirítear sciar de tháille an cheadúnais teilifíse) an príomhbhealach maoinithe ag an gcráoltóir teilifíse Gaeilge, TG4.

Is é an príomhfhoinsé maoinithe do chraoltóirí teilifíse agus raidió ioncam ó fhógraíocht, agus braitheann an earnáil chraolacháin pobail go príomha ar dheontais rialtais agus ar rannpháirtíocht oibrithe deonacha.

Cuirtear sciar de tháille an cheadúnais teilifíse (7% faoi láthair) ar fáil do chiste craolacháin, a fheidhmíonn an BAI agus a bhfuil teacht air ag gach craoltóir atá dírithe ar lucht féachana in Éirinn. Íoctar amach an ciste trí scéim nó scéimeanna, scéim do chlár do thionscnaimh chlár teilifíse agus raidió san áireamh agus scéim cartlainne chun ábhar clár a léiríodh le craoladh ar an teilifís agus an raidió a chartlannú.

Dinimic Eacnamaíoch Reatha agus Tuartha

Amhail is atá i bhformhór margadh meán, tá ioncam fógraíochta do chraolachán faoi bhrú in Éirinn mar thoradh ar dhúshlán struchtúracha agus timthriallacha. Ach, mar gheall ar an tionchar a bhí ag an titim shuntasach in ioncam mar gheall ar an gcúlú eacnamaíochta a thosaigh in 2008, mar aon leis na saintréithe Éireannacha (náisiún beag ag roinnt teorainn teanga phóiriúil le margáí i bhfad níos mó), tá na dúshlán san earnáil fógraíochta go háirithe, fiú cé gur fheabhsaigh an geilleagar bunúsach ó 2014, an-ghéar. Ó 2007 i leith, nuair a chuaigh fógraíocht teilifíse chomh hard le €311m agus bhuaill fógraíocht raidió €140m, tá an treocht ag teacht anuas don fhógraíocht teilifíse agus raidió le deich mbliana anuas. B'ionann an t-ioncam a fuarthas in 2016 agus €240m agus €127m don teilifís agus raidió, faoi seach. Bhí tionchar breise ag an mBreatimeacht agus ar neamhchinnteacht pholaitiúil ar an margadh agus chuir sé seo tuilleadh brú ar ioncaim fógraíochta don earnáil chraolacháin. Tuartar i dtaighde go mbeidh ioncaim ó fhógraíocht don raidió agus don teilifís cothrom ar a mhéad sna cúig bliana amach romhainn, tar éis titim in 2017 ag leanúint ar aghaidh chuig 2018.

D'ainneoin na n-athruithe struchtúracha lena n-áirítear an t-athrú chuig léibhinn agus lánas digiteach, tá na hearnálacha raidió agus teilifíse fós láidir i dtéarmaí lucht éisteacha agus lucht féachana. Ach, níor éirigh leis an earnáil raidió an ráta fógraíochta príomhbhranda a bhaint amach in ainneoin an lucht éisteachta suntasach. Chomh maith céanna, tá na hioncaim fógraíochta don raidió agus don teilifís faoi na figiúirí roimh an gcúlú eacnamaíochta. Tá an fás i sainrogha fógróirí chun na meáin dhigiteacha a úsáid ag méadú agus cuirfidh sé brú breise ar ioncaim thraidisiúnta na meán. Beidh ar an earnáil glacadh le múnlaí nua gnó má tá sé seo le leanúint chun breathnóirí agus éisteoirí a fhorbairt agus a mhealladh, go háirithe lucht éisteachta/féachana níos óige.

Ach an oiread le craoltóirí eile san earnáil raidió in Éirinn, tá dúshlán roimh craoltóirí raidió pobail ó thaobh na heacnamaíochta de, go háirithe i bhfianaise na laghduithe suntasacha ar leibhéal an

mhaoinithe poiblí atá ar fáil le tacaíocht a thabhairt do na seirbhísí sin. Tá comhlacht ionadaíochta an raidió pobail, CRAOL, ag léiriú na ndúshlán airgeadais suntasacha atá roimh stáisiúin phobail. Tá tionchar ag an dúshlán ní hamháin ar na gnéithe oibríochtúla de na seirbhísí, ach ar inbhuanaitheacht agus beogacht chomh maith. Dá réir sin, tá na dúshlán oibríochtúil agus straitéiseach, araon. Tá tionchar, dá bhrí sin, ag infhaighteacht deontas agus maoiníocháin phoiblí eile ar fhorbairt na seirbhísí atá ann faoi láthair agus ar sheirbhísí breise craolacháin pobail féideartha sna blianta atá amach romhainn.

Tosca Teicneolaíochta

Áirítear le ról an BAI bainistiú agus pleanáil ar an speictream do bhandaí minicíochta oiriúnacha don raidió analógach agus chun pleanáil a dhéanamh d'fhorbairt Teilifís Dhigiteach Trastíre (DTT) agus léibhinn raidió dhigiteacha. Maidir leis an raidió, tá teacht ar speictream i bhformhór na tíre i gcónaí le tacaíocht a thabhairt do sheirbhísí breise analógacha FM. Ach, tá an speictream teoranta faoi láthair maidir le seirbhísí raidió den chineál sin ag craoladh chuig lucht éisteachta le scaipeadh mó tíreolaíoch.

Go dáta, coisceadh forbairt DTT in Éirinn mar gheall ar an leibhéal costais a bhaineann lena mbunú, agus na costais a bhaineann le rochtain, cosúil le léibhinn. Déanann an BAI monatóireacht leanúnach ar na bacainní costais ar iontráil lena chinntiú go sainaithnítear aon deis chun DTT a chur ar aghaidh.

Fiosróidh an BAI an cumas do raidió digiteach leis an earnáil chraolacháin sna blianta amach romhainn, agus iad ar an eolas faoi thionchar éabhlóid teicneolaíochtaí, agus an méadú lena mbaineann i ngairis, ar iompar lucht éisteachta.

Forbairtí Teicneolaíochta

Mar aon le críocha eile, tá an tírdhreach craolacháin in Éirinn faoi réir sraith dúshlán struchtúrach agus tá soláthar seirbhísí físeáin agus fuaimne anois níos casta agus níos iomaíche. Mar a luadh roimhe seo, baineann siad seo le hiompar tomhaltóirí, teicneolaíocht agus múnlaí gnó. Tá lucht féachana craolacháin in ann níos mó rochtain a fháil ar ábhar ó sholáthróirí thar réimse líonra agus gaireas ceangailte. Fairsingíonn sé seo an rogha i dtithe na hÉireann agus cuireann sé gné castachta leis an tírdhreach, go háirithe trí iontráil cuideachtaí idirnáisiúnta sa mhargadh.

Ní mór do sholáthróirí traidisiúnta meán leanúint ag éabhlóidiú a múnlaí gnó. Tá seirbhísí HD agus Físeán ar Éileamh seolta ag craoltóirí teilifíse (e.g. Seinnteoir Virgin Media, seinnteoir RTÉ) agus tá siad ag baint triail as cineálacha nua fógraíochta dinimiciúla, ach beidh níos mó brú ag teacht.

Margadh an Léibhinn

Tá margadh an léibhinn Teilifíse iomaíoch in Éirinn. Léibhinn teilifís íochta is mó atá ann (65% in 2017) agus Sky agus Virgin ar an dá léibheann is mó, agus ansin satailít shaorchraolta agus DTT (trí Saorview agus Freeview) a chuireann roghanna malartacha eile le níos lú cainéal agus níos lú feidhmiúlachta. Tá teilifís Prótacail Idirlín (IPTV) ag teacht chun cinn chomh maith mar mhodh malartach iomaíoch de tharchur teilifíse trí eir TV agus Vodafone. Treochtaí a tugadh faoi deara le déanaí is ea an méadú ar an tóir atá ar roghanna teilifíse in aisce agus is iad an teilifís íochta atá thíos leis agus tóir ar na roghanna 'beart tanaí' ó sholáthróirí IPTV agus na suibscríbhinní 'beart mór' teilifís íochta atá thíos leis.

Dinimic na Teilifíse Íoctha

Cé go bhfuil fás suntasach le déanaí ar an nglacadh atá ag teaghlaigh ar theilifís in aisce, tá an margadh teilifís íoctha cosanta faoi láthair ó athrú suntasach chuig roghanna saorchraolta ag roinnt tosca lena n-áirítear an t-éileamh ar ábhar spóirt, scannáin agus siamsaíochta den scoth nach bhfuil ar fáil ach má íoctar air agus tá an áisiúlacht agus chomh héasca is atá sé le húsáid, mar aon le chomh fada chun cinn is atá an teicneolaíocht i bhfoirm taifeadáin físe phearsanta agus rochtain físeán ar éileamh go caighdeánach.

Seirbhísí Cumarsáide a Dhíol i mBeart

Tá coinbhéirseacht na meán follasach i mbeartú ábhar teilifíse le leathanbhanda, tabhartais seasta agus soghluaiste teileafónaíochta ó na príomhsholáthraithe Virgin Media, Sky, eir agus Vodafone. Is é an treocht atá ann athrú sa díriú ón teilifís go nascacht (leathanbhanda seasta agus soghluaiste).

Úsáid raidió – gairis agus gréasáin

Tarlaíonn formhór den éisteacht raidió in Éirinn go fóill ar ghairis thraidisiúnta, astu féin agus sa charr. In 2016, bhí raidió FM/AM ag 92% de theaghlaigh agus bhí raidió sa charr ag 90% díobh, i gcomparáid le 20% i dtaobh raidió DAB (Tuarascáil Meán agus léibheann JNLR 2016, Feabhra 2017). In ainneoin an fháis le déanaí i nglacadh DAB i measc an daonra ó 10% in 2012 (Tuarascáil Meán agus léibheann JNLR 2016, Feabhra 2017), níl ann go fóill ach céatadán beag den lucht éisteachta foriomlán, mar gheall i bpáirt nach bhfuil seans chomh mór go mbeidh raidió DAB ag éisteoirí 55+, ar éisteoirí níos troime raidió iad go comhréireach. Tá an-tóir ar ghairis shoghluaiste (e.g. gutháin chliste, seinnteoirí MP3) agus ríomhairí i measc lucht éisteachta níos óige, rud a léiríonn an sainrogha atá ag fás chun éisteacht le fuaim ar ghairis shoghluaiste. Ach, d'ainneoin an úinéireacht réasúnta forleathan de ghutháin chliste, tá éisteacht raidió foriomlán ar na gairis seo srianta ag liúntais sonraí soghluaiste agus costas, úsáid íseal ar raidió na hÉireann ar líne/feidhmchláir, agus gnásanna úsáide atá ann cheana. Is é sin, tá taithí ag formhór lucht éisteachta ag éisteacht trí raidió traidisiúnta, agus is mó seans go n-éistfidh siad le raidió ag amanna den lá nuair a bhíonn rochtain acu ar raidió traidisiúnta/sa charr.

D'ainneoin suaitheadh digiteach agus athruithe suntasacha in iompar tomhaltóirí, go háirithe sna déimeagrafacha níos óige, beidh na seirbhísí craolacháin raidió agus teilifíse traidisiúnta fós chun tosaigh i margadh na hÉireann sna blianta atá romhainn. Tá an earnáil seo an-athléimneach in Éirinn ach anois is gá di éabhlóidiú chun bealaí nua a fháil le bheith flúirseach i dtírdhreach meán atá ag athrú.

4. Fís an BAI

Is í sprioc bhunaidh na Straitéise um Sheirbhísí Craolacháin a chinntiú go bhfuil réimse éagsúil seirbhísí craolacháin ann atá oscailte agus iolraíoch le freastal ar an lucht féachana agus éisteachta in Éirinn. Lárnach d'fhís an BAI tá rogha agus éagsúlacht don lucht féachana agus éisteachta agus an t-ionchas go ndéanfar freastal ar gach lucht féachana/éisteachta. Cuirfidh sé creat ar fáil do thírdhreach na meán in Éirinn a léiríonn agus a chruthaíonn cé muid féin.

Cuimsítear an fhís sin mar seo a leanas:

Déanfaidh earnáil bheoga agus dhinimiciúil chraolacháin ina mbeidh meascán de chraoltóirí seirbhíse poiblí, tráchtála, pobail agus institiúideacha, a sholáthraíonn ábhar agus cláir a fhreastalaíonn ar an bpobal agus a thugann léargas ar an éagsúlacht laistigh de shochoaí na hÉireann, freastal ar mhuintir na hÉireann.

I gcroílár an mheascáin bharrmhaitheasa sin tá réimse seirbhísí náisiúnta, réigiúnacha, áitiúla agus pobail, a mbíonn curtha leo ag meascán breise de sheirbhísí nideoige. Is féidir le samhlacha gnó tráchtála nó neamhbhrabúis na seirbhísí sin a sholáthar le réimse ilchineálach roghanna, trí mheán na Gaeilge freisin, maidir le hábhar agus cláir do lucht éisteachta agus lucht féachana na hÉireann.

Tá líon spriocanna sonracha ag an Straitéis um Sheirbhísí Craolacháin mar seo a leanas:

- Chun meascán guthanna, tuairimí agus foinsí nuachta agus cúrsaí reatha a éascú sna meáin chlosamhairc a bhreisíonn díospóireacht dhaonlathach agus saoránacht ghníomhach in Éirinn;
- Chun tírdhreach a chothú sna meáin arb ionadaíoch agus inrochtana d'éagsúlacht sochaí na hÉireann é;
- *Cláir Ghaeilge d'ardchaighdeáin a chothú agus a chur chun cinn agus forbairt tionscnaimh Ghaeilge a spreagadh ar fud na hearnála craolacháin;*
- Cruthaitheacht agus nuálaíocht a spreagadh mar ghnéithe sainiúla d'earnáil chlosamhairc na hÉireann;
- Oibriú le geallsealbhóirí le tacú le hinbhuanaitheacht níos mó a bhaint amach d'earnáil closamhairc na hÉireann; agus,
- Cinntiú go mbeidh díriú méadaithe ar chruthaitheacht agus nuálaíocht ar fud gníomhaíochtaí ar fad an BAI.

Aithníonn an BAI an tábhacht a bhaineann leis an meascán reatha seirbhísí teilifíse agus raidió atá i dtírdhreach craolacháin na hÉireann; an tsraith craoltóirí tráchtála, pobail agus institiúideacha mar aon leis na craoltóirí seirbhíse poiblí ar fud na n-earnálacha craolacháin teilifíse agus raidió.

Teilifís

Tá an BAI den tuairim go bhfuil seirbhís náisiúnta, tráchtála teilifíse ríthábhachtach chun éagsúlacht agus iolrachas a bhaint amach maidir le foinsí agus ábhar nuachta agus maidir le hábhar cláir eile atá ar fáil le freastal ar lucht féachana. I dtaca leis an méid sin, aithníonn an BAI an ról tábhachtach atá ag cainéil teilifíse seirbhíse poiblí sa mheascán foriomlán.

Cuireann na seirbhísí speisialta teilifíse digiteacha arna gceadúnú faoi chonarthaí soláthair lánais éagsúlacht chomh maith leis an rogha do lucht féachana na hÉireann.

Éascóidh agus spreagfaidh an BAI iarratais ó pháirtithe eile gur mian leo seirbhísí teilifíse a bhunú ar léibhinn chábla, satailíte agus léibhinn dhigiteacha trastíre, go háirithe ó ghrúpaí teilifíse pobail agus grúpaí Gaeilge.

Raidió

Tá an BAI den tuairim maidir le seirbhísí raidió náisiúnta, áitiúla agus pobail gur codanna riachtanacha iad de thírdhreach na craoltóireachta in Éirinn, agus go gcomhlíonann raidió réigiúnach soláthar seirbhísí dírithe ar an óige faoi láthair. Tá an BAI sásta cineálacha eile seirbhísí, seirbhísí nideoige raidió agus seirbhísí raidió trí mheán na Gaeilge ina measc, agus an bonn reachtúil faoina bhféadfaí ceadúnú, forbairt agus cothabháil a dhéanamh ar sheirbhísí den chineál sin, a iniúchadh.

Tá an réimse leathan seirbhísí teilifíse agus raidió neamhspleácha ríthábhachtach chun misean an BAI a bhaint amach chun iolracht guthanna, tuairimí, asraonta agus foinsí i meáin na hÉireann a chur chun cinn agus níos mó ná sin, ábhar cáilíochta éagsúil agus ábhartha go cultúrtha do lucht féachana na hÉireann a chothú. Tá luach ag an BAI ar an ngné seo agus leanfaidh sé ag obair i gcomhar leis an earnáil chun a chion a dhéanamh le lucht féachana na hÉireann a chothú agus a chur chun cinn.

Léibhinn Chraolta

Teilifís Dhigiteach Trastíre

Tá oibleagáid reachtúil ar an BAI iarracht a dhéanamh trí ilphléacs náisiúnta a bhunú, a chothabháil agus a oibriú. Tá na dualgais reachtúla seo curtha i gcrích ag an BAI trí fheidhmiú próiseas ceadúnaithe ilphléacs in 2008, nár éirigh leis mar gheall gur tharraing na hiarrthóirí siar ón bplé tráchtála. Bhí na bacainní le hiontráil suntasach agus tá siad fós ar an gcaoi sin, mar a fheictear sna tuairiscí athbhreithnithe neamhspleách ar an margadh a choimisiúnaigh an BAI (2013 agus 2017). Leanfaidh an BAI ag déanamh anailíse ar an margadh agus ag déanamh measúnú ar an gcumas go mbunófaí ilphléacsanna den chineál sin.

Craoladh Raidió Digiteach

Tá cumhachtú reachtúil ag an BAI chun socrú a dhéanamh le hilphléacs um chraolachán fuaime a bhunú, a chothabháil agus a oibriú. Fiosróidh an BAI na deiseanna chun craoladh fuaime digiteach a bhunú trí chomhairliúchán agus oibriú leis an tionscal, agus anailís a dhéanamh ar mhargadh na hÉireann agus forbairtí idirnáisiúnta.

5. An Fhís sin a Fhíorú

Tá Cuid 6 d'Acht 2009 mar bhunús leis na seirbhísí, lánas agus léibhinn is féidir leis an BAI a cheadúnú. Leagtar amach ann an réimse conarthaí seirbhíse craolacháin, conarthaí soláthair lánais agus conarthaí ilphléacs is féidir leis an Údarás a dhéanamh, mar seo a leanas:

- a) Conarthaí Craolacháin Fuaime Tráchtála (alt 63)
- b) Conarthaí Craolacháin Fuaime Raidió Pobail (alt 64)
- c) Conarthaí Craolacháin Fuaime Sealadacha nó Institiúideacha (alt 68)
- d) Conradh Seirbhíse Clár Teilifíse (alt 70)
- e) Conarthaí Soláthair Lánais (Craolachán Teilifíse agus Fuaime) (alt 71)
- f) Conarthaí Soláthair Lánais Pobail (Craolachán Teilifíse agus Fuaime) (alt 72)
- g) Conarthaí d'Eolaí Clár Leictreonach (EPG) (alt 74)
- h) Conarthaí Ilphléacs – Teilifís Dhigiteach Trastíre (DTT) (alt 131)
- i) Conarthaí Ilphléacs – Craoladh Raidió Digiteach (alt 136)

Thar thréimhse na SSC, forbrófar pleananna ceadúnaithe bunaithe ar fhaisnéis mhargaidh suas chun dáta, sonraí eacnamaíoch agus comhshaoil, araon, lena n-áirítear riachtanais agus sainroghanna lucht éisteachta. Beidh sé mar aidhm ag gníomhaíochtaí ceadúnúcháin an BAI na spriocanna atá aige a bhaint amach maidir le tírdhreach a chothú sna meáin arb ionadaíoch agus inrochtana d'éagsúlacht sochaí na hÉireann é, ina n-éascaítear iolracht, agus ina gcuirtear éagsúlacht ábhair ar fáil do lucht féachana agus lucht éisteachta, lena n-áirítear trí Ghaeilge. Deonófar conarthaí do na seirbhísí craolacháin ábhartha agus na conarthaí soláthair lánais ábhartha trí theaghlaim de phróisis cheadúnaithe atá idir iomaíoch agus oscailte a úsáid. Fiosrófar an cumas do chraoladh DTT agus raidió digiteach trí ghníomhaíochtaí taighde agus i gcomhoibriú leis an earnáil.

Is mar seo a leanas atá na meicníochtaí trína ndéanfar é sin a bhaint amach:

a) Conarthaí Craolacháin Fuaime Tráchtála – Alt 63

Forbróidh an BAI pleananna ceadúnúcháin le seirbhísí craolacháin fuaime tráchtála a sholáthar, de réir mar is gá. Feidhmeofar próisis iomaíocha ceadúnúcháin i dtaca le gach conradh den saghas sin, ina n-áirítear an cumas do nós imeachta ceadúnaithe tapa. Rachaidh an BAI i mbun comhairliúcháin leis an earnáil maidir le pleananna ceadúnúcháin a cheapadh ag féachaint, go háirithe, ar chomhdhéanamh na limistéar saincheadúnais, agus aird aige i gcónaí ar thosca cosúil le héagsúlacht, iolracht, inmharthanacht airgeadais agus infhaighteacht speictirim.

Nuair a bhíonn comharthaí go bhfuil ioncam agus brabúsacht ag feabhsú ann, tá an BAI tiomanta do cheadúnú a dhéanamh ar sheirbhís chraolacháin fuaime nua amháin ar a laghad, ar an mbanda FM. Déanfaidh an tÚdarás monatóireacht réamhghníomhach ar threochtaí tionscail agus ar an tionchar a bhíonn ag tionscnaimh éagsúla chun tacú leis an earnáil chraolacháin (lena n-áirítear Grúpa Oibre Inbhuanaitheachta an Údaráis) i rith 2019. Tá an BAI tiomanta don fhorbairt leanúnach den earnáil raidió tráchtála.

b) Conarthaí Craolacháin Fuaime Pobail – Alt 64

Tá treoir ag cur chuige an BAI maidir le seirbhísí craolacháin fuaime pobail a cheadúnú ó thaithí na heagraíochta maidir le seirbhísí den chineál sin a cheadúnú ó 1995 i leith. Aithníonn sé, go háirithe,

an bealach orgánach ina dtarlaíonn bunú agus forbairt seirbhísí den saghas sin. Éascaíonn an cur chuige atá ag an BAI agus é i mbun freagairt a dhéanamh d'fhorbairtí sa chraoltóireacht phobail atá níos solúbtha agus ar bhealach a luíonn leis na hacmhainní atá ar fáil don BAI chun tacaíocht a thabhairt do ghníomhaíochtaí den saghas sin agus/nó, go deimhin, na hacmhainní atá ar fáil do sheirbhís craolacháin ionchasach pobail. Dá bhrí sin, feidhmeoidh an tÚdarás cur chuige oscailte maidir le cúrsaí ceadúnúcháin i gcoitinne do sheirbhísí craolacháin pobail. Is féidir conradh craolacháin fuaimne pobail a dhámhachtain ar feadh tréimhse suas le deich mbliana i gcoitinne.

Ceadaítear do ghrúpaí raidió pobail iarratas a dhéanamh ar chonarthaí craolacháin fuaimne pobail sealadacha 30 lá agus píolótacha 100 lá, araon. Agus iarratas á dhéanamh ar cheann ar bith de na conarthaí craolacháin fuaimne seo, molann an BAI gur cheart go mbeadh éiteas an phobail i gcoílár na seirbhíse ón tús ar fad. Molann an BAI do sheirbhísí ionchasacha modhanna cuí a mheas chun dul i ngleic le baill an phobail agus lena chur ar a gcumas rannpháirtíocht iomlán a bheith acu ina seirbhís. Mar a leagtar amach in alt 64 d'Acht 2009, tá an BAI ag súil leis na trí bhunphrionsabal seo a leanas a bheith mar ghné bhunúsach le go gcáileodh iarrthóir ar raidió pobail do chonradh craolacháin fuaimne pobail:

1. tá baill de na struchtúr bhainistíochta agus foirne ionadaíoch ar an bpobal lena mbaineann agus cuntasach dóibh;
2. rachaidh ábhar an chláir craolta i ngleic go sonrach le leasanna an phobail lena mbaineann, agus déanfaidh sé iarracht tairbhe sóisialta a chur ar fáil dóibh; agus
3. beidh struchtúr neamhbhrabúsach ag an tseirbhís.

Tá an BAI tiomanta do thacú le forbairt leanúnach eanáil an raidió pobail agus oibreoidh sé leis an eanáil chun múnlaí maoinithe inbhuanaithe a fhorbairt agus ceadúnú seirbhísí den chineál sin sa todhchaí.

c) Conarthaí Craolacháin Fuaimne Sealadacha nó Institiúideacha – Alt 68

Oibrítear an chatagóir cheadúnaithe seo trí phróiseas oscailte agus féadfaidh iarrthóirí féideartha aighneachtaí a dhéanamh ar sheirbhís raidió shealadach ar feadh tréimhse cheadúnaithe 30 lá nó níos lú, nó ar sheirbhís raidió píolótach ar feadh tréimhse 100 lá. Is féidir conradh craolacháin fuaimne institiúideach a dhámhachtain ar feadh tréimhse suas le cúig bliana i gcoitinne.

Níl an BAI den tuairim go bhfuil sé oiriúnach do sheirbhísí a soláthraítear de réir na gconarthaí gearrthearma sin fógraíocht thráchtála a chraoladh agus gur cheart iad a mhaoiniú trí urraíocht agus foinsí eile.

d) Conradh Seirbhíse Clár Teilifíse – alt 70

Tá a dhualgas comhlíonta ag an BAI faoi alt 70 chun seirbhís clár teilifíse a cheadúnú ar bhonn náisiúnta (Virgin Media One). Níl aon dualgais bhreise ar an BAI faoin gcatagóir cheadúnaithe seo.

e) Conarthaí Soláthair Lánais (Craolachán Teilifíse agus Fuaimne) – Alt 71

Beidh próiseas oscailte ceadúnúcháin i bhfeidhm i dtaca le conarthaí soláthair lánais ar teilifís dhigiteach agus/nó raidió.

f) Conarthaí Soláthair Lánais Pobail (Craolachán Teilifíse agus Fuaim) – Alt 72

Beidh próiseas oscailte ceadúnúcháin i bhfeidhm i dtaca le conarthaí soláthair lánais pobail teilifíse digítí agus/nó raidió. Tá an BAI tiomanta d'fhorbairt bhreise ar an teilifís phobail a fhiosrú agus leanfaidh sé ag obair leis an earnáil phobail chun múnlaí inbhuanaithe agus deiseanna maoinithe a fhiosrú.

g) Eolaithe Clár Leictreonacha (EPGanna) – Alt 74

Folaíonn an ghníomhaíocht cheadúnaithe do chonarthaí don fhaisnéis chraolacháin do bhaill an phobail i ndáil le sceideal ábhair clár atá faoi réir aon seirbhís craolacháin. Tá an fhoráil seo cineál as dáta mar gheall ar dhul chun cinn teicneolaíochta agus níl sé ailínithe go hiomlán le reachtaíocht na hEorpa agus, go háirithe, forálacha Treoir Sheirbhísí na Meán Ciosamhairc (AVMSD) a bhaineann le EPGanna. Táthar ag súil le hathbheithnithe leis an AVMSD go gairid agus nuair a dhaingnítear iad seo, forbróidh an BAI bearta chun conarthaí EPG a cheadúnú.

h) Conarthaí Ilphléacs – Teilifís Dhigiteach Trastíre (DTT) – Alt 131

Léirigh obair a rinne an BAI go dáta ar DTT nach dtacódh dálaí margaidh le seoladh seirbhísí DTT tráchtála. Bhí roinnt athbheithnithe neamhspleácha ar an margadh i gceist leis an obair seo agus tacaíonn tuarascáil thaighde Mediatique ó Nollaig 2017 leis na tuairimí seo.

Sa chomhthéacs seo, tá an BAI tiomanta dá chur chuige reatha maidir le DTT, chun athbheithniú neamhspleách a choimisiúnú gach trí bliana chun cumas an mhargaidh a dheimhniú, lena n-áirítear sainaitint iarrthóirí féideartha nua.

i) Conarthaí Ilphléacs – Léibhinn Raidió Dhigiteacha – Alt 136

Go dáta, níor fhiosraigh an BAI agus an tionscal an réimse seo gníomhaíocht cheadúnaithe go domhain mar gheall ar roinnt tosca, go háirithe, crapadh suntasach in ioncaim fógraíochta mar gheall ar an gcúlú eacnamaíochta in 2008 agus an brú leanúnach ar ioncaim fógraíochta ó shin.

Sheas an earnáil raidió suaitheadh digiteach go dáta, ach tá athrú bunúsach i ngnásanna éisteachta an lucht éisteachta níos óige agus is gá don tionscal raidió dá bhrí sin breith a dhéanamh ar an gcaoi a rachaidh sé i ngleic leis an lucht éisteachta seo faoi cheann cúig bliana nó níos mó. Is gá don earnáil raidió tráchtála a mhúnla gnó a éabhlóidiú agus straitéisí digiteacha a fhorbairt le go mbeidh sé de chumas acu inmharthanacht earnáil an raidió a shlánú go fadtéarmach.

Tá an BAI tiomanta don chumas do raidió digiteach, léibhinn san áireamh, a fhiosrú. Bainfeadh é seo amach trí ghrúpa oibre a bhunú chun athbheithniú a dhéanamh ar inbhuanaitheacht in earnáil an raidió agus athbheithniú neamhspleách a choimisiúnú ar an gcumas don chraoladh digiteach fuaim.

Prionsabail Rialála

Tá aird ag an BAI ar a ról chun craoltóirí ceadúnaithe a rialáil sa bhreis ar an Straitéis seo agus tá sé feasach ar na dúshláin atá roimh an earnáil chraolacháin, go háirithe, an gá chun inbhuanaitheacht earnála a chothromú le riachtanais agus sainroghanna an lucht éisteachta agus na riachtanais reachtúla don iolracht agus éagsúlacht sa chraoladh. Agus a fheidhmeanna rialála á ndéanamh de bhun na Straitéise seo, rialálfaidh an BAI de réir a luachana straitéiseacha de bheith cóir, neamhspleách, saineolach agus cuntasach.

Déanfaidh an BAI na nithe seo a leanas:

- Cinnteoidh sé go gcloíonn conraitheoirí craolacháin lena dtiomantais chonartha agus, go háirithe, le héagsúlacht agus iolracht;
- Coinneoidh sé costais riaracháin maidir le dualgais cheadúnaithe chomh híseal agus is féidir;
- Laghdóidh sé ualach rialála nach gá;
- Ceapfaidh sé nósanna imeachta ceadúnaithe a íoslaghdaíonn an costas a bhaineann le hiarratas ceadúnais a dhéanamh;
- Cinnteoidh sé go bhfuil a chleachtas rialála éifeachtach, éifeachtúil agus freagrach;
- Rachaidh sé i gcomhairle le conraitheoirí faoi cheadúnas maidir leis na prionsabail rialála agus gníomhaíochtaí rialála; agus,
- Foilseoidh sé cáipéisíocht mhionsonraithe maidir le gach catagóir cheadúnaithe, ina leagfar amach a chur chuige ceadúnaithe agus rialála don chatagóir áirithe sin.

Cáipéisíocht Cheadúnaithe

Ceapfaidh agus foilseoidh an BAI cáipéisíocht tacaíochta do na catagóirí ceadúnaithe ar fad ina leagfar amach go mion cur chuige an BAI maidir leis an gcatagóir cheadúnaithe sin. Tá doiciméad beartais ann faoi láthair don raidió pobail, a ndéanfar athbhreithniú agus uasdátú air.

Ceadóidh forbairt na cáipéisíochta seo don BAI measúnú agus athbhreithniú a dhéanamh ar bhearta rialála do gach catagóir cheadúnaithe go rialta agus dá bhrí sin freagairt agus athbhreithnithe tráthúla a cheadú do na bearta rialála de réir mar is gá. Cuirfidh sé faisnéis níos soiléire agus níos mionsonraithe ar fáil do pháirtithe leasmhara chomh maith. Tabharfaidh sé aird ar na bearta rialála seo a leanas nuair is cú:

- Nuachta agus Cúrsaí Reatha - Ceanglais maidir le 120 nóiméad agus 20%
- Clár Scar-rogha (raidíó amháin)
- Fógraíocht Scar-rogha (raidíó amháin)
- Uath-oibriú agus Líonrú Clár (raidíó amháin)
- Comhroinnt Feidhmeanna Neamhchlár (raidíó amháin)
- Suíomh stiúideo

Dréachtófar an cháipéisíocht seo i gcomhairliúchán leis an earnáil agus foilseofar í laistigh de bhliain ó chuirfear an Straitéis nua seo i bhfeidhm.

Aguisín 2

Achoimre ar Léirithe Suime

Fuair BAI 18 bhfreagra ar a ghlaio ar léirithe suime chun seirbhísí craolacháin fuaimne tráchtála nua a sholáthar. Bhain 10 gcinn de na freagraí le seirbhísí nua a sholáthar, agus 3 cinn le hathruithe ar sheirbhísí reatha. Is léirithe suime iad an 13 cheann a bhain le seirbhísí craolacháin fuaimne a bheadh dírithe ar an gceol, agus tá achoimre orthu sa tábla thíos. Sna 5 fhreagra eile bhí tuairimí maidir leis an earnáil craolta reatha.

Moltaí maidir le Seirbhísí Nua

Baineann éagsúlacht leis an 10 seirbhís ceolthiomáinte beartaithe ó thaobh cineáil agus limistéar saincheadúnais de. Ar an ábhar seo, baineann 3 cinn de na moltaí le limistéar saincheadúnais náisiúnta, rud nach bhfuil indéanta faoi láthair ar chúiseanna teicniúla. Is seirbhísí nideoige iad na seirbhísí seo, agus tá siad an-éagsúil óna chéile.

Moltar seirbhís nua amháin i gCo. Chill Mhantáin, seirbhís ceolthiomáinte don óige. Baineann 2 sheirbhís eile le réigiúin contaetha, a chlúdódh eatartha leath de mhargadh náisiúnta na hÉireann. Is seirbhís ilchathrach agus/nó ilchathrach/ilbhaile mór an 3 cheann eile. Is fiú a thabhairt faoi deara go molann 4 cinn de na seirbhísí seo inneachar bunaithe ar cheol tíre/ceol Éireannach. Tá deis níos mó ann le haghaidh clúdach teicniúil ar na limistéir saincheadúnais mholta seo.

Athruithe ar Sheirbhísí Reatha

Baineann 3 cinn de na léirithe suime le hathruithe ar chonarthaí reatha. Ar an ábhar seo, tá gach ceann ag iarraidh cur lena limistéar saincheadúnais faoi seach, agus leis sin, cur go mór lena lucht éisteachta ionchasach.

Barúlacha

Mhol an 5 aighneacht a chuir barúlacha isteach - ach nach raibh seirbhísí nua uathu - a bheith cúrmach mar gheall ar staid dheacair an mhargaidh mar atá agus d'iarr siad freisin go gcuirfí deireadh leis an tobhach craolacháin. D'aibhsigh aighneacht amháin an ról tábhachtach a imríonn an raidió pobail agus é ag cuidiú le BAI a spriocanna sonraithe a bhaint amach. I gceann eile iarradh ar BAI cuóta 60% de cheol na hÉireann ar sheinnliostaí do stáisiúin raidió na hÉireann.

D'fhógair BAI do na freagróirí ionchasacha ar fad go bhféadfaí na haighneachtaí uile a phlé le linn an athbhreithnithe ar an Straitéis agus go gcuirfí iad ar fáil do lucht taighde BAI.

Tábla Achoimre - Seirbhísí Nua Molta agus Moltaí maidir le hAthruithe ar Sheirbhísí Reatha

Uimh.	Curtha Isteach Le	Seirbhís atá á moladh	Limistéar saincheadúnaithe	Sprioc-Lucht Éisteachta
1	Raidió Rí Rá	Stáisiún ceolthiomáinte 24 uair an chloig don óige. Clárú cainte éadtrom, spraoiúil. Nuacht fhíor-ama faoin nGaeilge/pobal na Gaeilge.	Náisiúnta (Thabharfaí isteach Tuaisceart na hÉireann laistigh de 3 bliana).	12-30 bliain
2	Mr. N. Mahoeny & T. Ms. T. Lee	Stáisiún 24 uair an chloig le meascán de shiamsaíocht,	Náisiúnta	25-54 bliana

Uimh.	Curtha Isteach Le	Seirbhís atá á moladh	Limistéar saincheadúnaithe	Sprioc-Lucht Éisteachta
		ceol agus caint. An bhéim ar spraoi; dearfach deimhneach.		
3	Radio Kerry / Shannonside Nthn Sound / Midwest Radio	Stáisiún ceol-thiománta 24 uair an chloig. Dírithe ar cheol comhainseartha & ar cheol tíre, an bhéim ar cheoltóirí Meiriceánacha agus Éireannacha (idir bhunaithe agus nua). Roinnt clár siamsaíochta éadrom.	Cathracha - Baile Átha Cliath, Corcaigh, Luimneach, Gaillimh agus Port Láirge.	35+
4	Clare FM / Tipp FM	Stáisiún ceoil tíre 24 uair an chloig do gach aoisghrúpa	80% de Chontae na Gaillimhe, Contae Luimnigh, Tuaisceart Chiarraigh, Contae Thiobraid Árann agus Contae an Chláir.	Lucht leanúna an cheoil tíre - gach aoisghrúpa
5	8Radio.com	Ceol malartach	Baile Átha Cliath agus a Chontae, Cathair Chorcaigh agus cuid den Chontae, Cathair Luimnigh agus cuid den Chontae agus Cathair na Gaillimhe agus cuid den Chontae (Measfar na féidearthachtaí maidir le ceantracha uirbeacha eile)	25-54 bliana
6	Easy Media Broadcasting Ltd. t/a Country FM	Stáisiún ceoil tíre 24 uair an chloig. Ceol tíre clasaiceach agus comhaimseartha le haschur mór de cheol tíre na hÉireann.	Baile Átha Cliath agus a Chontae, an Iarthuaisceart agus Lár Tíre/an Oirthuaisceart	35+
7	East Coast Radio Ltd.	Stáisiún ceoil chomhaimseartha 24 uair an chloig dírithe ar lucht éisteachta óg. Ceol pop agus siamsaíocht a bhaineann le lucht éisteachta óg.	Contae Chill Mhantáin	15-34 bliana
8	Midlands Community Radio Services t/a Midlands 103	Stáisiún ceol na hÉireann 24 uair an chloig. Meascán de cheol tíre, comhaimseartha, clasaiceach agus ceoltóirí nua Éireannacha. Bheadh an clárú dírithe ar chultúr agus taithí na hÉireann.	Ceatharlach, Cill Dara, Cill Choinnigh, Laois, Liatroim (theas), Longfort, an Lú, an Mhí, Uíbh Fhailí, Ros Comáin, Tiobraid Árann agus an Iarmhí.	45+
9	Classic Rock Broadcasting Ltd t/a Radio Nova	Stáisiún ceol rac 24 uair an chloig. Príomhshruth, clasaiceach agus do dhaoine fásta. Ceol Éireannach idir 20-30%.	Baile Átha Cliath, an Contae agus an ceantar coimíteara, Cathair Chorcaigh agus cuid den Chontae, Cathair Luimnigh agus cuid den Chontae agus Cathair na Gaillimhe agus cuid den Chontae, Cill Choinnigh/Ceatharlach, an	25+

Uimh.	Curtha Isteach Le	Seirbhís atá á moladh	Limistéar saincheadúnaithe	Sprioc-Lucht Éisteachta
			tOirthuaisceart, Lár Tíre, an tOirdheisceart.	
10	Sklark Media Services	Stáisiún uirbeach ceolthiomáinte 24 uair an chloig. Dírithe ar lucht éisteachta níos sine, 50í-80í. Cláracha ag féachaint siar ar na tréimhsí sin.	Baile Átha Cliath, an Contae agus an ceantar coimíteara, Corcaigh, Luimneach, Gaillimh, Port Láirge, Droichead Átha, Dún Dealgan, An Uaimh, Loch Garman, Cill Choinnigh, Ceatharlach agus Baile Átha Luain (agus ceantracha eile laistigh de 3 bliana)	55+
11	Choice Broadcasting Ltd. t/a Classic Hits 4FM	Stáisiún ceolthiomáinte 24 uair an chloig. Ceol ó na 60í go dtí an lá inniu. Clárú labhartha - cláir cainte.	Baile Átha Cliath, an Contae agus an ceantar coimíteara, Cathair Chorcaigh agus an Contae, Cathair Luimnigh agus an Contae, Cathair na Gaillimhe agus an Contae, Contae an Chláir, Cathair Phort Láirge, Cathair Chill Choinnigh, Baile Átha Luain, Port Laoise, Sligeach, Dún Dealgan agus Droichead Átha	40+
12	Ken Murray	Stáisiún ceoil traidisiúnta na hÉireann agus ceol tíre. Dírithe ar cheol traidisiúnta na hÉireann agus ar cheol tíre. Cláir dirithe ar dhaoine a chónaíonn i dtuath na hÉireann.	Náisiúnta	26-65 bliana
13	Star Broadcasting Ltd t/a Sunshine FM	Récheol	Cathair Chorcaí agus an Contae, Cathair Luimnigh agus an Contae, Cathair na Gaillimhe agus an Contae, cathair Phort Láirge, Cathair Chill Choinnigh	15+

Aguisín 3

Ord Reatha na hÓcáide do Gheallsealbhóirí

An tOrd Reatha

Comhairliúchán Poiblí Dréachtstraitéis um Sheirbhísí Craolacháin

Dáta: 24/04/2018 **Am:** 09.30am **Áit:** AVIVA, Bóthar Landsúin, BÁC 4.

- 9.30** **Clárú**
Clárú agus sóláistí.
- 10.00** **Fáiltiú ag Cathaoir na hÓcáide**
Cuirfidh Colette Fitzpatrick fáilte roimh gach éinne agus tabharfaidh sí achoimre ar imeachtaí an lae.
- 10.10** **Réamheolas ag Cathaoirleach BAI, Pauric Travers**
Tabharfaidh an Cathaoirleach an cúlra agus an comhthéacs d'fhorbairt na Dréachtstraitéise um Sheirbhísí Craolacháin
- 10.20** **Cur i láthair na Taighde, Mediatique**
Déanfaidh Matthew Horsman agus Sophie Outhwaite ó Mhediatique cur i láthair ar an taighde a choimisiúnaigh BAI ar *Market Structure, Dynamics and Developments in Irish Media*. Leanfar é le ceistanna agus freagraí le aíonna speisialta.
- 11.00** **An Dréachtstraitéis um Sheirbhísí Craolacháin, Príomhfheidhmeannach BAI**
Cuirfidh Michael O'Keeffe, Príomhfheidhmeannach BAI, an Dréachtstraitéis um Sheirbhísí Craolacháin i láthair.
- 11.15** **Sos**
Tae, Caife agus Smailceanna.
- 11.30** **Plé comhchéime**
Beidh grúp-phlé ag an lucht freastail ar an Dréachtstraitéis um Sheirbhísí Craolacháin faoi cheithre cheannteidil: ceadúnú, rialáil, nuacht agus cúrsaí reatha, agus fógraíocht scar-rogha
- 12.15** **Aiseolas**
Tabharfaidh gach grúpa aiseolas óna gcuid pléití don lucht freastal ar fad. Beidh Colette Fitzpatrick sa chathaoir.
- 13.00** **Clabhsúr na hócáide**
Tabharfaidh Colette Fitzpatrick deis don lucht freastal aon cheistanna deireanacha a chur ar na cainteoirí. Ina dhiaidh seo, cuirfidh Colette Fitzpatrick clabhsúr ar an ócáid.
- 13.30** **Lón**
Cuirfear biachuntar ar fáil.
- 14.30** **Deireadh**

Aguisín 4

Liosta de na Freagraí i Scríbhinn ar an gComhairliúchán

Uimh.	Freagróir
1	Easy Media Broadcasting Ltd.
2	Dr. John Walsh Ollscoil na hÉireann, Gaillimh
3	Classic Hits 4FM
4	An tUas. Ralph McGarry
5	Midlands 103
6	Craoltóirí Neamhspleácha Éireann
7	Communicorp Media
8	DCTV
9	CTA
10	Digital Broadcasting
11	8Radio
12	TV3 (now Virgin Media)
13	Conradh na Gaeilge
14	Radio Nova
15	Radó Rí-Rá
16	Wireless Group
17	CRAOL
18	Red FM
19	RTÉ